


R 496

2017/6

GULISTON



*Ikki gul vaqtidur-u ikki quyosh davronidur,
Kim ko'ngulda ul iki oraz g'ami hijronidur.*

Alisher NAVOIY



**ТЎЛА ИШОНЧ БИЛАН АЙТИШ МУМКИНКИ,
ЎЗБЕКИСТОН РЕСПУБЛИКАСИ КОНСТИТУЦИЯСИ
ХАЛҚИМИЗ СИЁСИЙ-ҲУҚУҚИЙ ТАФАККУРИНИНГ
ЮҚСАК НАМУНАСИДИР.**

ШАВКАТ МИРЗИЁЕВ





GULISTON



ijtimoiy-siyosiy, ilmiy-badiiy, madaniy-ma'rifiy jurnal

Jurnal 1925-yildan chiqsa boshlagan

Muassis:

O'zbekiston Respublikasi

Madaniyat vazirligi

Bosh muharrir

vazifasini bajaruvchi:

Temur A'ZAM

Jamoatchilik kengashi:

Muhammad ALI

Suyima G'ANIYEVA

Baxtiyor SAYFULLAYEV

Minhojiddin MIRZO

Shuhrat SIROJIDDINOV

Akmal NUR

Hamidulla BOLTABOYEV

Isajon SULTON

Fathulla MA'SUDOV

Mirza AZIZOV

Oqilxon IBROHIMOV

Tahririyat:

mas'ul kotib:

Komil JONTOYEV

fotomuxbir:

Mashrab NURINBOYEV

sahifalovchi:

Nigina ISMOLOVA

navbatchi muharrir:

Manzura SHAMS

USHBU SONDA:

Oqilxon IBROHIMOV

Shashmaqom:

kecha va bugun

Ibrohim G'AFUROV

*Har dilning ko'ngilda
bir ohi bo'lar*

Rahmatilla AKBAROV

Bayroqlar tarixidan

Gulasal USMONOVA

Raqqosa shaxsiga nazar

Yusufxon SAYDALIYEV

Musiqaning hayotbaxsh sehri

Zulfiya HAMROYEVA:

*Maqsadimiz – ko'ngillarga
kirib borish*

Jo'ra FOZIL

Mening qizil gulim

Rizo JULOYI

Tungi navbatchilik



Jurnal O'zbekiston Matbuot va axborot agentligi tomonidan 0517 raqamli guvohnoma bilan 13.09.2016-yilda ro'yxatga olingan.

Jurnal ikki oyda bir marta (bir yilda oltita) chop etiladi.

Mualliflar va tahririyat fikrlari farqli bo'lishi mumkin.

«Guliston» jurnalidan olingan materiallarda manba ko'rsatilishi shart. Tahririyat barcha ijodiy ishlarni tahrir etishga haqli.

Bichimi 62x84. Buyurtma № 80. Adadi: 1200 nusxa.

Hajmi 6 bosma taboq.

Bosmaxonaga 15.12.2017-yilda topshirildi. Bosishga 18.12.2017-yilda ruxsat etildi. Tahririyat manzili: Toshkent — 100000, Buyuk Turon ko'chasi, 42-uy. Tel.: 233-25-66, 233-27-94.

Jurnal «SILVER STAR PRINT» MCHJ bosmaxonasida chop etildi.
Manzil: Toshkent shahri, Uchtepa tumani, 22-mavze, 17-uy.



ПРЕЗИДЕНТ ШАВКАТ МИРЗИЁЕВНИНГ ЎЗБЕКИСТОН РЕСПУБЛИКАСИ КОНСТИТУЦИЯСИ ҚАБУЛ ҚИЛИНГАНИНИНГ 25 ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ МАЪРУЗАСИДАН

Тўла ишонч билан айтиш мумкинки, Ўзбекистон Республикасининг Конституцияси халқимиз сиёсий-хукуқий тафаккурининг юксак намунасидир. У ҳеч кимга қарам бўлмасдан, эркин ва озод, тинч ва осойишта, фаровон яшашининг қонуний кафолати бўлиб келмоқда. Бозор муносабатларига асосланган хукуқий демократик давлат, кучли фуқаролик жамияти барпо этиш борасида мустаҳкам пойдевор бўлиб хизмат қилмоқда.

Биринчи Президентимиз муҳтарам Ислом Абдуғаниевич Каримов раҳбарлигига 1990 йил июнь ойида тузилган Комиссиянинг икки йиллик машиқатли меҳнати натижасида Конституциянинг биринчи, иккинчи ва сўнгра учинчи лойиҳалари ишлаб чиқилди. Ушбу Комиссия аъзоси сифатида мен ана шу тарихий жараёнда бевосита иштирок эттанимни доимо фаҳр билан эслайман. Конституциянинг яратилиши билан боғлиқ қизғин баҳс-мунозаралар, турли ғоя ва фикрлар ҳали ҳам хотираамда.

Биз ўз келажагимизни ўзимиз қурамиз. Бу йўлда хато қилишга ҳаққимиз йўқ. Шунинг учун ҳар томонлама чукур ўйлаб, 2017-2021 йилларда Ўзбекистон Республикаси ни ривожлантиришнинг бешта устувор йўналиши бўйича Ҳаракатлар стратегиясини қабул қилдик. Мазкур ҳужжат моҳиятига кўра, жамият ҳаётининг барча соҳаларидаги тизимли исплоҳотларнинг «йўл харитаси»га айланди.

Ҳаракатлар стратегияси ижроси доирасида шу йилнинг ўзида 20 дан ортиқ қонун ва 700 дан зиёд қонуности ҳужжатлари қабул қилинди. Биз бу борада кўпгина қонунлар халқимизга маъқул эмаслигини, улар эл-юртимиз манфаати учун ишлаши кераклигини ҳисобга олган ҳолда шундай йўл тутдик. Бу ишларни қелгусида албатта давом эттирамиз.

Маълумки, бу йил давлат ҳокимияти тизимида мутлақо янги институт – Ўзбекистон Республикаси Президентининг Виртуал қабулхонаси, жойларда Халқ қабулхоналари ташкил этилди. Ушбу тузилмалар барча даражадаги давлат ҳокимияти ва бошқаруви органларининг фуқаролар билан ҳамкорлик қилиш, ахолининг энг долзарб муаммоларини ҳал этишнинг самарали тизимига айланди.

Биз суд тизимини тубдан исплоҳ қилишига алоҳида эътибор бермокдамиз. Жумладан, ягона суд амалиётини таъминлаш учун Ўзбекистон Республикаси Олий суди ва Олий хўжалик суди бирлаштирилди.

Судьяларни танлаш ва лавозимларга тайинлашда ноконуний аралашувларнинг олдини олиш, очик, ошкора

ва муқобил танлов тизимини яратиш мақсадида Судьялар олий кенгаши таъсис этилди.

Айни вақтда кўп раҳбарлар булар ҳаммаси вақтинча, бир йиллик иш, деган хом хаёл билан юрибди. Аммо улар шуни қулогига қуйиб олсин, кўприклар аллақачон ёниб кетган. Энди ҳеч қаҷон орқага қайтмаймиз.

Конституциямизда муҳрлаб қўйилган «Ҳар бир шахс мулқдор бўлишга ҳақли» ҳаимда «Хусусий мулқ бошқа мулқ шакллари каби дахлсиз ва давлат ҳимоясида» деган нормаларни амалда рёёбга чиқариш мақсадида янги институт – Ўзбекистон Республикаси Президенти хузурида Тадбиркорлик субъектларининг хукуқлари ва қонуний манфаатларини ҳимоя қилиш бўйича вакил институти таъсис этилди.

Бугунги тарихий сана арафасида мен Президент сифатида ўзимнинг конституциявий ваколатидан фойдаланиб, судлар томонидан ҳукм қилинган 2 минг 700 нафар шахсни афв этиш тўғрисидаги Фармонни имзоладим.

Бундай Фармон Ўзбекистон тарихида биринчи марта қабул қилинди.

Инсон ҳукуқларини таъминлашга қаратилган ҳаракатларимиз Бирлашган Миллатлар Ташкилотининг Барқарор тараққиёт мақсадларига тўла ҳамоҳангдир.

Таъкидлаш керакки, Конституциямизда Инсон ҳукуқлари умумжаҳон декларациясининг асосий принциплари ўз аксини топган. 2018 йил ушбу декларациянинг 70 йиллиги бутун дунёда кенг нишонланади. Биз ҳам инсон ҳукуқларига оид биринчи универсал ҳалқаро ҳужжат бўлган мазкур декларациянинг мазмун-моҳиятини атрофлича тарғиб этиш учун маҳсус Давлат дастурини қабул қиласиз.

Жиноятчиликнинг олдини олиш мақсадида янги дастур ва режалар амалга оширилмоқда. Жумладан, соҳага аҳборот-коммуникация технологиялари кенг жорий этилмоқда. Маҳаллалар, кўчалар, савдо ва хизмат кўрсатиш объектларида 114 мингдан ортиқ видеокузватув воситаси ўрнатилди. Уларнинг ёрдамида 10 мингга яқин жиноят фош этилди.

Йил давомида жиноятчилик даражаси 2016 йилга нисбатан 14 фоизга камайди ва бунда ана шу ишларнинг аҳамияти катта бўлди.

Айни вақтда бу ишлар катта йўлнинг бошланиши, дастлабки босқич эканини ўзимизга яхши тасаввур этамиз. Жа-

миятимизда «Қонун ва адолат – устувор, жиноятга жазо – муқаррар» деган принципни қарор топтириш учун бор куч ва имкониятларимизни сафарбар этамиз.

Мазкур йўналишдаги эътиборга молик ишлар қаторида коррупцияга қарши курашишнинг яхлит тизими яратилганини алоҳида таъкидлаш лозим.

«Коррупцияга қарши курашиш тўғрисида»ги Қонуннинг қабул қилиниши давлат аппарати ва фуқаролик жамияти институтларининг ушбу хавфли иллат билан курашдаги куч ва имкониятларини бирлаштириш имконини берди.

Маълумки, Асосий қонумизда «Давлат ҳалқ иродасини ифода этиб, унинг манбаатларига хизмат қилиши» тўғрисидаги норма белгилаб қўйилган. Унинг ижросини амалда таъминлаш мақсадида Маъмурий ислоҳотлар концепцияси қабул қилинди.

Бугунги кунда мамлакатимизда олиб борилаётган ислоҳотлар самараси авваламбор юксак маънавиятли, мустақил фикрлайдиган, Ватанимиз тақдири ва истиқболи учун масъулиятни ўз зиммасига олишга қодир ёш кадрлар сафини кенгайтиришга бевосита боғлиқ.

Шу мақсадда яна бир муҳим ҳужжат – «Ёшларга оид давлат сиёсати самарадорлигини ошириш ва Ўзбекистон ёшлар иттифоқи фаолиятини қўллаб-куватлаш тўғрисида»ги Фармон қабул қилинди.

Мана, биз Самарқандда Имом Бухорий номидаги Халқаро илмий-тадқиқот марказини, Тошкент шаҳрида эса Ислом цивилизацияси марказини барпо этмоқдамиз. Бу ишларни кимгadir кўз-кўз қилиш учун амалга ошираётганимиз йўқ. Мақсадимиз – ислом динининг ҳақиқий инсонпарварлик мөхиятини, маърифий исломни болаларимиз онгига сингдириш. Шу йўлда бизнинг буюк ажодларимиз қандай улуғ ишларни амалга оширганлари ҳақида улар ана шундай масканларга келиб ўзлари учун керакли бўлган энг муҳим бўлган билим ва тасаввурларга эга бўлади. Энг асосийси, уларнинг қалбида бой тарихимиз, маданий меросимиз билан фаҳрланиш туйғуси камол топади.

Боғча тарбиясини кўрган боланинг онги, дунёкараши қандай юқори бўлишини бугун кимгadir исботлаб ўтиришнинг, ўйлайманки, ҳеч қандай ҳожати йўқ.

Бу ҳолатларнинг барчасини ҳисобга олиб, Мактабгача таълим вазирлиги ташкил этилди. Мазкур вазирлик зиммасига маъмурий ислоҳотлар доирасида белгиланган устувор йўналишлардан келиб чиқиб, бир қатор муҳим вазифалар юкланди.

Маълумки, Конституциямизнинг 53-моддасида «Давлат иқтисодий фаолият, тадбиркорлик эркинлиги, хусусий мулк дахлизлиги ва муҳофаза этилишининг кафолати», деб белгилаб қўйилган. Бу фикрнинг амалий исботи сифатида жорий йилда миллий валютамиз – сўмнинг эркин конвертациясига йўл очилди.

Божхона тўловлари ставкалари 2 баробар пасайтирилди, тадбиркорлик субъектлари фаолиятини режадан ташқари ва муқобил текширишлар бекор қилинди.

Фуқароларимизнинг Конституцияда мустаҳкамланган ижтимоий ҳуқуқларини таъминлаш борасида йил давомида қишлоқ жойларда янги намунавий лойиҳалар асосида 24 мингта, шаҳарларда 187 та замонавий кўп қаватли ўй-жойлар барпо этилди.

Аҳолини марказлаштирилган тармоқлар орқали сув

билан таъминлаш мақсадида 218 та лойиҳа амалга оширилиб, 350 минг кишининг сув таъминоти яхшиланди.

Қишлоқ врачлик пунктлари негизида 800 га яқин оиласий поликлиникалар, 400 дан зиёд тез тиббий ёрдам шоҳбачалари ташкил этилди. Тез тиббий ёрдам хизматлари 1 минг 260 та маҳсус транспорт воситаси билан таъминланди. 300 дан ортиқ мактабгача таълим муассасаси таъмирдан чиқарилди.

Ижтимоий адолат тамойилини таъминлаш, кўмак ва ёрдамга муҳтоҷ инсонлар, ногиронлиги бўлган шахсларнинг тўлақонли ҳаёт кечиришлари учун муносиб шароит яратиб бериш масаласига давлатимиз ва жамиятимиз томонидан устувор аҳамият қаратилди.

Шу борада жорий йилнинг ўзида ногиронларга 2 триллион 600 миллиард сўм пенсия ва нафақалар тўланди.

Кам таъминланган, уй-жойга муҳтоҷ 1 минг 200 дан ортиқ ногирон фуқароларга арzon уй-жой ажратиш бўйича шартномалар имзоланиб, бошланғич тўловлар учун 22 миллиард сўмдан ортиқ маблаг ажратилди.

Мехнатга лаёқати чекланган 972 нафар ногирон аёлга касаначилик билан шуғулланиш учун тикив машиналари олиб берилди ва улар учун доимий даромад манбай яратилди. Шу тоифага мансуб фуқароларга 7 мингдан ортиқ протез-ортопедия воситалари, 6 минг 500 дан ортиқ ногиронлик аравачалари, 1 минг 600 га яқин эшитиш аппаратлари бепул берилди.

Ногиронлиги бўлган ва нафақа ёшидаги фуқароларнинг даволаш-профилактика муассасаларида бепул даволаниши учун 23 минг 500 га яқин йўлланма ажратилди.

Бу йўналишда яна бир муҳим ҳужжат – «Ногиронлиги бўлган шахслар ҳуқуқлари тўғрисида»ги Қонун қабул қилинади.

Бугунги кунда аҳолимизнинг Халқ қабулхоналарига бўлган ишончи тобора ортиб бормоқда. Ушбу тузилмаларнинг давлат органлари мансабдор шахслари масъулиятини оширишдаги роли борган сари кўпроқ сезилмоқда.

Барчамиз яхши тушунамиз, халқимизнинг ҳаёт даражаси ўсиши, кўпгина муаммолар ҳал қилиниши билан Халқ қабулхоналарига мурожаатлар камайиб боради. Шунинг учун бу қабулхоналар имкониятларини биз давлат хизматларини кўрсатиш соҳасига йўналтирамиз.

Жанубий Кореяда 750 турдаги давлат хизматлари кўрсатилар экан. Сеул шаҳри маъмурияти вакиллари келиб, Тошкент шаҳрида ҳам шундай хизматларни йўлга кўйиш бўйича ёрдам беради.

Биз жаҳон ҳамжамияти билан яқин ҳамкорликни изчил давом эттиришни ўз олдимизга қўйган улуғ мақсадларга етишининг энг муҳим омили, деб биламиз. Шу мақсадда дунёдаги барча узоқ-яқин давлатлар, биринчи навбатда қўшини мамлакатлар билан самарали алоқаларимизни янада кучайтирамиз.

Сиз, азизларни Конституциямизнинг қутлуғ байрами билан яна бир бор самимий табриклаб, барчангизга сиҳат-саломатлик, оилавий хотиржамлик, фарзандлар, набиралар баҳту камолини кўришни тилайман.

Яратганнинг ўзи юртимизни бало-қазолардан асрасин, эзгу ишларимизда доимо мададкор бўлсин!

Шағом va замон

Президентимизнинг ўзбек миллий мақом санъатини янада ривожлантириш масалала-ри бўйича қабул қилган қарори билан яқин бир аср давомида халқимиз интизорлик билан кутган воқелик амалга ошадиган бўлди. Бу қарор, шубҳасиз, халқимиз учун, келажак авлод-нинг тарбияси учун муҳим дастуриламалдир. Зеро, мақомлар ўзбек халқи маданий-маъна-вий тарихининг оҳангларда юксак ифодасини топган қомусидир. Буюк санъаткорлар, халқ бастакорлари томонидан яратилган мақомларда асрлар оша халқимизнинг руҳияти, маъна-вияти, миллий қадрияти, ҳаётий кечинмаларининг теран фалсафий моҳияти тараннум этилган. Унинг муайян тартиби, талқин мезонидаги таркиби, замон ва макон билан боғлиқ ижро фалсафаси мавжуд.

Қарорда бетакрор санъатнинг асл илдизларини илмий-назарий жиҳатдан ўрганиш, мақом ижрочилиги билан боғлиқ анъаналар, услублар, мактабларни замон ва макон тамойили негизида равнақ топтириш, мазкур соҳа таълими билан боғлиқ масалалар, педагог-устозларни тай-ёрлаш, зарур моддий ва маънавий шароитлар яратиш, мақомларни анъаналарга асосланган янгича талқинларда ёзиб олиб, унинг «олтин-фонд»ини яратиш, халқимизни ушбу буюк санъат намуналаридан баҳраманд этиш, қолаверса, дунё халқлари орасида мақомларнинг нуфузини ошириш, замонага мос тарзда кенг тарғиб этиш каби муҳим вазифалар белгилаб берилган.

Энг муҳими ва ибратли жиҳати шундаки, мазкур ҳужжатда мақом санъати билан боғлиқ барча масалалар яхлит, бутун республика бўйича марказлаштирилган ҳолда олиб борилиши кўзда тутилган. Шунга кўра, ижодиёти ва ижрочилиги мақом санъати билан боғлиқ бўлган республикамизнинг барча воҳаларида фаолият юритаётган санъаткорларни қамраб олган «Мақом маркази»ни тузиш таклиф этилган. Бу эса ўзбек мақом санъатининг тури кўп бўлгани билан, замини ягона эканлигининг ёрқин далилидир. Бухоро Шашмақоми, Хоразм мақомлари ва Хоразм дутор мақомлари, Фарғона-Тошкент мақом йўллари, Фарғона сурнай мақом йўллари, қолаверса, барча воҳаларда мақомлар асосида яратилган мумтоз куй ва ашула-лар биргина «мақом» сўзи замирада жам бўлган.

Республикамизнинг барча вилоятларида ансамбллар тузилиши ва фаолият олиб бори-шининг марказлашуви кейинги ишларнинг муҳим босқичидир. Аввало, вилоятларда улуғ санъатимиз ижрочилиари ва ижодкорлари шаклланади ҳамда улар фаолиятини ривож-лантириш чора-тадбирлари кўрилади, қолаверса, бошлангич ва ўрта таълим тизимида ёш авлодни мақом санъати воситасида тарбиялаш бошқа оммавий жанрлар ижрочили-гиди ижобий натижаларга олиб келиши, шубҳасиз.

Мақомларни ўрганиш ва тарғиб қилишда ҳар икки йилда Шаҳрисабз шаҳрида ўт-казиладиган мақом анжумани жуда катта амалий аҳамият касб этади. Чунки мазкур анжуман мақомларни мукаммал ўзлаштирган ёш созанда, хонандаларнинг маҳо-ратини намойиш этадиган катта имкониятлар саҳнаси вазифасини ўтайди. Бу ан-жуманнинг янада бир ўзига хос жиҳати шундаки, унда Шарқ мақомот усталарининг қизғин ижодий мусобақаси ташкил этилади.

Бир сўз билан айтганда, мазкур қарор, аввало, мусиқа санъати намоянда-лари амалиётида қадим миллий ижро маданиятининг қайтадан тикланишига, мактабдан олий таълимгача бўлган ўқув жараёнидаги мақомларни ўрганишга, созанда ва хонандаларимиз савиясининг, билимининг юксалишига, ўзбек мақомларининг бекиёс жозибасини халқаро миёсда янада кенгроқ тарғиб қилишга, Шарқ халқлари мақомоти, яъни рага, дастгоҳ, мақам, нуба ва мугом санъатининг моҳир созанда ва хонандалари юртимизга келиб ўз санъатла-рини намойиш этишига кенг имкониятлар яратади. Муҳими, келажагимиз эгалари бўлмиш ёш авлодни баркамол этиб тарбиялашнинг имкониятлари кенгаяди.

SHASHMAQOM:

kecha va bugun

Мумтоз мусиқий санъатнинг юксак намунаси бўлган шашмақом XVIII асрнинг ўрталарида келиб Бухоро сарой мусиқачилари ва мусиқашунос олимлари томонидан маҳобатли туркум тарзида тасниф этилган эди. Маълумки, бу мақомлар, бизнинг даврга қадар асосан, оғзаки услуб воситасида устоз-шогирд анъанаси тарзида етиб келди. Бу жараёнда шогирдлар устозлари ижросидаги мақом намуналарини хотираларида мұхрлаб, амалий ижро жараёнида ўрганиб, ижодий ўзлаштирганлар.

XX аср давомида шашмақом мураккаб синовли жараёнлардан ўтди. Зеро, бу мумтоз мусиқий санъат намунасининг саройдаги анъанавий намоён бўлиш шакли тубдан ўзгарди. Маълумки, Бухоро амирлиги тугатилгач, сарой мумтоз мусиқаси – шашмақом истиқболи, асрий бадиий анъаналарининг тақдирни мавхум бўлиб қолган эди. Бунинг устига бу санъат қийматининг «феодал тузумидан қолган зерикарли санъат» каби ибораларда расмий ва норасмий давраларда камситилиш ҳоллари ҳам тез-тез учраб турарди.

Бир қатор устоз-ҳофиз ва созандалар мақомларни сақлаб қолиш ва уни ёш авлодга етказиш йўлида ўз хизматларини аямадилар. Булар қаторида Ота Жалол Носир, Ота Фиёс Абдуғани, Ҳожи Абдулазиз Расулов, Домла Ҳалим Ибодов, Леви Бобохонов, Борух Зиркиев, Юнус Ражабий, Маъруфжон Тошпўлатов, Бобоқул Файзуллаев, Фазлиддин Шаҳбовнинг хизматларини алоҳида кўрсатиш керак. Шунингдек, Абдурауф Фитрат ташаббуси билан этнограф олим ва композитор Успенский сарой санъаткорлари – ҳофиз Ота Жалол Носир ва танбурчи Ота Фиёс Абдуғанилар ижросида шашмақомни илк бор беш чизиқлиnota ёзувига олди. Бу тўплам 1924 йилда нашр этилган. Кейинчалик эса, Ўзбекистон ҳалқ артисти, академик Юнус Ражабий шашмақом туркумини нисбатан мукаммал тарзда ёзувларда мұхрлаб, икки бора nota тўпламларида босмадан чиқарди. Шунингдек, 1959 йили Ўзбекистон телерадиоси ҳузурида «Мақомчилар ансамбли»ни тушиб, унда салобатли «Шашмақом» туркуми ва «Фарғона-Тошкент мақом йўллари» ижрочилик анъаналарини замон руҳи билан пайваста этган ҳолда амалий йўлга кўйди.

Ю.Ражабийнинг таҳсинга сазовор бу меҳнати шарофати билан асрлар давомида авлоддан-авлодга оғзаки ўтиб келаётган, лекин маълум сиёсий-мағкуравий сабабларга кўра йўқ бўлиб кетиш хавфи остида қолган миллий мусиқий бойликларимизни асрлаб қолиш йўлида бемисл иш амалга ошган эди.

Мустақиллик даврига келиб барча соҳалар қатори мусиқа маданияти жабҳаларида ҳам ўзгаришлар рўй бера бошлади. Бу борада, Ватанимизда мусиқа санъатини кенг кўламда ривожлантириш ва ижтимоий-музиқий маданиятни янада юксалтириш учун зарур

шарт-шароитлар яратилди, ёш авлодга миллий ва жаҳон мумтоз мусиқаси асосида таълим-тарбия бериш йўлида мұхим ишлар амалга оширилди. Мусиқа санъатини ривожлантиришга қаратилган бир қатор фармон ва қарорлар эълон қилинди.

Бу борада 1997 йилдан буён кўхна Самарқанд шаҳрида ҳар икки йилда бир маротаба мунтазам ўтказилаётган «Шарқ тароналари» ҳалқаро мусиқа фестивалининг аҳамияти бекиёс бўлмокда. Зеро, мазкур байрамона тадбир боис бебаҳо миллий мусиқамиз ҳалқаро саҳналар сари дадил одимлади ва жаҳон ҳамжамияти эътирофига сазовор бўлди.

2003 йили ЮНЕСКО томонидан шашмақом жаҳон номоддий маданий меросининг дурдонаси дея эълон қилингани, 2008 йили эса номоддий маданий мерос бўйича ҳукumatларо қўмитанинг 3-сессиясида инсоният номоддий маданий мероси репрезентатив рўйхатига киритилгани ҳамда унинг анъаналарини янги шарт-шароитларда сақлаш ва тарғиб қилишга оид маҳсус дастурни қабул қилганлиги беҳад қувончли маданий воқеа бўлди.

Бугунги кунга келиб, республикада фаолият кўрсатаятган 300 дан зиёд Мусиқа ва санъат мактаблари, шунингдек, мусиқага ихтисослашган академик лицей, Санъат коллежи, Ўзбекистон давлат консерваторияси ва Ўзбекистон давлат санъат ва маданият институти ўқув режаларидан мақом санъатини назарий ва амалий ўрганишга қаратилган қатор фанлар жой олган. Айни вактда умумтаълим мактабларида таълим олаётган ёш авлод ҳам бу санъатдан баҳра олиш имконига эга бўлди. Шу билан бирга, мумтоз мақом санъати бугунги кунга келиб, нафақат Ватанимиз маданий ҳаёти, балки жаҳон мусиқа маданиятида ҳам тобора мұхим ўрин тутмоқда.

Жаҳон тамаддунида шашмақомга бўлган илмий-ижодий қизиқиш йилдан-йилга ортиб бораётгани бежиз эмас, албатта. Зеро, миллий ва умуминсоний қадриятлар уйғун бу мумтоз санъатда бутун башарият учун абадий мавзу – инсон руҳини коинотга қадар юксалтириш ғояси устувордир.

Улуғ аждодларимизнинг юксак интеллектуал ва ижодий салоҳияти билан яралган мақомлар, бир сўз билан айтганда, ана шундай мўъжизакор санъатdir. Айни шу кунларда шашмақом, Хоразм мақомлари ва Фарғона-Тошкент мақом йўлларининг асил диёри бўлган юртимизда мақом санъати олий даражада қадр-қиммат топаётганлиги қувонарлидир.

Оқилхон ИБРОХИМОВ



Буғунги кунда жаҳонда 230 дан ортиқ мамлакат мавжуд бўлиб, уларнинг ҳар бири ўзининг давлат байроғи, герби ва мадҳиясига эга. Бундай давлат рамзлари ўша мамлакатнинг миллий хусусиятларини ўзида акс эттиради. Айниқса, байроқлар бунда муҳим аҳамият касб этади. Байроқ – давлат, ташкилот, уюшма, ҳарбий қисм ва шу кабиларга қарашлиликни ифодаловчи, бир ёки бир неча рангли, герб, эмблема ва бошқа рамзий белгилар тасвири туширилган мато бўлиб, унинг бир неча турлари мавжуд.

BAYROQLAR TARIXIDAN

Кўпгина манбаларда байроқ сўзи ботироқ сўзидан келиб чиққанлиги таъкидланади. Қадимги турклар тупроққа ботирилган тирковичлар учига қабилалари рамзи сифатида матолар ёки иплар осганлар. Вақт ўтиши билан бу «тупроққа ботирилган ёғоч» давлат рамзига айланади.

Баъзи туркий қабилаларнинг байроқларига узун таёқ ёки найза учидаги олтин шарга отнинг думи боғланган. Шундай кўринишдаги байроқлар XVI-XVIII асрларда Дон ва Ёйик (Урал) дарёлари бўйларида яшовчи казаларда ҳам мавжуд бўлиб, уни кўриқловчи ва кўтариб юрувчи бўлинма бошлиғи «хорунжуй» деб аталган.

Ўрта асрларда байроқ атамаси туғ, алам, ялов номлари билан юритилган. Дастребки пайтларда байроқлардан фақатгина хабарлашиш, бир-бирига турли ҳолатларда белги (хабар) бериш мақсадида фойдаланилган.

Ўрта асрларда мамлакатлар ва давлатлар ўртасидаги жанглар, урушларда икки тарафни бир-биридан фарқлаш учун ўз байроқларига эга бўлиш лозим бўлган.

Давлат байроғи ўша мамлакатнинг табиий шароити, урф-одатлари, тарихи, шу жумладан, кўзлаган мақсадини ҳам акс эттириб, ўрганилаётган давр тарихини ёритишида муҳим аҳамият касб этади.

Жумладан, давлатчилигимиз тарихида муҳим ўрин эгаллаган Бухоро амирлиги тарихи, сиёсий, ижтимоий, маданий ҳаётини ёритишида амирликнинг давлат байроғи бевосита муҳим ва қимматли манба ҳисобланади.

Бизгача етиб келган маълумотларга кўра, Бухоро амирлигининг давлат байроғи яшил рангда бўлиб, чекка қисмлари тўқ сариқ рангдаги йўл билан чегараланган ва бу йўл ромб ҳамда тўлқинсимон шакли қора бўйқдаги нақшлар билан безатилган.

Байроқнинг яшил қисмида аввал тавҳид калимаси кейин эса «Ас-султон зиллиллоҳи» сўзлари битилиб, бу икки жумла орасида ярим ой ва беш қиррали юлдуз ҳамда инсон қўли тасвирини кўриш мумкин.

Хўш, ота-боболаримиз нима учун бу рамзни танлашган ва унинг мазмун-моҳияти нима?

Тарихга назар ташласак, бизнинг ҳудудимиз ўн тўрт асрдан буён ислом динига эътиқод қиласди. Демакки, байроқда тасвиранган ранг ва белгилар амирликда ислом дини ҳукмрон бўлганини англатиб турибди.

Ислом динига эътиқод қилувчи мамлакатларда яшил ранг исломият белгиси сифатида эътироф этилади. Ярим ой ва беш қиррали юлдузнинг

ВАТАН ОВОЗИ

Серқуёш, ҳур ўлкам, элга баҳт-нажот...

Ҳар гал мадҳиямиз янграганида қўлимизни беихтиёр кўксимизга қўйиб, жўр бўламиз. Юрак-юракдан отилиб чиқаётган сўзлар оҳанг уйғунлигида неча қалбларни уйғотади. Ҳар гал юртимиз раҳбарлари бирор давлатда кутиб олинар экан, юксак ҳурмат ва эҳтиром намунаси сифатида мадҳиямиз янграйди. Мана, шоҳсупа. Ўзбек спортчилари бирин-кетин уни забт этмоқда. Қўлларини кўксига қўйиб, кўзида ёш билан мадҳиямизга жўр бўлади. Мана, дунёнинг энг нуфузли олийгоҳлари талабалари йиғилган олимпиада, унда ўзбек ўғлони ҳакамлар ва тенгдошларини лол қолдириб, ғолибликни эгаллади. Телевизор қаршисида юртдошларимизнинг юраклари қалқийди. Бу воқеалар тақрорланаётганига, мана, чорак асрдан ошди. Лекин ҳар гал ҳаяжон ва ғурур билан мадҳияга жўр бўлаверамиз. Ҳар гал юрак тилга киради.

Ўзбекистон Қаҳрамони, ҳалқ шоири Абдулла Орипов мадҳиямизнинг ҳар бир сатрига Ватанга муҳаббатни жойлаган. Аслида юрақда бори қофозга кўчган, десак хато бўлмайди. Атоқли санъат арбоби Мутаваккил Бурхоновнинг шиддатли мусиқаси шеърнинг жозибаси ва руҳини очиб берган.

...Олтин бу водийлар, жон

Ўзбекистон...

Мадҳиямизни инсон ич-ичида тақрорласа ҳам, оҳанг қалбга қўйилиб келаверади. Ҳар бир одамнинг ўз севган кўшиғи, куйи бўлади. Ҳеч бир кўшиқни ёқтиримайдиган инсон ҳам она алласи ва Ватан мадҳини кўнгил билан, қалб билан севади, ардоқлади.

Тингланг, жўр бўлинг, Ватаннинг овози янграмоқда! У бизни юксак орзулар ва мақсадлар йўлида бирлашишга, сидқидилдан меҳнат қилишга унダメоқда:

*Серқуёш, ҳур ўлкам, элга баҳт-нажот,
Сен ўзинг дўстларга йўлдош, меҳрибон.
Яшнагай то абад илму фан, ижод,
Шуҳратинг порласин токи бор жаҳон...*

Анора ҲОЖИМАТОВА

бирга тасвирланиши ҳам ислом белгиси ҳисобла-
нади.

Байроқнинг ўнг чекка қисмига ҳам иккита ярим
ой тасвирига ўхшатиб шакл берилган.

Бугунги кунда Туркия, Покистон, Мавритания,
Жазоир, Тунис каби мамлакатларнинг давлат бай-
роқларида ҳам ярим ой ва беш қиррали юлдуз та-
свирини кўриш мумкин.

Байроқда тасвирланган инсон қўлининг ҳам ўз
маъно ва моҳияти борлиги бир неча ривоятларда
келган. Байроқдаги биринчи келган калиманинг маъ-
носи: «Оллоҳдан бошқа илоҳ йўқ, Муҳаммад унинг
расули ва элчисидир» жумласи ислом динининг
бош асоси – калимаи тавҳид деб аталади. «Ас-сул-
тон зиллиллоҳи» жумласи эса, «Султон Оллоҳнинг
соясицидир» деган маънони англатади. Бухоро амир-
лиги байроби ҳам ҳалқ ва давлат қудратини, ҳам
миллий қадриятларни ифодалаган. Бу билан ҳалқ
урф-одат ва анъаналарини барчага қўрсата олган.

Тарихдан маълумки, ҳар бир султоннинг, ҳар бир
даврнинг ўз байроби бўлган. Айниқса, Соҳибқирон
Амир Темур байроби кўплаб тадқиқотларга мавзу
сифатида танланган. Байроқлар ҳар бир улуснинг,
элнинг рамзи ва моҳиятининг бир ифодачиси бўлиб
хизмат қилган.

Мустақилликкача Ўзбекистонда 2 марта 1925 ва 1952 йилларда давлат байроби қабул қи-
линган бўлиб, у қизил империя байроби нусхасида,
советлар мағкурасига асосланган ва айни пайтда,
Ватанимизнинг миллий хусусиятларини ўзида тўла-
тўқис ифодаламас эди. Ўзбекистон Республикаси ўз
мустақилгини қўлга киритгач, ана шундай миллий
давлат рамзларига эга бўлишни долзарб масала
сифатида майдонга ташлади. Ваниҳоят, 1991 йил
18 ноябрда Ўзбекистон Республикаси Олий Кенга-
шининг навбатдан ташқари ўтказилган VII сессия-
сида давлат байроби қабул қилинди. Байроқимизда
мовий, оқ, яшил ва қизил ранглар мужассамлашган.
Байроқнинг юқори чап бурчагида ҳилол (янги ой) ва
ўн иккита юлдуз тасвирланган. «Ўзбекистон Респу-
бликаси давлат байроби тўғрисида»ги қонунда бай-
роқнинг ўлчамлари 250x125 бўлиши белгиланган.

Байроқлар фақатгина бошқа давлатлардан
фарқловчи воситагина эмас, балки ўша юртнинг
миллийлигини ўзида акс эттирадиган ғурур ва иф-
тихоридир. Мана, 26 йилдан бери давлат байроғи-
миз мамлакатимизнинг нуфузли идораларида, Бир-
лашган Миллатлар Ташкилоти ва Ўзбекистон аъзо
бўлган бошқа ҳалқаро ташкилотлар, юртимизнинг
хорижий давлатлардаги дипломатик ва савдо вако-
латхоналарида, консуллик муассасаларида ҳилпи-
раб турибди.

Раҳматулла АКБАРОВ,
Наманган вилоят ўлкани ўрганиш
музейи мудири



Жаҳонда кечәётган глобаллашув жараёнлари, мамлакатимизни модернизация қилиш ва янгилашнинг устувор вазифалари барча жабҳа ва тармоқлар қаторида кино санъати фаолиятини ҳам тақомиллаштириши, соҳа ривожи учун янги имкониятлар яратишни тақозо этаётган бир даврда Ўзбекистон Республикаси Президентининг «Миллий кинематографияни янада ривожлантириш чора-тадбирлари тўғрисида»ги Қарори эълон қилинди. Унда кино санъати, бир томондан, турли мамлакатлар билан маданий алоқаларнинг ривожига салмоқли ҳисса, иккинчи томондан, унинг ёшлар дунёқараши, маънавияти ва эстетик дидини шакллантириша, ижтимоий-маданий ҳаётимизда нақадар муҳим эканлиги яна бир бор таъкидланди. Шу ҳақда фикрлашиш учун биз «Ўзбеккино» Миллий агентлигининг масъул ходими, филология фанлари номзоди, доцент Рустам Шариповга мурожаат этдик.

– **Миллий кино санъати ўтган асрда пайдо бўлди ва ривожланиб, тараққий этди. Бу давр мобайнида эришилган ютуқ ва камчиликлар борасида фикрингизни билмоқчи эди.**

– Дарҳақиқат, ўзининг бир асрдан зиёд тарихига эга бўлган кино санъати бугунги кунда ҳаётимизда жуда муҳим ўрин эгаллайди. Нафақат, кино санъати, балки адабиёт ва санъатнинг барча соҳаларининг жамиятимиздаги ўрни, ёш авлодни тарбиялаш, унинг дунёқараши ва эстетик дидини шакллантиришдаги аҳамияти ҳақида Ўзбекистон Республикаси Президенти Шавкат Мирзиёев томонидан мамлакатимиз зиёлилари вакиллари билан шу йил 3 августда бўлиб ўтган учрашувда алоҳида таъкидланди. Учрашувда маданият соҳаларида юз берадётган ижодий жараёнларни чуқур таҳлил этиш билан бир қаторда, давлатимиз раҳбари мавжуд камчиликларга ҳам тўхталиб ўтиб, уларни бартараф этиш юзасидан аниқ кўрсатмалар берди.

Ўзбекистон Республикаси Президентининг 2004 йил 16 мартағи «Кинематография соҳасида бошқариши тақомиллаштириш тўғрисида»ги Фармонида «Ўзбеккино» Миллий агентлиги олдига миллий кинематографияни ривожлантиришнинг асосий ўйналишлари белгилаб берилган бўлиб, унинг моддий-техника базасини мустаҳкамлаш, тасвирга олинаётган фильмларни давлат бюджетидан маблағ билан таъминлаш йўлга қўйилган эди. Аммо ўтган 13 йил мобайнида жамиятимиз жадалик билан ривожланаётганлиги, фуқароларнинг тафаккури ва талаби даражаси кескин ўсаётганлиги, жаҳон кинойндустриясига янги, замонавий технологиялар жорий этилаётганлиги туфайли соҳада ҳал этилиши лозим бўлган қатор муаммо ва камчиликлар йиғилиб қолган эдик, булар ҳозирги кунда миллий кинематографиямизни замон талабларига мослаштириш заруратини келтириб чиқарди.

Айни пайтда, «Ўзбеккино» Миллий агентлиги тизимида корхоналарнинг («Ўзбекфильм» АЖ, «Қорақалпоқфильм» ДК, «Илмий-оммабоп ва хужжатли фильмлар киностудияси» МЧЖ, «Республика кинофонди» ДК) бино ва иншоотлари, мавжуд моддий-техника базаси

бутунлай эскириб яроқсиз ҳолатга келиб қолганлиги, замонавий техника ва технологиялар билан таъминланмаганлиги, кинематография соҳасини молиялаштириш тизимининг эскирган тамойиллари яратилаётган кино маҳсулотларининг сифатига салбий таъсир кўрсатиб, маданий меросимиз ҳисобланган кўплаб миллий фильмларни жаҳон стандартлари талаблари асосида саклаш, таъмирлаш ва қайта тиклаш имконини бермаётганлиги уларнинг йўқ бўлиб кетиш хавфини ҳам тұғдирган эди.

Жаҳон киноиндустрияси жадал суръатларда ривожланаётган бир вақтда соҳага оид янгича мутахассислар ва йўналишлар миллий киномизга ўз вақтида татбиқ этилаётганлиги сабабли ишлаб чиқаришда кадрлар етишмовчилиги юзага келиб, замонавий техникалар билан ишлаш кўникмасини ўзлаштирган ёш мутахассисларнинг танқислиги яратилаётган кино маҳсулотларини сифат жиҳатидан янги босқичга олиб чиқиш учун имкон бермаётганди. Бунинг оқибатида, миллий фильмларимиз етарли даражада ўз ўрни ва муҳлисига эга бўлмай, жаҳон кино бозорига чиқиш имкониятлари чекланиб, халқаро кинофестивалларда кутилган натижаларга эришилмаётган эди.

Ўзбекистон Республикаси Президентининг 2017 йил 7 августдаги «Миллий кинематографияни янада ривожлантириш чора-тадбирлари тўғрисида»ги Қарори айни мана шу муаммоларни ҳал этишга қаратилган ҳужжат бўлиб, унинг қабул қилиниши кинематография соҳасидаги бошқарув тизимининг мақбуллашувига, миллий киносаноатнинг самарали ва замон талаблари асосида фаолият олиб боришига замин яратди. Давлат буюртмасига асосан миллий кино маҳсулотларини ишлаб чиқариш ҳажмларининг янги, йилдан-йилга ўсиб борувчи прогноз кўрсаткичлари белгиланди. Шу билан бирга, яқин йилларда кинематография обьектлари бино ва иншоотларини капитал таъмирлаш, реконструкция ва модернизация қилиш, уларни энг замонавий рақамли кинотехнологиялар ҳамда кино ишлаб чиқариш жиҳозлари билан таъминлаш, миллий меросимизнинг ажralmas қисми бўлган фильмларни саклаш ва тиклаш каби масалалар ечими учун хуқуқий асос бўлди.

KINO san'atining o'tmishi va buguni



Шунингдек, «Ўзбеккино» Миллий агентлиги ҳузурида Миллий кинематографияни ривожлантириш жамғармаси ташкил этилиши орқали мамлакатимизда кино маҳсулотларини ишлаб чиқаришни рағбатлантириш ва ёш киноижодкорларни қўллаб-кувватлашнинг молиявий асослари яратилганини ҳам мамнуният билан айтиб ўтиш лозим. Эндиликда соҳа вакилларидан ўсиб келаётган ёш авлоднинг дунёкарасини киноасарлар орқали ривожлантириш, маънавиятини юксалтириш, уларда турли ёт гояларга қарши мустаҳкам иммунитетни шакллантириш ҳамда она Ватанга муҳаббат ва садоқат туйгуларини мустаҳкамлашга хизмат қилувчи етук киноасарлар кутиб қолишига ҳақлимиз. Бунинг учун миллий кинематографиямизнинг салоҳияти етарли эканлигига ишончим комил.

– Мазкур Қарорда кинематография соҳасида кадрларни қайта тайёрлаш мақсадида «Ўзбеккино» Миллий агентлиги қошида атоқли кино ижодкорлар дарс берадиган малака ошириш курсларини ва «Маҳорат мактаблари»ни ташкил этиш ҳам кўрсатиб ўтилган. Бу йўналишда нималар қилинмоқда?

– Бу вазифаларни бажариш юзасидан муайян ишлар бошлаб юборилди. Бугунги кунда кинорежиссёrlар Зулфикор Мусоқов ва Ёлқин Туйчиевнинг «Маҳорат мактаблари» ўз фаолиятини бошлади. Ўзбекистон ёшлар иттифоқи қошидаги ёш киноижодкорлар кенгаши ташаббуси билан ўtkazilaётgan «Art House» лойиҳасида таникли кинорежиссёrlар Жаҳонгир Қосимов, Рашид Маликов, Рустам Саъдиев, Ёлқин Тўйчиев ва Аюб Шаҳобиддиновнинг иштироки ҳам кинематография соҳасида «устоз-шогирд» анъаналарига алоҳида эътибор қаратилаётганидан далолат беради. Шу билан бирга, Ўзбекистон киноарబоблари ижодий ўюшмаси ҳузурида таъсис этилаётган Мустақил киноижодкорлар ва продюсерлар Гильдијасида ҳам таникли режиссёр, сценарийнавис ва киношунослар раҳбарлигига Ўзбекистон давлат санъат ва маданият институти талаба ва магистрларидан иборат бўлган ижодий гурухлар тузилиб, ўз фаолиятини бошлади. Шунингдек, малака ошириш курсларини ташкил этиш бўйича бугунги кунда Ўзбекистон давлат санъат ва маданият институти билан, соҳа бўйича таълим олишни йўлга кўйиш учун эса хорижнинг бир қатор ўқув массасалари билан музокаралар олиб борилмоқда. Ўйлашимча, ушбу амалий тадбирлар ҳам кинематография соҳасини янги ва истеъоддли кадрлар билан таъминлашга, миллий фильмларимизнинг бадиий-гоявий ва тарбиявий-эстетик савиясини оширишга хизмат қилади.

– Бу вақтлар «ўзбек дубляж мактаби» деган тушунча бўларди. Кинематографияни ривожлантиришга жиддий эътибор қаратилаётган бугунги кунда бу масала назардан четда қолмаяптими? Ўзбек миллий дубляж санъати ўзининг аввалги мавқеини тиклаб олишига умид борми?

– Бу жуда ҳам оғрикли масала. Бир неча ўн йиллар

аввал «Ўзбекфильм» киностудияси қошида маҳоратли дубляж мактаби мавжуд эди. Бир неча авлод ўзбек тилига маҳорат билан ўгирилган ўнлаб, юзлаб жаҳон киноси дурдоналарини томоша қилиб вояга етгани ҳеч кимга сир эмас. Ўзимиз ҳам ёшлиқда бундай фильмларни севиб томоша қилардик. Аксарият ҳолларда у ёки бу фильмнинг ўзбек тилидаги таржимаси асл нусхасидан кўра муваффақиятлироқ чиққанининг ҳам гувоҳи бўлганмиз (мазкур ҳолат айrim таниқли рус актёрлари томонидан ҳам эътироф этилган). Бу эса томошабинларнинг кино санъатига бўлган ҳурмати ва ихлосини янада оширади. Ўша машҳур асарлар бир гуруҳ истеъоддли санъаткор ва мутахассислар меҳнати натижасида дунёга келганлигини алоҳида таъкидлаб ўтишни истардим. Бу, биринчи навбатда, моҳир таржимонлар, театр ёки кинода бўлгани каби дубляж санъатида ҳам ўзининг ёрқин изини қолдириб кетган санъаткорлар, овоз режиссёrlари ва бошқа бир қатор мутахассислар меҳнати самараси эди. Биз бугун ҳам Шукур Бурхонов, Ҳамза Умаров, Наби Раҳимов, Ҳожиакбар Нурматов, Тўлқин Тоҳиев... каби устоз санъаткорлар томонидан овоз берилган образларни қизиқиш билан томоша қиласиз. Аммо, афсуски, бу анъана давом эттирилмай қолди...

Бугун ойнаи жаҳон орқали намойиш этилаётган аксарият фильмлар дубляжи кадр ортидан иккита-учта, айrim ҳолатларда эса ҳаттоқи битта актёр томонидан чалакам-чатти шаклда овозлаштирилаётгани, таржиманинг савияси эса бадииятдан йироқ эканлигига гувоҳ бўляпмиз. Дубляжга талаб сусайиши натижасида бу жараёнда иштирок этиши керак бўлган бир қатор мутахассисликлар ҳам йўқолиб бораётгани афсусланарли ҳол. Масалан, лаблаштирувчи овоз режиссёри мутахассислари бугунги кунда бармоқ билан санаарли даражада. Ёки яна бир мисол. Бугунги кунда мамлакатимизда кинематография соҳасида фаолият олиб бориш учун лицензияга эга бўлган уч юз етмишдан ортиқ юридик шахс (тадбиркорлик субъектлари) мавжуд бўлса, улардан бирортаси ҳам фақат аудиовизуал асарларни дубляж қилиш фаолият тури бўйича лицензияга эга эмас. Айтмокчимилик, ҳозир мамлакатимизда жаҳон дурдоналари ҳисобланган фильмларни ўзбек тилига дубляж қилишга ихтисослашган бирорта студия йўқ. Бу ҳам дубляж санъатига бўлган эътибор етарли даражада эмаслигидан далолат беради.

Бугунги кунда Агентлик томонидан тайёрланаётган таклифлар қаторида миллий дубляж мактабини қайta ривожлантириш масаласи ҳам ўрин олган. Ўйлаймизки, кинематографиянинг бу йўналиши ҳам яқин келажакда ўз ҳосилини бера бошлайди.

– Мазмунли сұхбатингиз учун раҳмат.

Шермурод СУБҲОН сұхбатлашды

Иброҳим ҒАФУРОВ,
Ўзбекистон Республикаси санъат арбоби

Har dilning yurakda bir ohi bo'lar...

(мансуралар)

КИПРИК

Жуда кўхна бир китобни ўқиб ўтирап эдим. Не-не
Фикр иморатлари ўтар эди кўз ўнгимдан.
Шу асно китоб вараги орасидан янги саҳифани
Очганимда узун ва қоп-қора қош толаси тушди
тиззамга.
Не замонлар бўлган эди отамнинг ўлганига.
Не замонлар бўлган эди отамни соғинганимга.
Отамнинг қоши тўкилди кўхна китоб саҳифасидан.
Соғинганимни билдими отам
қошининг бир қора толасини жўнатди менга.
Хабар ол,
ёлғиз кўйма,
унутма
қош ахир кўзнинг паноҳи бўлар,
ҳар дилнинг юрақда бир охи бўлар...
Ота, номангизни олдим.
Кўксимга тегди сўлим шабада.
Сўнг авайлаб жойлаб қўйдим қошингизни яна ўша
Кўхна китоб саҳифасига.
Умид қилдим:
Мендан сўнг ҳам ўқирлар бу китобни...
Соғинганлар...

БАҲРАСИЗ ЎТУБТУРЛАР

Ҳар кимнинг ўз меърожи бўлади. Ҳар ким умр
Кечириб бир нуқтага кўтарилади. Навоий она
тилининг гўзаллигини илк бора туйганда, ўзини
бехад юксак фароғат чўққисига кўтарилгандай
сезган эди.
«Мезонул-авзон»да ҳикоя қилиб айтадики,
турк алфози билан ёза бошлаганимда, «олами
назарға келди, ўн саккиз минг оламдин ортуқ,
анда зеб ва зийнат сипеҳри табъға маълум
бўлди тўқкуз фалакдин ортуқ... бу махзандин
баҳра топмай ўтубтурлар»...
Наҳот биз ҳам мислсиз махзандин бебахра
ўтсак...


ҲУМО ҚУШИ

Сиз армон ҳақида сўрадингиз.
Армонлар учрашувларда бўлади.
Учрашувлардан сўнг бўлади армонлар.
Сомон сувоқли томимизнинг орқасида шу томга
Шоҳлари тарвақайлаб ўсган улкан гилос бор эди.
Сариқ гилос эди. Шоҳлари доим қўнғир тусда
атласдай ялтираб, эски пўстлари кўчиб ётарди.
Биз гилос устида ўйнашни, шоҳдан-шоҳга осилишни
яхши кўрардик. Томдан гилосга, гилосдан томга
ўтардик. Томлар эса лолақизғалдоқлар гиламига
айланарди.
Гилоснинг силлиқ шоҳлари яланг оёқларимизга
ғоятда хуш ёқарди.
Бир куни тонг аzonда уйқум ўчиб ҳовлимизнинг
Чеккасидаги кичкинагина эшиқдан югуриб бориб
боқقا
чиқдим. Балки қирқ саккизинчи йил эди, балки
қирқ тўққиз. Ҳар ҳолда эллигинчи йил эмасди.
Чопқиллаб гилос тагига бордим. У ерга
етмасимдан бирдан тақча тўхтаб қолдим. Гилос
тагида қанотлари худди сариқ атласдай қизил,
мовий, сариқ товланган бир ғаройиб күш менга
хуркиб қараб туарди. Унинг гўзал бошида
йилтиллаган чўғдай кичкина тожи ҳам бор эди.
Мен ҳеч қачон бундай күшни кўрмаган эдим.
Холбуки, бизнинг ёқларда күшлар ғоятда кўп
бўлар, күш сайроғи оламни тутар жойлар эди.
Күш беҳад гўзал ва фусункор эди.
Негадир учиб кетмас, ҳамон хуркиб менга қараб
туарди. Мен беихтиёр бир қадам олдинга
ташладим. Күш зум ичидан кўздан ғойиб бўлди.
Мен мана то бугунга қадар ўша қүш каби күшни
бошқа учратмадим.
Ўша күшни – ўн яшар бола тасаввурига
афсоналардай товланиб кириб келган ўша қүшни
эслайман. Яна бир кўрсайдим. У билан ўша
боғлар, узунлаб кетган саришта, жозиб ишкомлар
узра учсадим, дейман.

Лекин бундай қүш одамга бир мартагина
Кўринаркан. Яхши одамлар билан учрашсам, ўша
қүш эсимга тушади. Одамлар олтиндан ҳам
қимматлироқ сўзларини менга ҳадя этсалар, ўша
қүшни эслайман. Бахт қушимикин ўша қүш,
болалигимда учраб хаёлимни ўғирлаган ва мени
хаёл оламига гирифтор қилган? Навоийнинг
ғазали эмасмиди ўша қүш? Ҳожи Абдулазизнинг
мусиқаси эмасмиди ўша қүш? Нажмиддин Кубро
ҳикмати эмасмиди ўша қүш?
Гаутама хаёли эмасмиди ўша қүш?

ҚАЛДИРГОЧИМ

Ой тўлин эди. Ёз ойлари Тошкентда ой жануб
осмонини тўлдириб чиқади.
Тун саҳарга оғган кезлар у, айниқса, оламга
ёлғиз ҳоким бўлиб қолади.
Айвонда эскироқ диванда эскироқ кўрпа ёпиниб
Ётган одамнинг чехрасига тўкилган ойнинг кўк
шуъласи аллақандай қўргошин тусида ҳам
товланади.
Одамнинг юмуқ кўзлари янада изтиробли
кўринади.
У шу тобда тирик. Лекин асло тирик эмасга
ўхшайди.
У ҳозир тепаси ҳудудсиз осмон билан туташган
Икки девор орасидаги сайҳон билан юрибди.
Сайҳонни ой нурлари бўздай қоплаган.
Бу Аҳси қалъасининг деворимикин? У билмайди.
У қаерда юрганини билмайди. Чопади. Лекин
нимага чопаётганини билмайди. Нега бу икки
девор осмонга туташиб кетганини ҳам билмайди.
Девор осмонга тик туташган-у, лекин у нега
Шундай деб ажабланмайди.
У билмайди.
Бу девор манглайидаги ажинлар эканлигини
билмайди.
Жуда таниш девор. Тўғри эмасми? Лекин
билмайди.
Айвон бўғотида ётган қора қалдирғоч бирдан
қаттиқ чинқираб юборди. Гўдак ичи буралиб
қолганда шундай чинқиради.
Нима бўлди сенга, қалдирғочим?
Шом хабари келдими сенга тўлин ойдан?
Нега қичқириб юбординг, қалдирғочим?
Софидингми Лубнон қояларини.
Ахир туш кўраётган одам бошқа эди-ку!
Нега қийқириб юбординг бўздай юзини ой
ёритган одам устида, қалдирғочим?



Raqqaosa

shaxsiga nazar

Ўзбекистонда янги маънавий-гоявий йўналишларнинг шаклланиши ўз навбатида, замонавий санъатнинг барча соҳаларига самарали таъсир кўрсатиб, ижодий изланишилар доирасини кенгайтириб, бадиий тафаккур ривожини янада жадаллаштириди. Тарихий, маданий ва маънавий-ахлоқий қадриятларнинг кенг қатламларини қайта идрок этиш гоялари, янгиланиш тамошлари меъморлик, тасвирий ва амалий безак соҳаларида, мусиқа, кино, телевидение ҳамда хореография тизимларида бугун яққол намоён бўлмоқда.

Кўхна Бухоронинг «Зангула», гўзал водийининг «Андикон полкаси», қадим Хоразмнинг «Лазги» рақсларини кўрмаган ва унга мафтун бўлмаган одам бўлмаса керак. Ўзбек миллий рақслари адрасу атлас, шоҳи беқасам кийган, дўклини дурраларини бошга индирган қирқ кокилли қизлар тимсолида дунё ахлани ҳайратга солиб келмоқда. Тамарахоним, Мукаррама Турғунбоева, Вилоят Оқилова, Малика Аҳмедова, Дилафрўз Жабборова, Маъмура Эргашева, Рушана Султонова, Феруза Солиҳова сингари рақсимиз маликаларининг «Тановар», «Фарғона тонг отгунча», «Помир рақси», «Доира» каби рақсларидаги сирлилик мана шу атласларнинг товланишида янада жозиба касб этгандек гўё. Устозлар қолдирган миллий меросни дунё ҳамжамиятига намойиш этиш орқали ўзбек аёли қалбининг ўзига хос кечинмаларини ифода этаётган санъаткорларимизнинг меҳнатларини таъкидлаша мұхум.

Ўз даврида ўзбек рақсини жаҳонга танитища Юсуфжон Қизиқ Шакаржонов, Уста Олим Комилов, Тамарахоним, Мукаррама Турғунбоева, Гавҳар Раҳимова, Розия Каримова, Қундуз Миркаримова, Исоҳор Оқилов, Гулнора Маваева, Вилоят Оқилова, Қодир Мўминов, Қизлархон Дўстмуҳамедова, Дилафрўз Жабборова, Маъмура Эргашева, Феруза Солиҳова каби қатор рақс усталарининг хизматларини таъкидлаш жоиз.

Гўзаллик ва латофат рамзи бўлмиш рақс санъатининг асл мақсади инсонларга эзгулик ва завқ улашишdir. Айнан мана шундай гўзаллик яратувчи рақкоса ва балетмейстрларнинг меҳнатини илмий тадқиқотларда ёритиш, номларини танитиш лозим. Рақс санъатининг нозик қонун-қоидаларини ўрганиш учун, аввало, саҳнабоп қадду қомат, ақл-идрок, соғлик ва табиий истеъдод бўлиши талаб қилинади. Демак, бугунги кун рақкосаларимиздаги ушбу хусусиятларни тарбиялаш орқали келаҷакка асл миллий рақс санъати намуналаримизни қолдира олишимиз мумкин бўлади. Хореография олий мактабида таълим олиш истагида бўлган ҳар бир ёш ўзида ушбу жиҳатларни топа олиши зарур. Акс ҳолда истеъдодли рақкоса бўлиб етишиш мушкул. Яккахон рақс ижроиси бўлиш учун янада катта талаб қўйилади.

Рақкос ёки рақкоса тажрибали балетмейстерлар билан тинмай ишлаши керак. Беҳисоб машқлар, уйқусиз тунлардан сўнг асл рақс на мунаси меъёрига етади. «Рақс – факат ҳаётнинг талқини ёки абстракцияси эмас, балки ҳаётнинг ўзинасидир», деган эди Ўзбекистон ҳалқ артисти Мукаррама Турғунбоева. Ҳақиқатан рақслар орқали ҳаётнинг кўзгудаги акси кўрсатилади. Сизнинг ким эканлигиниз, ичкин орзуларингиз, интилаётган мақсадларингиз ва қўйингки, сиз ҳақингиздаги барча тилсимотлар рақсларда акс этади. Рақкосанинг саҳнадаги ҳар бир қилаётган ҳаракати, қалб нидоси томошабинга етиб бориши, уни англаши ва шу рақс жозибасидан ўзи учун нимадир олиши мұхим. Санъатсевар ҳалқымиз рақкосаларга қараб миллатнинг қизлари ахлоқан қай йўлдан бораётганини ҳам фикр қиласди. Шу жиҳатдан саҳнага қадам кўяётган гўзал рақкосаларимиз кийимлари, тақаётган тақинчиқлари, ташлаётган қадамлари ҳақида жиддий мулоҳаза қилиб, сўнг ҳалқ олдига чиқишиса, мақсадга мувофиқ бўлар эди. Аммо бугун «коммавий маданият»нинг шиддатли таъсiri сабаб, рақс санъатимизга хавф solaётган турли ёт ҳаракатлар, муқомлар кириб келмоқда. Улар Ўзбек миллий рақс санъатининг асл гўзаллигига путур етказмоқда. Рақкосаларнинг кийиниш маданиятига тўғридан-тўғри таъсир этмоқда. Бу, айниқса, рақко-



саларнинг либосларида, кўз-қош ҳаракатларида кўзга яққол ташланмоқда. Миллийлик, қадриятларга содиклик, беркитилган ҳаё пардасининг ўрнини очик-сочилик, ярим-яланғоч либос, ялтироқ матолар эгалла-моқда. Телеэкранларда узлуксиз, эрта-ю кеч намойиш этилаётган клипларда эса раққосаларнинг гўзал қадди-қомати кўз-кўз қилинмоқда. «Оммавий маданият»-нинг таъсирি сабаб ўзгариб бораётган миллий рақс санъатимизда йўқотишлар кузатилмоқда.

Ўзбек миллий либослари – халқнинг менталитетидан келиб чиқиб, яратилади ҳамда бугунги кунда шаклланган маданияти ва тарихи билан узвий боғланади. Ҳар бир минтақанинг яшаш шароити, келиб чиқиши ва иқлимига мос либослар мавжуд. Шунга кўра, раққоса ижро этаётган рақс мактабидан келиб чиқиб муайян либос танлайди. Бугунги кунда саҳна либосларининг аҳамияти жуда катта. Сўнгги пайтларда ўзбек миллий рақс санъати оламида раққосаларнинг кийиниш маданияти ҳақида жуда кўп танқидий фикрлар билдирилмоқда. Айrim раққосаларнинг кўр-кўронга мода изидан кувиши натижасида либосларимиздаги миллийлик йўқолиб бормоқда. Раққосаларимиз турли эстрада хонандаларининг яккахон концерт дастурларида ёки бугунги кунда бўлиб ўтаётган тўю ҳашамларда турли минтақага доир бўлган либосларни, бошқа бир, яъни умуман тўғри келмайдиган минтақа либоси билан араплаштириб юборишимоқда. Ўзбек мусиқаси янграган ҳолда саҳна маданиятига тўғри келмайдиган калта кўйлак ёки шимда саҳнага чиқиш ҳолатлари ҳам кузатилмоқда.

Раққосалар ҳаракатларининг жозибасида, мими-каларидаги ибо, ҳаё, иффат ўрнини тезкорлик, кўз қарашларидаги қаттиқлик эгаллаб бормоқда. Асрлар давомида ўзбек раққосалари кийиб келаётган атлас, адрес ва шойи матолар, улардаги дид билан танланган миллий образлар шарқона ҳаё, андиша ва иффатни намоён этиб келган. М.Турғунбоева, Тамарахоним, М.Оқилова, В.Оқилова, М.Эргашева каби рақс санъати ривожига улкан хисса қўшган раққосаларимизнинг кийиниши, ўзини тутиши, ижодий маданияти бугунги кун санъаткорларига ҳам ўрнак бўлса арзигулик мактаб. «Оммавий маданият» хуруж қилаётган шиддатли асрда эса раққосалар ўз чиройини, қадди-қоматини тор-таранг, очик-сочилик либослар, ўта ҳашамдор ва ялтироқ матолар орқали кўз-кўз қилмоқда. Униб-ўсиб келаётган ёшларимиз эса ўзбек миллий рақсларини эмас, турли хил хорижий давлатларнинг қоришиқ рақсларини ўрганишимоқда. Ёшларни миллий қадриятларга, анъана ва урф-одатларга содиклик руҳида тарбиялаш мухим аҳамият касб этади. Ўзбек миллий рақс санъати мактабларидаги ўзликни сақлаб қолиш ниҳоятда мухим. Санъ-

аткорнинг саҳнада қилаётган ҳар бир хатти-ҳаракати томошибиннинг ҳайратига сабаб бўлади. Шундай экан, санъаткор саҳнага чиқишида халқнинг эстетик диди ва тарбиясига бевосита таъсир этишини унутмаслиги керак.

Биламизки, рақсларда ифода этилаётган ҳар бир ҳаракатнинг мазмун-моҳияти санъат ихлосмандининг қалбига маънавий озуқа бера олиши шарт. Шундагина намойиш этилаётган янги асар чин маънода санъат мақомига кўтарила олади. Уста Олим Комилов, Тамарахоним, Мукаррама Турғунбоева, Исоҳор Оқиловларнинг яратган ҳар бир асари мана шундай санъаткорона дид, билим билан саҳналаштирилган ва ижро этилган эди. Бугунги кунда ҳам ёш ижодкорлар орасида устозлар изидан муносиб шогирд сифатида етишиб келаётган иқтидорли раққос ва раққосалар талайгина. Фақат уларни тўғри йўлга йўналтириб турувчи фидокор устозларнинг мадади керак. Мана шундай жонкуяр устозлардан Қундуз Миркаримова, Қодир Мўминов, Вилоят Оқилова, Маъмурда Эргашева, Карима Узоқова, Гулмира Мадраҳимоваларнинг саҳна асарлари дунёнинг барча мамлакатларида юкори баҳоланиб келинмоқда.

Балетмейстерлар ижодида давом этиб келаётган устоз-шогирдлик анъанаси бўйича олиб борилаётган ижодий ишлар халқаро миқёсда юкори баҳоланиммоқда. Албатта, буларнинг барчаси Тошкент давлат миллий рақс ва хореография олий мактабида таълим берадиган жонкуяр устозларнинг ҳам меҳнатлари самараасидир. Устоз Исоҳор Оқиловнинг энг муносиб шогирдларидан бўлган Қодир Мўминов кейинчалик ўзининг шогирдлари Ўзбекистон халқ артисти Саида Мансурхўжаева, Ўзбекистонда хизмат кўрсатган артистлар Гулмира Ширинова, Феруза Озодова, Гулшода Абдиева, Дилдора Ёқубова, Нигорхон Назароваларни ҳам тарбиялади.

Маданият ва санъат соҳасида рўй берадиган янги-ланишларни кузата туриб, бу эпкин рақс санъатини ҳам тозалаб ўтишига ишонамиз. Давлатимиз раҳбарининг маданият ва санъат соҳаси ривожи учун чиқараётган қарорлари, республикамизнинг етакчи ижодкорлари билан учрашувда билдириган фикрларини амалиётга жорий этиш учун ҳар биримиз бурчлимиз. Соҳадаги янгиланишлар бирин-кетин бўй кўрсатмоқда. Биз ҳам бошланган хайрли ишларга камарбаста бўлиб, устозлар сабоги илиа кўзланган мақсад сари одимлайверамиз.

**Гуласал УСМОНОВА,
«Ўзбекконцерт»
давлат муассасаси
бош мутахассиси**





Минҳожиддин МИРЗО

Panday go'zal, sohir bu fasl

ДҮРМОНЛАРИНГДА КҮНГЛИМ

Айтсам, Ватан, жамбилу райхонларингда күнглим,
Қуёш учун таҳт тиккан осмонларингда күнглим.
Минг бир томрим тулашган, тупроғингдан сўйлайми,
Қизғалдоқлар байт битган бўстонларингда күнглим.

Бир диллар бор бағрингда, қалбим ундан нур тотган,
Ул бедор шоирларинг баҳорларни ўйғотган,
«Ўзбегим» деб куйласам, минг йиллар сурилгайдир,
Мангуб элга қасида, достонларингда күнглим.

Яшил баҳмал қирларинг кўк дўпидай тизилган,
Поёнсиз ўрикзорлар, оппоқ нурдан чизилган,
Тўрт фасл ҳақ бағрига кут-барака ёғилган,
Еру осмон тулашган сайҳонларингда күнглим.

Боболардан ҳикматлар сўйлар бобо чинорлар,
Какликларинг тонг саҳар, ғазал айтар-бийронлар,
Кафтингдан сув ичади, қоракўзли жайронлар,
Хонгуллар хондай юрган ўрмонларингда күнглим.

Ул Абдулла Қаҳҳорнинг улуғ кўнглин гувоҳи,
Ҳар бир гули Зулфия, Сайданинг ҳамроҳи,
Адабиёт олами – эзгуликнинг паноҳи,
Улуғ сўзга лавҳ бўлган Дўрмонларингда күнглим.

Охир оху зорлардан, армонлардан гул унди,
Ағёрлар отган санги маломатлар ҳақ тинди,
Истилонинг занглаған, қотил яроги синди,
Шундан сўзим муаттар, Чўлпонларингда күнглим.

Ўтди канча дил аҳли, Навоий-ю Бобурлар,
Машраб, Фурқат, Оғаҳий, Бердақлару Собирлар...
Куйлаб яшаган каби Муқимийдек нодирлар,
Ўзим ҳар жойдаман, лек жононларингда күнглим.

Бунда бедор пешволар ниятидан билгулик,
Улар меҳри күёшдай, бутун элга етгулик,
Ҳар сатрида баҳт қуши, қанотида эзгулик –
Тафтидан жон исинган фармонларингда күнглим...

ҚИШ ЭРТАГИ

Оппок, ҳарир эди борлиғинг,
Ойдин эдинг – тўлин ой эдинг.
Кўзларимдан қочирганимда
Хаёлимга сен кириб келдинг.

Оппоқ-оппоқ орзуларимга
Қиё боқмай кулган чечагим.
Сендан айро тушандан бўён,
Юлдузларга айтгум эртагим...

Қиши ҳам кирди, аёз кун бўйи
Ҳасратимдай ёғаверди қор.
Ушалмади куртаклар ўйи,
Йироқлашиб кетганди баҳор.

Чор атроф қор, гўё сен келдинг,
Ўша ойдин кўйлақда ёниб.
Ташқарига югуриб чиқдим,
Хаёлимга ўзим ишониб.

Иўқ, сен йўқсан, умидвор кутдим,
Зулмат яна келди сўроғлаб.
Юрагимга таскинлар айтдим
Келаётган азобга чоғлаб.

Тун, умидсиз, ҳорғин кўзларим
Юмиларкан аста, илғадим...
Деразага боқсанча саҳар
Бир тўп гулни кўриб ўйғладим...

ШИВИРЛАМА, ШАББОДА

Шивирлама, хаёлим бўлиб,
Лабларимга томизма бода.
Жоним ҳозир кетар тўкилиб,
Шивирлама менга, шаббода.

Нафасингни ўхшатдим жуда,
Менга азиз бўлган нафасга.
Кўй, жонимни учирворасан,
Зўрга солдим ўзи қафасга...

Шивирлама менга, шаббода,
Кўзғатма дил япроқларини.
Кўтаролмас энди вужудим,
Бу юракнинг титроқларини.

Сочларимни силама, кетгил,
Чидолмайман меҳрингга ортиқ.
Кўйгил мени, буткул унугтил,
Энди қалбим ҳижронга тортиқ.

Шивирлама менга, шаббода,
Сўнган чўғни қўзғаб нетасан.
Кўйгил энди, ўз ҳолимга қўй,
Дардим айтсам, ёниб кетасан...

Шивирлама менга, шаббода...

РУҲ ҚУШИ МУЖДАСИ

Минг бир нафас, минг бир нигоҳ, кўз,
Дафтар узра сабзадай яшнар.
Юрагимда илдиз отган сўз –
Ғунчалари очила бошлар.
Шеър қалби ҳам сўздан бинодир
Шоир меъмор, бунёди ғазал.
Кутлуг сўзга нурли гувоҳдир
Куръондаги оятлар азал.
Шоир, сўзнинг қалбини тингла,
Англа, бу сас келмоқда қайдан?
Қара, қандай нур таралмоқда,
Юрагингга санчилган ёйдан!
Балки ойдан шуъла олгайдир,
Ифорларин – жамбил, райондан.
Руҳ қушидан келган муждадир,
Яхши шеър ҳам, билсанг, иймондан!

Кўнгил, кўндингми ҳижронга
Не шодлик бор фироқлардан.
Бир бор ойдек боқиб қўймас
Ул ой юзли йироқлардан.

Бу қандай бир ғазал бўлди
Кўнгил зеру забар бўлди,
Дилим, оҳ, дарбадар бўлди,
Не суд борки туроқлардан.

Умр ҳижрон аро бўлди
Ки дарддан кун қаро бўлди,
Умидим узмагум, ёнгай
Ки нур келгай чироқлардан.

Тун ортидан ёришгай тонг,
Ҳар бир байтим бу дарддин бонг,
Бу шеър дафтар ғамга тўлди,
Кўнгил берган сўроқлардан.

ЭЙ, ШЕЪРИЯТ...

Мен шеър излаб
Сўз-ла сирлашдим,
Қандай гўзал, соҳир бу фасл.
Англаганим, дил маъвосидан
Софинч нури ёғар муттасил.

Маъюс сўзлар кимни чорлайди,
Ва ё кимга аталган бу байт?
Эй шеърият,
Бунёдинг қайдан,
Юракдаги меҳмонинг ким,
Айт?!

Софинчлар садоси йилимдан келар,
Мухаббат нафаси тилимдан келар,
Ялпизлар бўйига кўмиб вужудим,
Баҳорлар ифори дилимдан келар.

Бир куни шундай бўлади... Ҳа, инсоннинг юрак-юрагида тўпланган дардлар бир куни бир кўчки сабаб қутқу олади. Атоқли турк драматурги Тунжер Жужан ўғлининг «Кўчки» асари Самарқанд вилоят драма театри актёrlари ижросида саҳнага олиб чиқилди. Унда инсон тақдиди, ички кечинмалари, яшаши учун кураш, меҳр-оқибат ва мұхаббат тараннум этилади.



«КО'СНКИ» ИЛК БОР О'ЗВЕК САҲНАСИДА

Аслида асар воқеалари туркларнинг бир ривоятига асосланиб қаламга олинган. Унда тоғли қишлоқ аҳли ҳар гал кўчки туфайли азиат чекиб яшайди. Инсонлар шу даражада яшашга кўникишишди, йилнинг тўқиз ойи давомида қаттиқ гапириш, кулиш, йиглаш мумкин эмасдек туялди. Факат уч ойгина эмин-эркин яшай олишади. Ҳатто ҳайвон ҳам боқишимайди. Мабодо, қаттиқроқ овоз чиқарип юборса, қишлоқ аҳли кўчида қолиши мумкин-да. Бу таҳлика яшаш тарзига айланниб кетган инсонлар фожиаси теран тақдирлар воситасида очиб берилган. Қачонлардир бир овоз туфайли кўчки турган жой аҳолиси бир умр ҳадисираб яшashi, овоздан кўрқишлари асар ниҳоясида чақалоқ овози туфайли барҳам топади. Бу дегани ҳалқ учун янги давр бошланди. Инсонлар яшashi учун мулоқот қилиши, дардини айтиб йиглаши, қаҳ-қаҳ отиб кулиши керак. Таҳлика инсонни инсонийликдан чиқариши, фожиаларга сабаб бўлиши мумкин. Бу спектакль томошабинга улкан жасоратлар учун қалба кулоқ солишини, ичким орзулар рўёби йўлида ҳаракат қилишини ўргатади.

Спектакль муваффақиятли чиқи-

шида таникли режиссёр Валижон Умаровнинг актёrlар ансамблини тўғри танлай олгани алоҳида аҳамият касб этади. Бош қаҳрамонлар образларини Ўзбекистонда хизмат кўрсатган артистлар Баҳтиёр Раҳимов, Гулбаҳор Мамедова, Меҳри Ҳакимова, Баҳрулло Раҳимов, Солижон Ҳакимов ҳамда актёrlар Сарвиноз Саидова, Шоҳсанам Облоқулова, Жамшид Муродов ва Лобар Аханова ишончли тарзда саҳнага олиб чиқишиган.

Оғироёқ келин ролини актриса шу қадар ишонарли ижро этганки, уни ўзбек қизи деб эмас, ўша тоғли қишлоқдаги турк қизи деб тасаввур қиласиз. Унинг изтироблари томошабин қалбига сизиб ўтади. Беихтиёр томошабин ҳам овозсиз йиғлай бошлиди. Оёқ-қўллари шол момо ҳам ҳатто қаттиқроқ овозда сув сўрашга ҳайиқади. Бу момо ўша давр ва ўша қишлоқ руҳини ўз образига сингдира олган. Аслида ҳамма жойда ва ҳамма замонларда оналарнинг руҳияти бир-бирига яқин бўлади. Буни доя образида ҳам кўриш мумкин. Аёлларнинг ичким орзулари, уларнинг иродаси, ожиза эмаслиги бу спектаклнинг бosh foяларидан биридир. Аёл оддийгина она, оддийгина доя, оддийгина устоз бўлолмайди. Аёл ҳамма жойда кучли ва унинг қалби

кўчилардан қудратли аслида.

Самарқанд вилоят мусиқали театри жамоаси ушбу спектакл билан Ўзбек Миллий академик драма театрига ташриф буюрди. Бу театрнинг пойтахт аҳли ва меҳмонларига, айниқса, асар муаллифи, туркиялиқ драматург Тунжер Жужан ўғлига совғаси бўлди. Жорий йилнинг ўтган даврида театрда Иззат Султоннинг «Иймон», Иқбол Мирзонинг «Самарқанд сайқали» ва Тунжер Жужан ўғли қаламига мансуб «Кўчки» асарлари муваффақиятли саҳналаштирилди.

Спектакль намойиши муносабати билан ташкил этилган матбуот анжуманида Ўзбек Миллий академик драма театри директори Фатхулла Маъсудов, Самарқанд вилояти мусиқали драма театри директори Баҳодир Шаропов ҳамда турк драматурги Тунжер Жужан ўғли иштирок этиб, икки давлат ўртасидаги маданият ва санъат соҳаларидағи алоқалар ижодкорлар ҳамкорлигига мухим омил бўлаётгани, биргаликдаги лойиҳалар ўзбек ва турк санъати, хусусан, театр санъатининг ривожига хизмат қилаётганини таъкидлadi.

Тунжер Жужан ўғли турк адабиёти ва драматургияси ривожига муносиб ҳисса кўшган таникли ижодкор. Унинг «Бўёқчи» асарини юртимизда илк бор Ўзбекистон давлат санъат ва маданият институти талабалари саҳнага олиб чиқишиган. Талабалар ўз ижролари ёзилган диксни муаллифга совға қилишиди. «Кўчки» асари эса, дунёнинг эллиқдан ортиқ давлати саҳналарида намойиш этилган.

– Ўзбекистон ва Туркия давлатлари ўртасидаги дўйстлик ва ҳамкорлик туфайли маданий алоқалар мустаҳкамлаётганидан бошимиз кўка етмоқда, – дейди Тунжер Жужан ўғли. – Асаримнинг ўзбек саҳнасида намойиши бунинг яқол ифодасидир. Бу мен учун катта шараф. Ўзбек ва турк халқларининг руҳий яқинлиги асар муваффақиятини таъминлаган.

Манзура ШАМС

TOY BOLA TOYBOLA

Mushukchaga kuchukchadan savol

Menga dedingiz «miyov»,
Meni dedingizmi yov?

Akang qarag'ay

Men archaga og'aman,
U tarafga og'aman.

Xo'randa timsohlar xulosasi

- Sho'rva ajoyib bo'pti!
- Sho'r va ... ajoyib bo'pti!

Tarnovning yomg'irga yo'l bergani

Niyating pok, ko'ngling oq,
Istagan tomonga oq!

Sayohatchi qurbaqanining oshnasiga degani

Bizni kutyapti Shimol,
Pocha-po'stin va shim ol!

Bo'rsiqchaning savoli

Handalakdek bo'pti oy,
Oyi, hozir qaysi oy?

Itbaliqning iftixori

Qarindoshmiz chinakam –
Ko'k kit menin chin akam!

Ayiqpolvonning nevarasiga o'giti

Qayda ko'rsang olov-o't,
Shu joyni aylanib o't.

Chuvalchangning hayrati

Ota-onam tinmay yer,
Tugab qolmasmikan Yer.

Ko'klamdag'i adir manzarasi

Qo'ng'iroqgul chaldi qo'ng'iroq,
Un taraldi pushti, qo'ng'ir, oq.

Xirmonda hozir kalamushga sichqonning e'tirozi

Bu tekinoxo'r «donolar»
Ekin ekmay don olar.

Silovsinga ishora

Qiziqtirmas beda nadir,
Qiziqqani bedanadir.

Qashqirning qayg'usi

Kamaymoqda, oh, ular,
Sho'ring qurg'ur ohular.

Qo'yning dunyoqarashi

Kunjara sol, pichan qo'y,
Kitobni qo'y, dedi qo'y.

Tuyaning alamzada payti

Qo'Iga tushsang tuyaman,
Bilasan, men tuyaman!

Maynaning chorlovi

Kelavering tom osha,
Buzoq qochdi – tomosha!

Askar jayrachalar qo'shig'i

Buyruq bersa otamiz,
Nayzamizni otamiz!

Momoqaymoq boboqaymoqlarga dedi:

Oqaribdi sochingiz,
Uni yelga sochingiz.

Loyxo'rakning singlisiga qistovi

O'choqni supur, kul ol,
Ish boshlar akang kulo!

Baroqvoy hayron

Ko'ring itlar udumin –
Quvlayapti u dumin.

Laqqabaliq cho'rtanga dedi:

Ajabo, manov suvsar
Suvda turib ham suvsar.



Dostimga maktub



Дўстим, соглигинг қалай? Ҳеч эътибор берганмисан, Санъатнинг чек-чегараси йўқ. У ўрганадиган нарса эмас. Бу чексиз уммондек бир гап. Қанчадан-қанча соҳир овоз соҳиблари келиб кетдилар. Уста Олим Комилов, Тамараҳоним, Мукаррара Турғунбоева, Жўраҳон Султонов, Маъмуржон Узоқов, Таваккал Қодиров, Сора Эшонтўраева, Ҳабиба Охунова, Камолиддин Раҳимов, Ўринбой Нуралиев сингари забардаст санъаткорларимиз водийдан етишиб чиқкан. Ҳали қишилоқларимизда катта давраларга чиқолмай, турлти сабабларга кўра четда қолиб кетган истеъдоғ эгалари қанча экан билмайман. Фаргонга водийси гёй бизнинг Византиямиз, дегим келади. Санъат Бухорода ярлади, Фарғонада сайқал топади, Тошкентда ижеро этилади, деган гап бор. Ха, водийнинг суби ширин-да.

Олтиннинг қиймати ҳеч қачон тушмайди. Санъат ҳам олтинга ўхшайди. Тўғри, эстрадада кўпчилик енгил-елпи нарсалар билан ҳам «юлдузланиб» кетяпти. Лекин профессионалнинг, профессионализмнинг баҳоси барибир баланд. Шоу-бизнес талабига қараб маҳсулот чиқаряпти ўша «юлдуз»лар ҳам. Ана шу нотўғри. Мана, Зулайҳо Бойхоновани қабул қилишяпти-ку, ҳамма қўшиклари эстрада йўналишида, лекин миллий...

Санъатда ҳеч қачон қуламайдиган устунлар бор. Санъат тарихи уйғониш даврида яшаб ижод қилган буюкларни Титанлар деб аташган, юқоридаги санъаткорлар каби титанларимиз бор. Афсус, бу азиз инсонлар бугунги дориломон кунларгача етиб кела олмади. Булар санъатимиз устунлари бўлиб тураверадилар. Ҳаёт бу – мактаб экан. Биз ўқувчи. Кимdir «беш», кимdir «тўрт», кимdir пастроқ баҳо оларкан имтиҳонларда. Кутган нарсаларингни ҳаммаси ҳам амалга ошавермас экан-у, кутилмагандаги марҳамат кўрар экансан. Ҳаёт – бу сабр. Ақлли инсон армонларини унутишга ҳаракат қилиб, яшайверар экан.

Биласанми, дўстим, ҳаёт карвони ўтаверар экан-у, одамларнинг дарду армонлари эскирмас экан, меҳр-муҳаббат, изтироблар... Инсоний туйғулари ўзгармас экан. Тирикман – демак ҳали ҳаммаси олдинда! Бу менинг шиорим. Бугунгача эришгандаримдан қониқмайман. Ижодкор ўзидан қониқдими, бу – унинг тўхтагани.

Бугун молу давлатни ҳамма нарсадан устун кўядиган одамлар кўпайиб кетди. Шундайлар даврасига тушиб қолсан, ичимдан зил кетаман. Пул керак, мамлакат учун ҳамма бой бўлса, янада яхши. Аммо, бу жамиятнинг фаровон-



лиги, унинг маданий тарақиёти учун хизмат қилиши лозим, инсонийликни йўқотиш учун эмас! Аччиқ бўлса ҳам айтаман, уни алдаб, буни алдаб бойлик орттираётганларни уддабурон дегувчилар, бундайларга ҳавас қилувчилар кўпайди. Бу фарзандларимиз, набираларимиз, тарбиясига қанчалик таъсир қилишини биласанми? Катталар бундайларни на-муна қилиб кўрсатгач, болалар нима қилсин! Ахир тарбиянинг асоси болани нима яхши-ю, нима ёмонлигига ишонтира билиш-ку! Бизга, жамиятимизга энг аввало, назари тўқ, қалби бой инсонлар керак. Миллатни, мамлакатни мана шундай инсонлар юксалтиради.

Мактаб ва коллежларда ижодкорлар билан бўлган учрашувларда кўзи ва қалбида ўт чақнаган ўғил-қизлар, бўйнига шода-шода ғолиблиқ медалларини тақиб олган ёшларни кўриб хаёлимда бир фикр чақмоқлашди. Болаларнинг беғубор олами, янги авлод вакиллари билан рўбарў келиб турганини ва шу билан бирга шовуллаб турган уммоннинг қудратли тўлқинлари эпкинини ҳис этдим, жаҳонни лол қолдирган боболаримиз, момоларимиз қони бугун фарзандларимиз томирида оқяпти, ўша буюклик яна бош кўтарди, буюклик тирилди...

Дўстим! Шундай оғрикли нуқта борки, бу ҳақда сенинг фикрингни билмоқчи эдим. Биласан, ҳалқ, миллат тушунчалари, анъаналар урф-одатларда намоён бўлади. Бу анъаналар авлоддан-авлодга ўтиб, ўзини тўлдириб, бойитиб боради. Урф-одатлар тарбия воситасига айланади. Улар орқали уят, шарму ҳаё, ибо, андиша, орият, одоб, ҳурмат, поклик, саховат, мурувват, меҳр-оқибат, садоқат ва бошқа кўплаб фазилатлар маънавиятимизнинг ноёб ва бетакрор намуналари ўлароқ сингдириб келинмоқда. Бу қадриятларимиз замиридаги миллийлик, комиллик, мукаммаллик ғояларини ҳар қанча улуғласак арзиди. Буларнинг бари яхши. Бироқ...

Тарақиёт шундай эканки, ижобий силжишлар қанчалик тез ва кўл рўй берса, акс тушунчалар ҳам жадал катталашиб бораверар экан. XX асрда инсониятга қуролланиш пойгаси хавф соглан бўлса, янги аср тарақиётига «оммавий маданият» ниқобидаги таҳдид халақит бермоқда. Бу «мараз оқим»нинг ахборотлари миллий қадриятларни ичдан емириш мақсадида тарқатилади. Шу маънода мазкур оқим тарғиботчилари инсонлар маънавий озуқа оладиган санъат, адабиётга оммавий маданиятни тарғиб қиласиган куч сифатида қарашди. Инсон тафаккурини ҳар қандай ахлоқсизлик билан «бойитиб», ботиний гўзал ҳислар устидан ғалаба қилмоқчи бўлишди. Ойнаи ҳаҷон, интернет, томлардаги ликопсисон антенналар, турли дисклар орқали миллий маънавиятни қалқон қилиб ўзлигини сақлаб қолган маданиятларга ҳам чанг солмоқда.

Қани айт-чи, дўстим, инсониятни маънавий таназзулдан нима асрар қолади? Албатта санъат ва маданият тимсолидаги миллат маънавиятиги-

на одамзотнинг улуғ аждодлари яратган боқий меросдан баҳраманд этади, кучига куч қўшиб руҳиятини бойитади.

Инсоният, гарчи ўз ўтмиши билан кулиб хайрлашса-да, миллат санъат тимсолида у билан қайта учрашганда кўзига ёш олмаслик мумкин эмас. Масалан, мумтоз наволар, миллий этнографик ансамблларимиз санъати чет элларда олқишли ҳаяжон билан кутиб олинаётгани замирида ҳам ана шу ҳақиқат мужассамдир. Инсоният қачонлардир ўзи бой берган маънавий мерос сарчашмаларини соғина бошлагани бежиз эмас. Қалби күёшдан ҳарорат олган, самимияти тенгсиз Ўзбекистоннинг ўзига хос тафаккур тарзи умуминсонийлиги билан қимматли. Зеро, ҳар қандай теран миллий заминга эга бўлган санъат ва адабиёт умуминсоний моҳиятга эга.

Яна бир гап, дунё, ундаги барча неъматлар Ҳазрати инсон учун яратилган. Ҳамма ҳам буюк бўлиб кетавермайди, лекин ажиб бир ҳикмат билан яралган инсоннинг бу ёруғ оламдан «ва бошқалар» қабилида аҳамиятсизгина ўтиб кетиши жуда ачинарли. Биласан, Петрарка ўз сонетларини севгилиси Лаурага, Данте эса жаҳоншумул «Илоҳий комедия» сини маҳбубаси аллақандай Беатричига бағишилан экан. Тасаввур қиляпсанми, агар ўша аёллар бўлмаганида, жаҳон адабиёти нақадар буюк дурданалардан бебахра қоларди ва аксинча, Данте ва Петрарка бўлмаганида, анови икки ожиза минглаб замондошлари қатори тарих қаърига сингиб кетарди. Уларга ҳавас қилса арзиди.

Кўп мумтоз асарларда муаллифлар «Бу китобни ўқигач, фақирни ҳам дуода ёд этинг», дея ўз илтижоларини қистириб кетишган. Албатта, ҳамма асарлар ҳам мақтанчоқлик, кибр ва манманлик маҳсули эмас. Мен бундай фикрдан йироқман.

Шундай асарлар борки, яратища муаллифлар бундай баландпарвоз ҳою-ҳавасни хаёлларига ҳам келтиришмаган. Масалан, О.Генри, Жек Лондон сингари ёзувчилар факат тирикчилик учунгина қалам тебратишган. Моцарт ҳам рўзгор важидан ана шундай буюк мусиқий асарлар яратган. Леонардо да Винчи ўзининг «Мона Лиза»си вақти келиб юз миллионлар билан баҳоланишини хаёлига ҳам келтирмаган ва уни арзимас пулга сотиб юборган.

Кўряпсанми, бани-башарни мислсиз ҳайратга солиб келаётган кўпгина буюк воқеаларнинг яратилиши нақадар жўн ва содда. Албатта, бу гаплар ҳеч қанақа янгилик эмас. Ҳаммамиз билган, лекин эътироф этишни хоҳламаган нарсалар холос.

Дўстим, ушбу мактуб орқали кўнглимни бироз бўшатиб, енгил тордим. Вақт олий муаллим ва яна шундайки, у бешафқатдир. Шу боис уни беҳуда ўтказмаган, бекорчиликка бой бериб қўймаганлар садатли кишилардир.

Хайр, кўришгунча.

Алижон АЗИЗОВ,
санъатшунослик фанлари номзоди, доцент

Kashmir qo'shiq'i

Улуғ жамоат арбоби Шароф Рашидов улкан адаб ҳам эди. Унинг асарларида эзгулик ва муҳаббат, гўзаллик ва нафосат мадҳ этилади. Хусусан, «Кашмир қўшиғи» достони ҳам олис ҳинд диёридаги муҳаббати изтироблари ҳақида ҳикоя қиласи. Наргиз гули ва асалари Бамбурнинг пок севгиси катта маҳорат билан қаламга олинади. Қуйида эътиборингизга шу асаддан айрим парчалар ҳаевола этамиз.

Кашмирлик дўстларимиз бизга дедиларки, эрта баҳорнинг тўнғич гули — Наргиз билан асаларилар шоҳи баҳодир Бамбурнинг гўзал ва покиза муҳаббати ҳақидаги халқ қўшиқлари неча-неча юз йиллар тарихининг баланд-баланд довонлари оша халқ дилида ўсиб, улғайиб келган. Халқнинг азалий орзу-умидларини ифода қилган бу дил қўшиқлари тилдан-тилга, авлоддан-авлодгә, даврдан-даврга кўчиб ўтган ва ҳар доим ошиқларга мардлик, маъшуқаларга умид бағишлаган, кўнгилларга қанот боғлаган, инсон боласига нажот йўлини кўрсатган.

Наргиз олислардаги ёрининг йўлига кўз тикиб куйлар экан, унинг қўшиқлари барча бошқа севгувчилар куйидан нағисроқ, сўлимроқ, ёқимлироқ янгарди:

Жоним, кетдинг йироқка,
Мени қўйиб фироққа.
Кела қолсанг-чи, ёшим
Тенг қилмайин булоққа.
Баҳор гуллар очилар,
Йўлга тушар йўлчилар.
Нечун йўлга тушмайсан,
Айрилиққа ким чидар...
Куни билан кутаман,
Туни билан кутаман.
Дилимнинг муштоқ бўлган —
Хуни билан кутаман.

Қушлар чуғурлашиб, Наргизга савол берадилар:

- Наргиз, йўлинг олис, етоласанми?
- Фовлар кўп, сен енгиб ўтоласанми?
- Манзилга албатта етаман, дўстлар!
- Фов бўлса енгаман, ўтаман, дўстлар!
- Агар бўрон турса, тўssa йўлингни,
Хорудлар ёпишса, узса қўлингни,
Қумлар олов бўлиб куйдирса агар,
Йўлларингни тўssa азим дарёлар,
Ўйлаган ўйидан қайтарми дилинг,
Сўйла, афсусини айтарми тилинг?

— Дўстлар, тўсолмайди Бўрон йўлимни,
Узуб ташломайди Хоруд кўлимни.
Қумлар олов бўлиб куйдирганда ҳам,
Дарёлар тошса ҳам, мен туриб бардам,
Ўйлаган ўйидан қайтмайди дилим,
Афсус қўшиғини айтмайди тилим.

Гарчи бу ўйин — ғолибининг ўйини, бу қўпол ашупа — ғолибининг ашуласи бўлса ҳам, ер-кўқда кутураётган Бўрон Хорудга ҳамдам бўлиб ҳайқирса ҳам, ер тагига кириб кетган Наргизнинг нағис ва дилрабо қўшиғи қора кучлар тантанасини босиб, шунча чиройли, шунча майнин, шунча нозик жаранглар эдики, бу қўшиқда янгидан туғилаётган хаёт нағаси сезилиб турарди. Наргиз куйларди:

Жоним, йўлинг тошмиди,
Саман от йўлдошлиди?
Бунча йироқлаб кетдинг,
Кўргулигим ёшмиди?
Ёшларим булоқ-булоқ,
Бунча қилмасанг муштоқ.
Кел, ўргулай, зор этма,
Бунча кетмасанг йироқ.
Кел, ўргулай, зор қилма,
Бунчалар бедор қилма.
Бўрон, Хоруд қўлида
Ёргинангни хор қилма.
Эгилмайди Наргизинг,
Эгилмайди ёлғизинг.
Эгилмайди золимга
Сенинг ёруғ юлдузинг.

Гуллар қўшиғи Наргизнинг тенги йўқ ҳусни-жамолини, баҳор эркатои Наргизнинг ёрига садоқатини улуғларди. Гулларнинг кўрки ҳам Наргиз, севинчи ҳам Наргиз эди. Қизлар Наргизнинг муҳаббатига тан бериб, унинг саботига қойил қолган эдилар. Куй тугагандан кейин Наргиз дугоналаридан ҳол-аҳвол сўрай кетди.



Наргиз:

Дугоналар, омонмисиз, бормисиз,
Жам бўлишиб, очилиб гулзормисиз?

Лола:

Ҳеч қандай куч бизни хазон этолмас,
Бўрон, Хоруд муродига етолмас!

Атиргул:

Ёв чекинар, озод бўлур боғимиз,
Озод бўлур, обод бўлур боғимиз!

Наврӯзгул:

Қора кучлар гулистондан кувилсинг,
Гуллар барги шабнам билан ювилсинг!

Наргиз:

Душман ўлсин, боғимиз обод бўлсинг
Бирлашайлик, дўстларимиз шод бўлсинг.

Бамбур сабрининг ниҳояси битди. Айрилиқ алангасидан тоқати тоқ бўлди. Озиб-тўзиб кетди. Ахир мухабатларини ўзининг сўнмас ёғду ипаклари риштаси билан йўргаклаган офтобга илтижо қилди:

Офтоб,
Офтоб,
Қайдасан, офтоб?
Қани Наргиз,
Қани у моҳтоб?
Қани ўзинг ёйган поёндоз?
Офтоб,
Офтоб,
Ахир, бер жавоб!
АЗобимга тезроқ чора қил,
Ёвузларнинг юзин қора қил!
Наргизимни кўрсат,
Авайла,
Булутларни пора-пора қил!
Наргиз,
Наргиз,
Севгим йўлдоши!
Ҳаётимнинг аввали, боши!
Овоз бергил,
Овоз, қайдасан?
Наргиз,
Наргиз,
Бахтим қўёши!


Узоқ-узоқларда музика йигларди. Юракларни пора-пора қиладиган бу куй аста-секин зўрайиб, Бамбури үз ҳукмига бутунлай тортиб олди. Эҳтимол, бу куй Бўрон билан Хоруд таҳқирлаган гўзалнинг оҳу зоридир. Эҳтимол, бу куй узоқ кунлар ёр жамолини кўролмай сарсон-саргардон бўлиб юрган йигитнинг ноласидир. Эҳтимол, бу куй Бўрон билан Хоруд жабрини тортган гул-ғунчалар йигиси, ҳаёт ва севги йўлида курашга бел боғлаганлар – Наргизнинг вафодор дўстлари юрагидан отилиб чиқсан садоқат таронаси, бирлашиш чақириғидир. Тош устида ҳаёл суриб ўтирган Бамбур севги йўлида, бахтли ҳаёт йўлида мингминг азоб-уқубатларга дучор бўлганларга қўшилиб куйлади:


Наргиз ёrim,
Вафодорим,
Қайлардасан,
Гулбаҳорим?
Излаб келдим,
Бўзлаб келдим,
Ишқ нақлининг
Сўзлаб келдим.
Кел, жонгинам,
Армонгинам,
Жонимга жон,
Дармонгинам!
Қани баттол?
Қани қаттол?
Зуғуми зўр
Ўша дажкол?
Чиқсин бу дам,
Берса чидам,
Бўрони ҳам,
Хоруди ҳам!
Қани Бўрон,
У зўравон?
Бошларига
Солай қирон!
Наргиз ёrim,
Вафодорим,
Қайлардасан,
Гулбаҳорим?

Бамбур қизларни самимий табриклиди. Қип-қизил шоҳилардан кийинган Лола ўртага тушди-да, барча қизларнинг севимли ашуласини бошлаб юборди. Уларнинг кўнғироқ овозлари, ҳаётбахш куйлари ғам-ғуссани унуттириб юборди. Дўстлар ҳаёт ва севги тантанасини тараннум этдилар.

Салом, севги, салом, саодат,
Салом, ҳаёт, салом, ҳаловат!
Салом сенга, ҳаёт ошиғи,
Парвоз этсин ҳаёт қўшиғи!
У, боғлардан-боғларга ўтсин!
Ёвлар бағрин садпора этсин!
... Салом, севги, салом, саодат,
Салом, ҳаёт, салом, ҳаловат!
Салом сенга, ҳаёт ошиғи,
Парвоз этсин ҳаёт қўшиғи!
Уни тинглаб ўйғонсин гуллар,
Қайтиб келсин қушлар, булбуллар!

Наргизнинг юрагида яшнаб келган асл орзу ана шубаҳорда биринчи марта амалга ошиди: у асаларилар учбий келган фаслда барг ёзди, очилди. Ана шунда Наргиз Бамбуринг висолига етди. Тўй сўзанаси бутун водийни чамандай қоплаб олди. Наргиз билан Бамбур мурод максадларига етдилар. Шод-хуррам Бамбур сарвқомат Наргиз оёғига эгилди. Гуллар боғига бахт-саодат қарор топди.





Hajviy g'azallar ustasi

XX асрнинг иккинчи ярмида ўзбек адабиётига қатор ҳажвчилар кириб келди. А.Қодирий, F.Гулом ва А.Қаҳхор бошлаган кулги мактабини кейинчалик С.Аҳмад, Н.Амин, Э.Воҳидов, Ў.Хошимов, А.Орипов ва бошқалар давом эттирилар. Мазкур йўналишда жиддий шуғулланиб, ўзбек ҳажвия адабиётининг тараққиёт тамойилларини белгилашда кўпроқ материал бера олган сўз усталари ҳам бор. Н.Аминов, С.Сиёев, Ш.Нурхон, М.Очил ва яна бир-икки ижодкорлар ўз қиёфаларига эга ранг-баранг ҳажвий характерлар яратганлар. Аммо лирик ҳажвиянавислиқда Анвар Обиджон нафақат ўзбек шеърияти, эҳтимолки, қардош халқлар адабиёти майдонида ҳам алоҳида ўрин тутади.

Анвар Обиджон ижод осмонида ўтган асрнинг 70-йилларида порлади. У насрда ҳам, назмда ҳам ўз ўрнига эга. Унинг лирик қаҳрамони шу пайтгача бўлган ҳажвий типларнинг бирортасига ўхшамайди. Чунки у ўз табиати, диди, фаросати, фикр ва дунёкараши билан барча ҳажвий образлардан, жумладан, Калвак маҳзум, Тошпўлат тажандан ҳам тубдан фарқланади. Бошқача айтганда, А. Обиджоннинг Уста Гулмати ёхуд Кулкул афандиси А.Қодирий, F.Гулом ва А.Қаҳхор ҳажвий қаҳрамонларининг қонуний «вориси». Яъни шоир яратган образлар юқоридаги машҳур уч адаб қаламига мансуб қаҳрамонларнинг хусусиятларидан бир чимдимдан ўзига юқтиради, уларни ривожлантиради. Натижада кўз ўнгимизда фавқулодда ҳаракат ва қиликлари билан бизга беғубор кулги улашадиган ғоят закий, айёр, шум, маҳмадона, ишбилармон ва тадбирли шахс қиёфаси намоён бўлади. У ҳаёт йўли билан кулги ва

ана шу кулги воситасида маърифат ёғдусини улашади.

Ҳажвия асосини киноя, пичинг, лутф, қочирим иборалар ташкил этади. Ана шундай воситалар йигиндинисини ҳазил деб атаймиз. Ҳазил жиддийроқ бўлса сатирик, оддийроқ бўлса юмористик оҳанг аниқ «эши-тилиб» туради. А.Обиджон ҳажвий ғазалларида сатирик қиёфа бўртиб турса, нисбатан кичик лирик шеърларида юмор ҳисси аниқ балқиб турди. Баъзи ҳолларда бунинг аксини кузатиш мумкин. Кифтини келтириш деган гапни айнан Анвар Обиджонга нисбатан ишлатиш мумкин. Назарий маълумотларда ёзувчи сатира тифига олган қаҳрамонининг жамиятдан буткул йўқ бўлиб кетишини истайди, юмор остига олинган қаҳрамоннинг эса тузалишини, нуқсонларини бартараф этиб, тарбияланишини хоҳлайди, деган фикрларга дуч келамиз. Шу маънода, А.Обиджон қаҳрамонларига хос иллатларнинг бартараф бўлишини кўпроқ Уста Гулмат ёки Кулкул афандининг нуқсонларини фош этиш орқали ифода этади. Уста Гулмат ҳам, унинг чевараси Кулкулий ҳам шоир. Улар моҳиятан салбий тип эмас. Уларнинг характеристида ижобий фазилатлар гоҳо шундай юз кўрсатиб қоладики, уларнинг ақлига, заковатига, фаросатига тан берасиз. Шундай ҳолларда ҳажвиядаги лирик қаҳрамон гўё муаллиф билан «биралашади». Бошқача айтганда, муаллиф ўзининг эстетик принципларини китобхонга, дейлик, ижод ахлига Уста Гулмат ё Кулкул афандининг қалами ва дунёкараши орқали етказади.

А.Обиджон 1985 йилда ҳажвияларини тўплаб «Безгакшамол» номи билан нашр қилди. 2003 йилда эса ўша тўпламнинг мантиқий давоми бўлган «Безгакшамол-2»ни кулги

мухлисларига тұхфа этди. Ҳар икки тўплам мүқоясасига эҳтиёж йўқ. Шаклий жимжима, маънавий тароват, ғоявий кўламдорлик, кулги ранглари илк тўпламда ҳам дикқатни жалб қиласр эди. Аммо ҳажвий қиёфа салобати, ижтимоий-сийесий, ишқий-интим кечинмаларнинг сатира ва юмор либосида пухта ифодаланиши, нозик қочиримлар, қисқаси, поэтик қувват жиҳатдан иккинчи тўплам анча мукаммаллик касб этади. Муаллиф ҳар бир ғазалга унинг моҳиятидан келиб чиқиб сарлавҳа қўйган. Тўртлик ва учликларга умумий ном қўйилган: тўртқаватлилар, учпахсалар каби.

Шоирнинг кичик лирик ҳажвияларида ҳам шундай бир нафосат, бадиий ҳақиқатларни туйиш мумкинки, катта истеъдод эгаси ижодда ихчамликка эришгани сайин жажжи асарнинг ғоявий салмолигин оптира боради. Бундай поэтик шакл ва маъно бирлиги ҳозирча бошқа ҳажвчидаги учрамайди.

Анвар Обиджоннинг ҳар бир шеъри, улар қаҷон ёзилганидан қатъи назар, бизнингча, мустаҳкам поэтик мезонларга тўла амал қиласди. Шоир ҳажвияларининг тили содда ва са-мимийлиги, ҳалқ жонли сўзлашувига анча яқинлиги, гоҳо мумтоз шеърията хос ифода воситаларининг қойилмақом ишлатилиши уларнинг ўқувчи қалби ва шууридан мустаҳкам ўрин олишига туртки беради. Ҳажвиянависнинг катта-кичик қатор назмий асарлари юксак ғоявий ниятларга сафарбар қилинадики, уларнинг бадиий латофатини текшириш, холис баҳолаш, шубҳасиз, бўлак мақоланинг мавзуси бўла олади.

**Абдураҳмон ПИРИМҚУЛОВ,
филология фанлари номзоди**

Халқ мумтоз мусиқаси, анъанавий касбий мусиқа, халқ бастикорлик йўллари турли ўзгариш ва янгиланишлар таъсирида ривожланиб келган. Буюк Шарқ алломалари Муҳаммад ал-Хоразмий, Абу Наср Форобий, Аҳмад ал-Фарғоний, Абу Али ибн Сино, Паҳлавон Маҳмуд, Умар Хайём, Мирзо Улуғбек, Абдураҳмон Жомий, Алишер Навоий, Заҳириддин Муҳаммад Бобур ўзларининг мусиқага оид асарларида ижрочилик санъати, мусиқа илми ва тарихи, чолғу созларининг тузилиши, ижровий услублари, санъаткорлик қонун-қоидаларига оид қимматли маълумотларни баён этганлар.

рида ҳам мусиқага шахснинг маънавий ва жисмоний табиатига таъсири этувчи қудратли восита сифатида таъриф беради: «Болада жуда ёшлигидан бошлаб мусиқа хиссиятини тарбиялаш лозим, бу эса унинг руҳий ҳолатини мустаҳкамлайди». Аллома машҳур «Тиб қонунлари» китобида «Боланинг мижозини кучайтирмоқ учун

Musiqaning hayotbaxsh sehzi

Фазал мулкининг сultonи Алишер Навоий даврида мусиқа адабиёт билан қадам-бақадам ривожланган. Навоий асарларида мусиқага оид атамалар, ёқимли овоз, куй, қўшиқ маъносини англатувчи сўз ва иборалар жуда кўплаб учраши ҳам шундан далолатдир. Масалан, хушхон, хушнаво, хушвон, хушнағма, булбули наво, навоий дилкушо, гулбонг, лаҳнпардоз каби мусиқага оид ташбехлар маълум бир фикр, ғоянинг энг муҳим нуқтаси, ботиний хуласаси тарзида намоён бўлади. Ҳусусан, биз «Лисон ут-тайр» достонида лаҳн (оҳанг, овоз) билан боғлиқ шундай мисраларга дуч келамиш:

**Бўлса лаҳну нағмада огоҳлиғ,
Беҳки тоат вақтида гумроҳлиғ.**

Бизгача етиб келган тарихий манбаларда ўша даврда Навоийнинг ўйида тез-тез ташкил этилган назм ва наво кечалари, уларда мусиқачилар, қўшиқчиларнинг мунис хонишлари, ижро маҳоратлари намойиш этиб турилганлиги қайд этилган. Бу назм ва наво кечалари ўз даврининг мусиқий анжуманлари эди. Созларни моҳирона чала билган Абдураҳмон Жомий Алишер Навоийнинг илтимосига кўра, мусиқа ҳақида ёзиб, айниқса, мақомларнинг инсон руҳига қанчалик кучли таъсири қилишини исботлаб берган. Масалан, Ушшоқ, Наво, Рост, Ирок, Исфаҳон, Бозирғоний мақомлари инсонга куч-куват ва кўтарики кайфият баҳш этади,

Бузрук, Роҳат, Ҳусайнӣ, Дилхирож каби куйлар эса дилларни янада шодлантиради.

Буюк аждодларимиздан яна бири, қомусий олим Абу Наср Форобий ўзининг сермаҳсул ижоди давомида мусиқий илим билан ҳам жуда жиддий шугулланган. Унинг «Мусиқа ҳақида катта китоб» асари маълум ва машҳур. Ушбу асар маданият ва санъатга оид муҳим масалалар ҳақида жуда бой маълумотлар келтирилганлиги билан ҳам қимматлидир. Форобий мусиқани инсонда юксак ахлоқ намуналарини шакллантирувчи, унда эстетик дид ҳамда гўзаллик туйғуларини ўйғотувчи ва ҳатто инсон сиҳат-саломатлигига ҳам ижобий таъсири курсатувчи восита деб таърифланганлиги бизга маълум. Аллома мусиқа асбобларини шахсан ўзи ясар ва уларни кўча-кўйларда, бозорларда чалиб, одамларда завқ-шавқ ўйғотиб, кайфиятларини кўтарар эди.

Форобий инсон ҳаётида мусиқанинг аҳамиятини қайд қилиб, «Эй мусиқа олами, яхшиямки, сен борсан, агар сен бўлмаганингда, инсоннинг аҳволи не кечар эди», дея хитоб қиласди. Яна айтадики, «Мусиқа илми шу маънода фойдалики, у ўз мувозанатини йўқотган одамлар хулқини тартибга келтиради, мукаммалликка етмаган хулқни мукаммал қиласди ва мувозанатда бўлган одамлар хулқининг мувозанатини сақлаб туради».


Аллома Абу Али Ибн Сино ўзининг мусиқий-маърифий қарашла-

икики нарсани қўлламоқ керак: бири – болани секин-секин тебратиш, иккинчиси, ухлатиш учун одат бўлиб келган мусиқий аллалашдир. Шу иккисини қабул қилиш миқдорига қараб боланинг танаси билан тарбияга ва руҳи билан мусиқага бўлган эҳтиёж ҳосил бўлган», деб ёзган эди. Кўриниб турибдики, буюк аждодларимиз ўз асарларида инсоннинг руҳий камолотида мусиқа санъати муҳим ўрин тутишини алоҳида эътироф этиб келишган.

Фаҳр билан айтамизки, ҳозирги кунда юртимизда мусиқа санъатини кенг ривожлантиришга катта эътибор қаратилмоқда. Жумладан, мумтоз мусиқа меросимизни асрар-авайлаш ва ўрганиш, уни келажак авлодга етказиш мақсадида кўплаб кўрик-тандовлар, нуғузли халқаро мусиқа анжуманлари мунтазам равишда ўтказиб келинмоқда. Ёшларга миллий ва жаҳон мусиқа санъати сирларини пухта ўргатиш борасидаги изчил ишлар натижасида кўплаб иқтидорли ўғил-қизларимиз халқаро фестивалларда муносиб иштирок этиб, Ватанимиз шаънини янада улуғлашмоқда.

Ҳа, мусиқа инсон маънавиятини юксалтиришда улкан таъсири кучига эга тарбия воситаси, инсон руҳиятига ҳаётбахш куч бера оладиган жон озигидир. У инсонни гўзаллик, нафосат ва эзгуликка ошно этади.

**Юсуфхон САЙДАЛИЕВ,
Ўзбекистон давлат
консерваторияси
катта ўқитувчisi**



Krab sahrosidagi yangi LUVR

Бугунги кунда яратилаётган бино ва иншоотлар замонавий кўриниши ва меъморий ечи-ми билан аввалгиларидан тубдан фарқланиб бормоқда. Сўнгги йилларда дунёга машҳур меъморлардан бири Жан Нувель Бирлашган Араб Амирликларининг Абу-Даби шаҳрида Лувр музейи филиалининг тархини яратиб, яна тилларга тушди.



Жан Нувель 1945 йил 12 августда Францияда туғилган. Ёшлигидан рассом бўлишни орзу қиласарди. Жан улғайгач, ота-онасининг маслаҳати билан нафис санъат олий мактабининг охирига келиб, ўзининг меъморчилик бюросини очишга муваффақ бўлди. Дастребки меъморий ишларини «Architecture studio» бюроси билан ҳамкорликда Париждаги «Араб дунёси институти» лойиҳаси устида амалга ошириди. Кейинроқ Лиондаги опера театри, савдо маркази, Берлиндаги «Galeries Lafayette» универмаги, Люцернадаги маданият маркази ҳамда «Монолит» кўргазма мажмуаси ва кўплаб бинолар курилишида ўз меъморчилик маҳоратини кўрсата олди. Яъни Европа, Осиё, жанубий ва шимолий Америка мамлакатларида Жан Нувель лойиҳалари асосида бино ва иншоотлар қад кўтарди.

Орамизда машҳур Лувр музейини билмайдиган одам кам топилса керак. Абу-Дабида кўп йиллар Лувр филиалини барпо этиш устида иш олиб борилди ва 2017 йил 11 ноябрда ушбу музей кенг оммага эшигини очди. Музей сунъий оролда барпо этилди.

Иншоот асоси маҳобатли соябондан ташкил топган бўлиб, тагига 55 та кичик кўргазма бинолари жойлаштирилган. Музей қарийб юз минг метр квадрат майдонга эга. Кўргазма залларида олти юзга яқин қадимий ноёб экспонатлар намойиш этилади. Уларнинг деярли ярмини Франция музейлари ижара асосида тақдим этишган. Фотоларда акс этганидек, музей лойиҳасини Жан Нувель ўта юксак даражада бажарган.

Музей биноси кўриниш ва қулайлик жиҳатидан тенгсиз. Асосийси меъморлар яратган музей лойиҳаси ўз бағрига олган дурдона асалар ва экспонатларга муносиб дея баҳоланса бўлади.

Ҳамма вақт ҳам янги таклиф ва фоялар атрофдагилар томонидан ҳадеганда қўллаб-куватланавермаган. Ҳатто машҳур Эйфел мино-




расининг лойиҳалари ҳам фақат темир панжаралардан иборатлиги сабабли гўзал Париж кўринишини бузади, дея айланган эди. Мана, бугунгача Париж кўркига кўрк қўшиб келаётган Эйфел минораси Франциянинг чинакам рамзига айланниб бўлган. Шу қаторда Луврнинг Абу-Дабидаги филиали ҳам қаршиликлариз бунёд этилгани йўқ. Лекин бу бино жазира маҳаласи Амирликлар учун рамзий соябон бўлиб қад ростлаб турибди.

Бир донишманддан сўрашибди: «Нима учун инсонлар санъат дурдоналарини яратишга интилишади?». Шунда у «Инсонлар ер юзида ўзларидан из қолдиришга уринишади», деб жавоб берган экан. Буни баъзилар санъат даражасида уддалашади ва нодир асалар дунёга келади.

Демак, музей бинолари ҳам инсониятнинг авлодларга қолдирадиган ўзига хос асалари экан.

Соҳиб ЖОНТОЕВ
тайёрлади



MAQSADIMIZ - КО'NGILLARGA KIRIB BORISH

Ўзбекистон давлат ёш томошабинлар театри... Болаларнинг севимли маскани. Биз «Қовоқвой билан Чароқвой»ни ҳам, «Эгри билан Тўғри»ни ҳам, «Зумрад ва Қиммат»ни ҳам шу масканда таниганмиз. Мамлакатимизнинг чекка ҳудудларида болалар ҳам театр трансляциялари орқали бу томошалардан кўп бор баҳраманд бўлишган. Лекин ушбу спектаклларни жонли, асар қаҳрамонлари билан ёнма-ён туриб кўришининг завқи ўзгача. Театр рассомлари томонидан ноодатий тарзда безатилган ихчамгина кириш залининг ўзиёқ болаликка саёҳат қилдира бошлади. 160 ўринга мўлжалланган томоша зали, саҳна ва парданинг ҳаяжони ундан ҳам ортиқ. Ёш томошабинлар театри болалар учун яхши-ёмонни ажратиш, келажакда ўз ўрнини топиш, бирор касб танлаш ўйлида пойдевор вазифасини ўтаса, ажаб эмас. Уларга ҳамроҳ бўлиб келадиган катталараН эса чин маънода болалик оламига саёҳат қиласди. Мана шундай масъулиятили вазифани ўз зинмасига олган театр раҳбари Зулфия Ҳамроева билан сухбатимиз болаларнинг севимли масканинг бугунги фаолияти, келажак режалари, умуман, саҳна санъати ҳақида бўлди.

— Президентимиз Шавкат Мирзиёевнинг 2017 йил 3 август куни мамлакатимизнинг ижодкорлари билан ўтказган учрашувидағи етакчи ижодий ташкилотларнинг «Дўстлар клублари»ни ташкил этиш ҳақидаги таклифига биноан, Ўзбекистон давлат ёш томошабинлар театрига Ахборот технологиялари ва коммуникацияларини ривожлантириш вазирлиги ҳомийлик қилиш истагани билдирган эди. Бунга ҳали кўп бўлмаган эса-да, театр ижодий фолијатида сезиларли ўзгаришлар рўй берадиганини кўрдимиз.

— Маънавият жамиятнинг етакчи кучи. Президентимизнинг мамлакатимиз зиёлилари билан бўлиб ўтган тарихий учрашуви биз соҳа ходимлари олдига бир талай вазифаларни кўйди. Бугуннинг ёшлари кечаги ёшлардан тубдан фарқ қиласди. Маънавият билан ёш томошабинлар қалбига кириб боришини ўзимиз учун асосий мақсад қилиб белгиладик. Шу маънода Шавкат Мирзиёевнинг «Ижод аҳли инсон қалбининг муҳандисларидир» деган сўзларини келтириб ўтмоқчиман. Ахборот технологиялари ва коммуникацияларини ривожлантириш вазирлиги билан 5 йилга шартнома имзоладик. Вазир Шерзод Шерматовнинг ташаббуси билан ҳеч бир театрда бўлмаган уч юз етмиш миллион сўмлик 6/4 метр ҳажмдаги LED экран ҳамда театр саҳнасига декорация вазифасини бажарувчи, жуда катта имкониятларга эга бўлган «EPSON» видеопроектор тақдим этилди. Бу ускуналарнинг саҳнамизга ўрнатилиши спектаклларимизнинг янада мукаммал кўриниш касб этишида катта аҳамиятга эга. Энди саҳнада актёрлар рол ижро этади,

декорация худди «Зд» кинолардаги сингари ўзгариб бораверади. Бу эса ўз-ўзидан бизнинг ёш томошабинларимизни янада жалб қилиши аниқ. Шу билан бирга UZINFOCOM маркази ходимлари театрнинг тууз.uz янги сайти ва катта экранда намойиш этилаётган тақдимот ролигини ишлаб чиқишиди. Бундан ташқари вазирлик билан имзолangan шартномамизга асосан янги йилнинг ёз ойларида театр биносини янгидан реконструкция қилиш режалаштирилган. Келажакда ҳозирги мўъжазигина театримиз муҳташам саройга айланади, деган умиддамиз. Президентимиз таклифи билан ташкил этилган «Дўстлар клуби» ижодий ташкилотлар ўз фолијатида катта ютуқларга эришишида мустаҳкам таъян бўлишига ишонаман.

— **Мактаблар, Мехрибонлик уйлари, мактабгача таълим мусассасалари билан ҳамкорлик масалалари тўғрисида сўзлаб берсангиз.**

— Театримиз Республикаимизнинг бир нечта касалхоналарининг болалар бўлимлари билан ҳамкорлик қиласди. У ерда даволанувчи болжонлар учун бир йилда 3 марта, янги йилда арафасида, 1 июнь — ҳалқаро болаларни ҳимоя қилиш куни ва Наврӯз байрамларида томошалар уюштирамиз ҳамда совғалар улашамиз. Яқинда ҳам Республика ихтисослаштирилган педиатрия илмий-техшириш марказида 270 нафар болаларга совғалар тарқатдик. Шу билан бирга, ҳар ой пойтактимиз туманларида мактаб ўқувчилари театримизга спектаклларни кўриш учун келишади. Очифини айтиш керак, бундан иккى йил олдин дам олиш кунлари атиги 20-30 нафар томошабинга

спектакл намойиш этардик. Ҳозир эса спектаклларимиз бир кунда иккى сеансда кўйиляпти.

— Репертуар театрнинг дастурхони дейишади. Репертуарнинг шаклланиш жараёнида класик асарларга ҳам мурожаат қилингатими?

— Бизнинг томошабинларимиз 3 ўйдан 17 ўзгача бўлган фарзандларимиздан иборат. Болаларни нима кўпроқ қизиқтиради? Албатта, эртаклар, турли саргузаштларга бой асарлар. Биз ҳам кўпроқ эртаклардан фойдаланамиз, чунки ҳар бир бола бувисидан, онасидан эртаклар эшитиб катта бўлади. Улар эшитган эртак қаҳрамонларини ўз кўзлари билан жонли образларда томоша қилиши бутунлай бошқача таассурот, ҳис-ҳаяжон ўйғотади. Шунинг учун театримизнинг репертуарини миллатимизнинг орзу-умидларини, инсонларни эзгуликка ундовчи фазилатларни ифодалови ҳалқ эртак ва достонлари, ўзбек ва жаҳон мумтоз адиларининг болалар учун мўлжалланган энг сара асарлари асосида саҳнالаштирилган спектакллар билан бойитиб, ёш томошабинларимизнинг эътиборларига ҳавола этияпмиз. Масалан, ўзбек ҳалқ эртакларидан «Зумрад ва Қим-



мат», «Үр тўқмоқ», «Сехрли лайлак», Абдулла Авлонийнинг «Адвокатлик осонми?»,Faфур Гуломнинг «Шум бола», М.Искандаровнинг «Фаройиб воқеа», жаҳон халқлари эртакларидан Вильгельм ва Якоб Гриммларнинг «Оппоғой», хитой халқ эртаги асосида «Сехрли дур», Андерсоннинг «Қор маликаси», П.Панчеснинг «Тўрут элизак» каби эртак ва қиссалари асосида яратилган спектакллар билан болаларимизни хурсанд қилиб келяпмиз. Янги йилда эса болажонларимизга совға сифатида «Оловуддиннинг сехрли шамчироғи» номли спектаклни саргузашт ва қизиқарли саҳналар билан тўлдириб намойиш этамиз.

— Спектаклларнинг ранг-баранг-лигига эришиш, яна ҳам муқаммал саҳна асарларининг дунёга келиши, уларни ёш авлодга етказиш учун қайси драматурглар билан ҳамкорлик қиласызлар?

— Биз яқинда ёзувчи Абдулла Азимов билан ҳамкорликда бир асарга кўл урдик. Унда буюк инсонларнинг болалиқдаги орзулари, яшаш тарзи ва ўз мақсади йўлидаги изланишлари акс этган бу томошаларда буюк ҳаким Ибн Сино, болажонлар учун кўплаб эртаклар ёзган Андерсон ва замонамиз қаҳрамони Равшан Эрматовнинг болалиги ҳақида ҳикоя қилинади. Бундан ташқари фақат эртаклар билан кифояланиб қолмаслик учун ўсмир ўшдаги томошабинларимизга бағишлиган Абдуқаюм Йўлдошев ва Шуҳрат Ризаевларнинг пъесаси асосида «Залолат», «Дискотека», Тоҳир Маликнинг «Заҳарли томчи», Шароф Бошбековнинг «Эски шаҳар гаврошлари» асарларини ҳам саҳналаштиридик. Яхши спектакл дунёга келиши учун драматург театр актёрлари билан бирга ишлаши, улар қандай рол ижро этишни хоҳлаётганикларини ҳам инобатта олиши керак, деб ўйлайман. Миллий театримиз тарихидаги Сайд Аҳмаднинг «Келинлар қўзғолони», Эркин Воҳидовнинг «Олтин девор» асарлари ҳам асар муаллифи билан биргалиқда, театрда режиссёр ва актёрларнинг ижод жараёнида қайта-қайта ишланиб томошабиннинг кўнглидан жой олган спектаклга айланган. Шунинг учун биз ҳам драматургларимиз, ёзувчиларимиз билан ижодий ҳамкорликни йўлга қўйдик.

— Ёш истеъдодларни театрга жалб қилиш, ролларни актёрларга

бўлиб бериш, образга муносиб актёр танлаш жараёни қандай кечади?


— Ҳар томонлама истеъдодга эга ёш ижодкорларни аниқлаш, уларнинг иқтидорини юзага чиқариш, ёш авлоднинг эстетик ривожланишига таъсир кўрсатиш мақсадида ёш ижодкорлар учун «Актёр ижодида рақс санъати» фестивалини ўтказдик. Унда мамлакатимиздаги театрларнинг ёш актёрлари ва талабалар ҳам қатнашадилар. Бизнинг театримиз жамоаси асосан ёшлардан иборат, шунинг учун бўлса керак ижодий муҳит, жўшқинлик жуда кучли. Шуни ҳам алоҳида таъкидламоқчиманки, театрда дўстлик, аҳиллик ўрнатдик. Бунинг ҳам иш самарадорлигига ўрни ниҳоятда катта экани барчага аён. Биз учун энг муҳими, ёшларнинг қалбига эзгулик олиб кириш, уларнинг шаклланаётган онгини ҳар хил салбий таъсиirlардан ҳимоя қилиш, Ватанга, дўстларга ва оиласа садоқат тушунчаларини сингдиришдан иборат.

— Театр гардеробдан бошланади, дейилади. Сиз раҳбар сифатида бу гапга қандай қарайсиз?

— Бу гап асосан, томошабин учун. Чунки театрга келган томошабин илк қадамларидан театр муҳитини ҳис қилсин, деган мақсадда айтилган. Театр актёрлари учун ҳам тегишли жойи шундаки, бу даргоҳга қадам кўйдингми, бор вужудинг билан ўз ишингга ёндашасан. Бу ерда сен ўз «мен»ингдан кечиб, саҳна қаҳрамонига айланасан. Энди саволингизнинг раҳбар сифатида деган ўрнига келсак, мен учун эрталаб ўйдан чиқишим билан театр бошланади. Бунда томошабиннинг манфаати, ходимларимизнинг фаолияти, кимда қандай муаммо бор, театрнинг ички ва ташки қиёфа-

сидаги ўзгаришлар, ҳамкорлар билан алоқалар, ҳеч бир нарса дикқатимдан ташқарида бўлмайди. Йўл-йўлакай ҳам қатор ишларимни битиришга ултураман. Қатъий кун тартибимни эрталабдан белгилаб олиб, шу аснода тагин баъзи вазифалар қўшилган ҳолда адогига етказа олсангина кечқурун хотиржам дам оламан. Агар қилаётган ишинг ўзингта завқ берса чарчамайсан, ишлаб дам оласан, деганлари рост экан. Қанча ишламайин, югурб-елмайин, ўзим учун янги ирода ва куч кашф қиласман. Бугун ана шундай гайрат билан ишламасак, келажак бизни кечирмайди.

**Саодат БЕРДИЕВА
сұхбатлашды**



Naç navosi

Мусиқий чолгулар инсоният маънавиятини оҳангларда тараннум этувчи халқ ижодиёти маҳсулли бўлиб, азал-азалдан созгар усталар томонидан ясалиб, халқ орасида шаклланиб, тобора мукаммаллашиб келаётган мўъжизавий ифода воситала-ридир.

Чолғушунослик фанда «органология» деб юритилади ва чолғу созларининг шаклланиши, амалиётда қўлланилиши ҳамда ривожланиш мезонларини илмий асослаб беради. Ушбу фаннинг ривожланишида бир қатор Шарқ ва Farb олимлари қаторида ўзбек мусиқашунос олимлари ҳам муносабиб тадқиқотлар олиб боргандар.

Чолғуларда ҳар бир халқнинг миллий ғурури, анъанаси, қадриятлари ўз ифодасини топганки, улардан тараладиган овоз ҳам шунга мослашган. Булар барчаси яратилажак чолғуларнинг шаклига ва миллийлик мезонига асос бўлиб хизмат қиласди. Тарих давомида доимо чолғуларга эътибор катта бўлиб, тарбиявий томонлари билан ҳам алоҳида аҳамият касб этиб келган.

Қадимий чолғулар кўпроқ тарихий обидалар орқали кашф этилиб, кейинчалик тарих, адабиёт ва мусиқий рисолаларда баён этилган.

Ибтидоий даврдан бошлаб кесилган бамбук ёки ичи ғовак шох пулфлаб чалинадиган, ёйга тортилган ип эса, чертиб чалинувчи илк чолғулардан ҳисобланади.

Қадимий суратларда арфа, уд, найсимон ҳамда урма чолғулар акс эттирилган. Мусиқий чолғу ижро-чилигига бўлган эҳтиёжни айнан ушбу суратларда кўриш мумкин. Чунки суратларда нафақат якка ижрочилар ёки чолғу асбобининг ўзи акс эттирилган, балки Айритом қазилмаларидан топилган тарихий обидаларда қадимги Сўғд маданиятига хос ансамбль, яъни бир қатор мусиқачиларнинг чолғуларни гуруҳ бўлиб ижро этаётганларининг акси туширилган. Марказий Осиё ва Ўзбекистон худудларида Афросиёб, Далварзинтепа (Сурхондарё), Варахша (Бухоро), Айритом, Зартепа, Кўйқирилган ва Кўзиқирилган тепалар (Кўхна Урганч), Панжикент каби қадимий жойлар қазилмаларидан топилган чизма сурат ва ҳайкалчалар шулар жумласидандир.

Бошқа чолғулар орасида ўзининг кенг диапазони, оҳангдор товуши билан ажралиб турувчи чолғулар – дамли чолғулар ҳисобланади. Дамли чолғу-

лар эрамиздан аввалги III-I асрларда ҳам найсимон, тилсимон ва карнайсимонларга ажратилган.

Дамли чолғулар орасида узоқ ўтмишдан то бугунги кунга қадар кенг қўлланилаётган, инсон овогизга жуда яқин чолғу сози найдир.

Шарқнинг барча худудларида ўз дамли чолғула-ри мавжуд ва уларнинг ҳар бирида най турлича ном билан аталади. Мисол учун: Ҳинд найи «вену» найга ўта яқин чолғу бўлиб, у жанубий Ҳиндистоннинг дамли чолғулари сирасига киради. Турк найи эса ҳар хил жойларда «кувал» ёки «гувал» номи билан танилган. Покистоннинг найсимон чолғуси «сатара» ёки «пава», Эроннинг найсимон чолғуси эса «саф-фара» деб аталади.

Най ўзбек мусиқа санъатида етакчи чолғулардан ҳисобланади. IX—X асрларда яшаб ижод этган, Шарқнинг буюк алломаси Абу Наср Форобий ўзининг «Китаб-ул-мусиқий ал-кабир» рисоласида таърифлаган най чолғуси ҳозирги давримиздаги найдан деярли фарқ қилмайди.

Дарвиш Али Чангийнинг «Тұхфат ус-сурур» номли мусиқий рисоласида айтилишича, Най Эбан чолғуси XIII асрда яшаб ўтган мусиқашунос олим Сафиуддин Абдулмўмин Урмавий томонидан ихтиро қилинган. У темирчиларнинг дам берувчи мешини кўриб, мазкур чолғуни ясаган экан.

Ибн Зайланинг «Мусиқага оид тўлиқ китоби»даги «Мусиқа асблоблари» қисмининг охирги фасли найга бағишлиланади. «Пуфлама мусиқа асблобларининг машҳурларидан бири мизмар бўлиб, ундан нағмалар чиқиш жойи қўйидагича: тепа томондан бошлаб бир қатор жойлашган еттита тешикча бор мизмarda» деган сўзлар билан найга таъриф берилади ва най парда нағмалари аниқланиб, бу нағмаларни чиқаришда найчи маҳорати ҳақида сўз юритилади.

Аслида най чолғуси мевали дарахтдан, қамишдан ва мисдан ясалган. Абдурауф Фитрат ўзининг «Ўзбек классик мусиқаси ва унинг тарихи» рисоласида «най қамиш маъносидаги форсийча бир сўздир. Бизда биринж (бронза) ё боқир (мис)дан ясаладир», деб изоҳлаган. Шулар қатори оқ металл (аллюминий)дан ясалган найларни ҳам учратиши миз мумкин.

Замонавий манбаларда эса най чолғусига қўйидагича таъриф берилади: «Най чолғуси Шарқнинг кўпгина халқлари ўртасида кенг тарқалган.

Азалдан созандалар турли жисмлардан тайёрланган найлардан фойдаланганлар. Масалан, мевали ёғочдан (ёғоч най), бамбукдан (ғаров най), оқ мисдан (мис най), латундан (бринж най) қамиш, ёғоч, металлдан ясалади ва шунга мувофиқ ўзининг турлари га эгадир. Одатда най узунлиги 450-520 миллиметр бўлиб, лаб кесмасига параллел ҳолда ушлаб чалинади. Найнинг товушқатори диатоник бўлиб, икки ярим октава (биринчи октава «ля» товушидан тўртинчи октава «ре» нотасигача) товуш кўламига эга. Иккинчи октава «ля» товушидан юқори пардалар нафас босимини кучайтириш ва лаблар кескинлиги ортиши йўли билан ҳосил қилинади. Созандалар ижро давомида ва айниқса, юқори товушларни ҳосил қилганда мураккаб аппликатурани қўлладилар. Най тешикларини ярим очган ҳолда эса хроматик товушқатор ҳосил қилиш мумкин. Шунингдек, найнинг пулланадиган тешигига ижрочи лабини пастроқ ёки юқори қўйиши натижасида товушни ярим пардага фарқ қилдириш мумкин».

Най ижрочилиги тарихига назар солар эканмиз, Абдуқодир Исмоилов, Аюб Қодиров, Сайджон Калонов, Усмон Қори каби беназир найчи созандаларнинг асосан якка ижрочи сифатида эл орасида машхур бўлганларини хурмат билан тилга оламиз.

XX асрнинг 20-йилларидан бошлаб най чолғуси созандалар ансамбли таркибида муносаб ўрнини топди, оммалашди ва бу чолғунинг моҳир ижрочилари етишиб чиқди. Ю.Ражабий, Р.Ҳамдамов, М.Муҳамедов, Д.Соаткулов, И.Қодиров, М.Тоиров, Х.Жўраев, А.Собиров, А.Абдурашидовлар шулар жумласидандир.


Юқорида номлари зикр этилган барча устоз созандалар най чолғусининг тарихан шаклланишига ўзларининг улкан ҳиссаларини қўшишган ҳамда бетакрор ижролари билан най чолғусини бугунги кундаги мукаммаллашувига олиб келишган. Мусиқа дурданаларини маҳорат билан ижро қилиб, шу соз учун маҳсус асарлар яратиб, янги шогирдлар тарбиялашда уларнинг хизматлари бекиёсdir.

Хозирда най ижрочилигини ўрганиш учун маҳсус яратилган ўқув қўлланма ва дарсликлар ушбу чолғу тўғрисида чуқур маълумотга эга бўлиш учун катта ёрдам беради. Бу борада Мирза Тоировнинг «Най дарслиги», Аҳмаджон Собировнинг «Най наволари» қўлланмаси, Тоҳир Қаҳҳоровнинг «Най навоси» каби қўлланмаларининг ўрни бекиёсdir. Улар най чолғуси ижрочилигининг ривожига ўз ҳиссаларини қўшиб, кўпгина истеъододли ижрочи ўқувчи ва талабаларни етишириб келишмоқда.

Бугунги кунда най чолғуси нафақат якканавозлик, ансамбллар ва фольклор жамоаларида, балки, эстрада ижрочилигига ҳам кенг қўлланилмоқда.

**Хуршид ОРИПОВ,
Ўзбекистон давлат консерваторияси
катта ўқитувчиси**





Büyük dardi bor ýurak

Мұтасаввуф шоир Бобораҳим Машрабнинг ҳаёти әз ижоди ҳақидаги түрли қарашлар бу шахснинг мұраккаб әз зиддиятли ҳаёт үйлини босиб үтганидан дарап беради. Бу ҳол унинг шахси әз ижоди ҳақидаги асарларда ҳам үз аксина топған. Айниқса, шоир асарлари марказидаги исенкорлик түйғулари ҳар бир даерда ижодкорлар дүккәтини үзиге қаратған.

Ойбек, Миркарим Осим, Ҳамид Ғулом, Шұхрат, Мұхаммад Али каби адилар роман, қисса, ҳикоя, шеър әз достонлар ёзиб, қисмати фожеаларга тұла шоир қалбини ёрқын бүекларда күрсатышға ҳаракат қылғанлар. Тарихий мавзуларда қалам тебратиб келаётган шоирларимиздан Тұлан Низомнинг «Рұхі равоним» достони ҳам Машраб ҳақида битилған үзиге хос асар десек хато бўлмайди. Хўш, мазкур достон қайси жиҳатлари билан аввалги асарлардан фарқ қиласди?

Аввало, достонда Машраб яратған асарлар руҳидаги исенкорлик түйғулари унинг дарвешлигидан ҳам зиёда тасаввуф фалсафаси билан боғлиқлигига алоҳида эътибор қаратилған. Шоир үзлигини қидираётган Қалбнинг дардларига атрофдаги одамлардан малҳам топа олмагач, кимсасиз саҳроларни кўмсайди. Мажнун бўлиб, дараҳтлар билан, жонзорлар билан тиллашгиси келади. Чунки унинг дардлари оддий эмас, илоҳийидир. Дарди илоҳийни эса шону шуҳрат, сийму зар, фитна-ю иғволардан тамоман йироқ маҳлуқотларгина тушунади. Билишнинг чексизлигига ишонган ёш Бобораҳим қалбидан үйғонған ёлғизликка интилиш асосларида Ҳаққа етишиш армонлари қад ростлайди:

*Тоғ әчкиси каби қочар кўзлардан нари,
Дараларда, жарликларда кезар сар-сари.
Сочи ўсиқ, усти-боши йиртиқ, бир аҳвол,
Кўзларида пориллайди сўнги йўқ хаёл.
Оғзи тўла ўтми ғазал, тилида нола,
Юрагида буюк дард, бечора бола –
Неча ҳафта шундоқ юрар, оёқларига
Тикан тўлди, садо кирмас қулоқларига.*

Шоир табиатида тобора илдиз отиб бораётган дарвешлик заминида Покликка интилиш, ўзини Рұх ихтиёрига топшириш ҳаракатлари ётади.

Машрабнинг Офоқхўжа ҳузурига бориши, у ерда шоирга бўлған муносабатлар ҳам асарда үзининг асл ифодасини топған. Машраб бу хонадонда етти йиллик умрини ўтин ташиш, эшик супуриш билан ўтказади. Пирнинг муридлага муносабати унинг эътиқодини сўндирамайди, аксинча, ишончини янада ортиради. Ҳаққа етишиш умиди билан илм уммонида ғаввосдек сузган Машрабнинг Қошғарга бориши-ю Офоқхўжага мурид бўлиши бежиз эмас. Пирнинг билими-ю обрўси ҳақида етарлича маълумотларга эга бўлған шоир бундай пири комилга мурид бўлишни үзи учун камолотга етишишнинг ягона йўли деб билади.

Достонда тасвирланган гўзал қиз билан Машраб ўртасидаги ишқ ҳикоятлари тўқима бўлиб, шоирнинг душманлари томонидан ўюштирилған фитна сифатида талқин этилған. Тұлан Низом қиз ва Машраб муносабатларига аниқлик киритиш мақсадида асарга Шаҳоб образини олиб киради. У Машрабга нисбат берилган қизнинг ошиғи, лекин қиз уни хуш кўрмайди. Машраб эришаётган шону-шуҳрат Шаҳобнинг ғазабини келтиради, ундан қасос олиш, шоирни бадном этиш йўлларини излайди. Ва ниҳоят, у ўзининг қабих режасини иккى ҳамроҳи кўмагида амалга оширади. Орадан маълум фурсат ўтгач, бу воқеадан Пир хабар топади:

Офоқхўжа англаб бу сирни:

*– Ким бажарди қаро тадбирни? –
Дебон бўлди жуда дарғазаб,
Вужудини куйдириб асаб:
– Машраб ёвин келтиринг, деди.
Зўр шоирга ғаним ким эди?*

Ғижжак

Ғижжак сози Ўрта, Яқин Шарқ ва Марказий Осиё ҳамда Кавказ халқлари орасида кенг тарқалғанлиги билан мълумдир. Тарихий манбаларда бу чолғу ҳар бир замоннинг сирли кечинмаларини тараннум этувчи соз сифатида мусиқий рисолаларда баён этилган. Хусусан, Султон Маҳмуд Ғазнавий (988-1030) замонидаги ғижжак сози илк бор ихтиро этилган деган таҳминлар мавжуд бўлиб, яратилиш жараённида буюк файласуфлар Носир Ҳусрав, Абу Наср Форобий ва Абу Али ибн Синонинг маълум даражада ҳиссаси борлиги қайд этилғанлигини гувоҳи бўламиз. Ғижжакнинг дастлабки тузилишида икки сим тортилган бўлиб, манбаларда зикр этилган ривоятларга кўра, ўтмишнинг забардаст созандаси Қулмуҳаммад Удий томонидан такомиллаштирилган. Хусусан, сога учинчи йўғон сим тортилиши билан унинг овоз диапазони анча кенгайган ва ижро имкониятлари янада ошган. Даврлар ўтиши билан замон ўзининг моҳир созандаларини тарбиялаб етказади, улар ҳақида турли ривоятлар битилади, сеҳрли ижролари диллардан-тилларда достон бўлади. Ана шунга бир мисол: Устоз Саид Аҳмад Ғижжакийга (XIV-XV) Восифий ўз асрларида қуидагича таъриф беради: «...Созандалар пешвоси Саид Аҳмад Ғижжакий-Идикӣ фалак шарқ қўёшининг заррин жомини унинг ғижжак тоси (косаси) учун муносиб кўради. Жаннат ҳурлари ғижжак камонининг тори учун ўз анбарин соч толаларини кестирадилар....».

Маълумки, чолғу созлар замонлар ўтиши билан мукаммаллашиб боради. Айримлари ўз ҳолиҳа сақланиб мослашиб борса, айримлари истеъмолдан чиқиб кетади. Ғижжак сози эса, даврлар синовидан ўтиб бизнинг кунимизгача ўзининг ижро хусусиятларини янада ёрқинроқ намойиш қила оладиган нафосатли соз сифатида ривожланиб келмоқда. Бунинг асосий сабабларидан бири ғижжак товушининг инсон кўнгил торларига яқинлиги, мунгининг эса инсон руҳияти билан ошнолиги десак муболага бўлмас. Шу ўринда тарихда бу соз ўз ижро маҳорати билан машҳур бўлган созандаларнинг ижодлари ва номларининг умброқий бўлишида ҳам мухим аҳамият касб этганини таъкидлаш лозим. XX асрга келиб Тўхтасин Жалилов, Мамадазиз Ниёзов, Комилжон Жабборов, Набижон Ҳасанов, Фанижон Тошматов, Оллоназар Ҳасанов, Гуломжон Ҳожиқулов, Юнусқори Юсупов, ҳозирда Қаҳрамон Комилов, Ўлмас Расулов, Абдулоҳим Исмоилов каби оташқалб камон усталарининг ғижжак сози ижроилигида ўз услубларига эга бўлиб ҳалқимиз қалбидан жой олганининг гувоҳимиз. Шу билан бирга уларнинг ушбу чолғу ижроилиги ривожига қўшган ҳиссаси бекиёсdir.

Қайси бир сознинг ижроилик амалиётида ижро йўллари, ижро услубларининг хилма-хил намуналари шаклланар экан, бу мазкур соҳанинг бой имкониятларга эга эканлигидан далолатдир.

Ўткир ҚОДИРОВ

Юқоридаги сатрлардан аён бўладики, Машрабнинг риндана кайфиятларидан ранжиган Пир қалбидаги унга нисбатан адоват пайдо бўлмайди, билъакс, у Машрабни шахс ва шоир сифатида хурмат қиласди. Зоро, уларнинг ҳар иккаласи ҳам Рух кишиларидир. Шу маънода фозил кишиларнинг осонликча асоссиз фитналар натижасида ўзаро душманга айланиши ҳақиқатдан йироқ. Шунинг учун ҳам Пир билан муриднинг бир-бирига бўлган хурмату эътиқоди баланд бўлган, деган фикрни бадиий далиллаш орқали муаллиф ўз олдига қўйган мақсадни бажариб, мутасаввуф шоир образини гавдалантиради.

Ҳаққа етишмоқнинг йўлларидан бири ўзи мансуб бўлган тариқат намояндлари руҳини шод этиш, деб билган Машраб сафарга отланади. Яссавий, Имом Бухорий, Нақшбанд каби уламоларни, Навоий, Жомий, Бобур каби устоzlар мозорини зиёрат қиласди.

Айтиш мумкинки, Машраб номи билан боғлиқ турли хил эртак, латифа, ривоятлар мавжуд бўлиб, уларнинг айримлари ҳақиқатга яқин келса, айримлари ҳақиқатдан йироқ. Тўлан Низом эл орасида «девонаи Машраб» сифати билан машҳур бўлган дарвеш табиатли шоир образини яратишида ёзма манбаларга ҳам суняди. Натижада, аввал яратилган Машраб образидан руҳан фарқ қиласидиган мутасаввуф шоир образини гавдалантиради. Ўзбекистон халқ шоирини Тўлан Низом яратган Машраб янгича талқиндаги тарихий шахс – асл Машрабга яқин образ сифатида ўзбек достончилигининг ютуқларидан бири бўлиб қолади.

**Зуҳра ОХУНОВА,
Андижон давлат
университети
магистранти**

Нажмиддин КОМИЛОВ,
филология фанлари доктори, профессор

Anbaraflatshon aylagach...

Хусни ортар юзда зулфин анбарафшон айлагач,
Шамъ равшанроқ бўлур торин паришон айлагач.

Юзни гуллардин безабму бизни қурбон айладинг?
Ё юзингга тегди қонлар бизни қурбон айлагач?

Тийғ ила пайконларинг етти кўнгул бўлғоч хароб,
Сув қуюб, тухм экдинг, ул кишварни вайрон айлагач.

Қон эмаским ёпти гулгун хулла жаннат хозини,
Ишқ мақбули шаҳид айларди урён айлагач?

Ошкор айлаб юзин кўзумни ҳайрон айлади,
Ёшурун олди кўнгул кўзумни ҳайрон айлагач.

Жонда кўйғоч нақди ишқин қилди кўнглумни ҳалок,
Ўлтуур маҳрамни султон ганж пинҳон айлагач.

Эй Навоий, ишқ агар кўнглунгни мажруҳ этмади,
Бас недурким қон келур оғзингдан афғон айлагач.

Байтларнинг насрый баёни

1. Юзида анбардай хушбўй сочини ёйганда (машуқанинг) ҳусни яна ҳам ортади, у гўзалроқ бўлиб кўринади, зеро шамчироқнинг ипини кесиб, тозалаб ёйсалар, у яна ҳам равшанроқ ёнади.
2. (Эй ёр), юзингни гуллар билан безаб, бизни қурбон айладингми ёки бизни қурбон қиласётганингда қонимиз юзингга сачрадими?
3. Кўнглим харобу бехол бўлгандা тийғинг ва кипригининг келиб етди. Гўёки кўнгил мамлакатини вайрон этгач, сув қуйиб янгидан уруғ эккандайсан.
4. Бу қон эмас, балки жаннат ҳазиначиси ишқ йўлида қатл бўлган шаҳидни яланғочлаб, ёпган гул рангли либосидир.
5. Яширин равища кўнглим кўзини ҳайрон этгач (Ёр) юзини очиб, кўзимни ҳайрон қилди.(Ёки: юзини очиб кўзимни ҳайрон этгач, яширин равища кўнглимни забт этди).
6. Ишқнинг нақди – баҳосини жонимга қўйгач, у кўнглимни ҳалок айлади, зотан, агар султоннинг ишонган одами хиёнат қилиб, ҳазинани яшиrsa (ўзлаштиrsa), султон албатта уни ўлдиради.
7. Эй Навоий, агар ишқ кўнглингни мажруҳ этмаган бўлса, унда нега оху нола, афғон чекканингда оғзингдан қон келади?

Фазалнинг умумий мазмун-маъноси

Фазал мақтаъида Ёр ҳусни таърифи, зулфини ёйганда яна ҳам чиройлироқ бўлиб кўриниши шамъ угини силкитиб тозалаганда равшанроқ шуълаланишига ўхшатилган. Бунда юз, зулф, анбар, шамъ тимсоллари воситасида гўзал юзинг жилоси, порлаши тасвирланган.

Айни шу юз очилиши, порлаб нур тарагиши кейинги байтларда давом эттирилган ва бунинг ошиқ қалбига таъсири муносиб бадиий образлар қиёси орқали хушоҳанг бир тарзда гавдалантирилган. Чунончи, қизил гул ва қон, камон ўқининг учи ва сув, қон ва гулранг либос, ишқ ва ганж ташбеҳларининг мутаносиб рангларидан устакорона фойдаланган. Натижада моҳир рассомнинг ранг тасвиридай мазмунан ҳазин бўлса-да, чуқур орифона маъноси билан кишини жалб этувчи лавҳа ҳосил бўлган. Умуман, ранглар, ташбеҳлар қиёсидан санъаткорона фойдаланиш Навоийнинг севган усулларидан. Ушбу ғазалда эса Ёр жамолининг порлаб кўриниши ва ошиқ кўнглиниң бундан изтироби, садоқати тасвирланган. Ошиқ ишқ йўлида қурбон бўлса ҳам мақсадидан қайтмайди, ахир ишқ йўлида шаҳид бўлганлар Аллоҳнинг марҳаматига ноил бўлиб, жаннатнинг гулгун либосини киядилар. Бу байтда ажойиб бир ишора бор: Ҳақ йўлида шаҳид бўлганлар, дейилади ислом манбаларида, кафан қилинмасдан ўз кийимлари билан кўмилиши лозим. Аммо нариги дунёда уларга жаннат гулидан тикилган ҳулла – гулгун ҳарир либос ҳадя этилади. Демак, Навоий наздида чин ошиқнинг мартабаси ниҳоятда улуг.

Ушбу ғазал байтларida орифона маънолар ҳам бор. Аммо биз бунга бу ерда тўхтамадик, чунки Навоийнинг поэтик дунёси, бадиий хаёлоти бу ғазалда кўпроқ дунёвийдир.

Луғат

1. Анбарафшон – анбар сочувчи, хушбўй ҳид таратувчи (анбар – балиқ меъдасидан олинадиган юмшоқ мумга ўхшаш хушбўй модда).
2. Кишвар – мамлакат, юрт.
3. Ҳулла – янги ҳарир либос.
4. Хазин – хазина эгаси, хазинабон.
5. Мақтул – қатл этилган, ўлдирилган.
6. Шаҳид – қурбон бўлган, ўлган.
7. Урён – яланғоч.
8. Ошкор – намоён этиш, кўрсатиш.
9. Нақди ишқ – ишқ, ишқ ҳақиқати, ҳақиқий ишқ.
10. Ганж – хазина, бойлик.
11. Афғон – дод-фарёд, фифон

«Маънолар оламига сафар»
китобидан



Шаҳодат УМАРОВА

ҚИШЛОҒИМ

Тўрт тарафи дарахтзор, гулзор,
Ифорига қиласан хумор,
Булбулларни куйлатган баҳор,
Хонободим – жаннат диёrim!

Кўркли эрур ҳар бир томони,
Сулув қизи, қоши камони,
Яхшиси кўп, йўқдир ёмони,
Хонободим – кўнглимга ёрим!

Илк бор кўрган баҳорим сенда,
Шабнам ўпган наҳорим сенда,
Ажиб туйғу ниш урган танда,
Хонободим – сенсан қалб торим!

Болалигим ўтган кўчалар,
Эртакларга чўмган кечалар,
Дилда меҳрим сенга қанчалар,
Хонободим – санъатим, борим!

Тонгда таъзим қилса мажнунтол,
Бир он боқиб сурман ҳаёл,
Бахтим кўрай сенда безавол,
Хонободим – умр баҳорим!

Дуо қилар ёши улуғинг,
Қўша қарип баҳти тўлиғинг,
Ҳар инсонинг, меҳри илиғинг,
Хонободим – номус-у орим!

Соғинаман лаҳза кўрмасам,
Кечир, бир он ҳолинг сўрмасам,
Қизим дема, оҳлар урмасам,
Хонободим – ширин дийдорим!

Олам кўрсин нурли юзингни,
Ҳар бир сатри сенга қизингни,
Оллоҳ асрар сенинг ўзингни,
Хонободим – ўтли ашъорим!

Бувайдада тумани



Зикир МУҲАММАДЖОНОВ,
Ўзбекистон Қаҳрамони

MUSTAQILLIK QADRI

Ўзбекистон Қаҳрамони, ҳалқ артисти, марҳум Зикир Муҳаммаджонов кинодаги, театрдаги, телевидениедаги кўплаб роллари орқали мамлакатимизнинг ҳар бир хонадонига кириб борган. Актёр кундаликларида ўзининг умр йўли, устозларга эҳтироми ҳақида кўп-кўп ёзган. Актёрнинг фарзанди Омонулла Муҳаммаджонов таҳририятга улуғ актёрнинг кундаликларидан бир неча саҳифасини журналхонлар учун олиб келди. Қуийда шу битиклардан парчалар ҳавола эта-миз.

Улуғ ёшга етиб, узоқ умрим давомида турли воқеа ва ҳодисаларни бошдан кечирдим. Яхши-ёмон, қувончу ташвишли кунларга дуч келдим, жудолик ва мусибатларга учрадим...

Маълумки, адабиёт ва санъат аҳли хизмат тақозоси билан ҳалқ орасида, катта-кичик давраларда бўлиб туради. Етмиш йилдан бери каминанинг ҳам умри шундай тарзда кечмоқда. Маълумки, ҳар миллатнинг қиёфасини белгиловчи бир неча омиллар бўлади, шуларга қараб унга баҳо берилади. Шулардан бири Миллий университет, иккинчиси Миллий театр, учинчиси Миллий консерваториядир. Театр санъати – ҳалқимизнинг энг севимли ва қадимги санъат турларидан бири, унинг ёши бир неча минг йилга бориб етади. Буни қадимшуносларимиз она тупроғимиз қаъридан излаб топаётган кўхна ашёлар ҳам тасдиқлаб турибди. Театр шундай санъатки, унда барча санъат турлари ўзаро туташади. Шунинг учун ҳам XX аср бошларида Абдулла Авлоний, Мунаввар қори Абдурашидхонов, Маҳмудхўжа Бехбудий, Абдурауф Фитрат каби миллатпарвар ва ватанпарвар зиёлиларимиз миллий театrimизни замон талабларига муносиб тарзда қайта тикилаш ҳамда равнақ топтиришда алоҳида хизмат кўрсатдилар. Уларнинг қутлуғ ишларини санъатимизнинг буюк намояндалари Маннон Уйғур, Аброр Ҳидоятов, Обид Жалилов, Етим Бобоҷонов, Музаффар Муҳамедов, Муҳиддинқори Ёқубов, Миршоҳид Мироқилов, Шукур Бурҳонов, Олим Хўжаев, Ҳожисиддик Исломов, Сора Эшонтураева, Замира Ҳидоятова, Тошхон Султонова сингари сафдошлари ва шогирдлари давом эттиридилар. Замонавий ўзбек драматургияси миллий театrimиз бағрида такомиллашди ва равнақ топди десак, хато бўлмайди.





Шуни ҳам алоҳида таъкидлаш керакки, улуғ аждодларимизнинг нурли сиймолари ҳамиша театромиз тўридан жой олиб келган ва келмоқда. Беруний, Ибн Сино, Фарғоний, Мангуберди, Амир Темур, Улуғбек, Навоий, Бобур каби буюк боболаримизнинг бадиий образлари театримиз саҳнасида бўй кўрсатди. Бу спектакллар миллатимизнинг ўзлигини англашида катта аҳамият касб этади. Театромиз жаҳон драматургиясининг шоҳ асарларини ҳалқимизга илк бор танитишда ҳам етакчилик қилиб келмоқда.

Бугун Ўзбек Миллий академик драма театрининг биноси гўзал пойтахтимиз ҳуснига ҳусн қўшиб турибди. Бундай санъат кошонасида ишлаш биз ижодкорларга қанчалар завқ-шавқ ва илҳом бағишлиши баробарида томошабинлар учун ҳам катта қулайликлар яратмоқда.

Мен шу санъатим туфайли дунё кездим. Баъзан касбдошларим, «жаҳонгашта актёр» деб ҳазиллашиб ҳам қўядилар. Тўғри, дунёнинг жуда кўп мамлакатларида бўлдим. Аммо ҳеч бирини ўз Ватанимга ўхшатмадим. Қаерда бўлмай, дарҳол ўз Ватанини, ёру дўстларимни кўмсаб қоламан. Ким нима деса деяверсин, мен учун Ватанимдек азиз ер йўқ. Шундай ҳалқимга, муқаддас тупроғимга тиз чўкиб, таъзим қилгим келади. У ўз табиати, ўз одамлари билан дунёда ажralиб туради. Ҳиндистонда бўлганимда, қор кўрмаган одамлар борлигини билдим. Сибирда ёз фаслида қуёш жамолини булат орасидан кўрсатиб қолар экан, нуридан баҳра олай деб юргурганларни кўрдим. Биздаги тўрут фаслнинг бари ўлчовли, бир-биридан гўзал. Ширин-шарбат мева-лари ҳеч қаерда йўқ, чамамда. Мен биринчи бор чет элга сафар қилганимда бир ошнам мен йўл олган шаҳарда қондоши борлигини айтди. Ва кичик тугун элтиб беришимни сўради. Ул вақтларда муҳожирлар билан учрашиш тақиқланганлигини билсан-да, кўзим қиймаганидан элтиб берганман. Аммо ошнамнинг жигари совғани очиб кўргач, бир чеккага суриб қўйди. Бунга ҳайрон бўлиб, сўраганимда: «Укам бир сиқим киндик қоним тўкилган тупроқдан бериб юборганда, бу совғадан қимматлироқ бўлар эди», – деди. Бир катта маъракада узоқ мамлакатдан келган ватандошимизнинг йиглаб юборганини кўрдим. Кейин билсан, у киши дунёнинг бир чеккаси бўлган Австралияда истиқомат қилар экан. Тақдирни қаранки, бизнинг юртимизда туғилиб, Хитойга борган, у ердан эса қочиб дунёнинг бир чеккасига бориб қолган экан. Айтишича, унинг жуда катта бойлиги бор, аммо дил ёзадиган ошналари йўқ экан. Чет элларда бўлар эканман, юртдошлар бизни кўрганда бағрига босиб, кўз ёши тўкишларини шундан деб биламан.

Шундай замонлар бўлганки, тарихга тўғри ёндашишга ҳам журъат қилолмас эдик. Машҳур ёзувчимиз Ойбекнинг «Навоий» романидаги Ҳусайн Бойқаро ролида буюк шоиримиз «Хамса»ни тугаттагач, шоҳга тақдим қиларкан, унинг оёғи остига қиличини ташлаб, шоир этагини ўпганим учун қанча тортишув бўлган эди. Ваҳоланки, Ҳусайн Бойқаро шоҳ бўлишига қарамай, Навоийга тан берган, уни «пирим»

деб атаб, зафар кунлари минадиган олтин эгарлик отга қўлтиғидан олиб миндирган. Биз яқинда «Алишер Навоий» пьесасини қайта саҳналаштиридик. Бу галги талқинида Навоий билан Ҳусайн Бойқаро ўртасидаги дўстликни кучайтиришга эришган бўлдик. Мен буюк шоир Алишер Навоийни ижро этишини кўп йиллар орзу қилиб юрганман. Аммо устоз Олим Хўжаев ҳалқ Навоийси бўлиб танилиб кетганидан, ҳурмати юзасидан мулоҳаза қилар эдим. Актёр ҳам инсон бўлганидан бора-бора пишган, фикри етилгани билан маҳоратни ишлата билишдаги жисмоний қудрати камая борар экан. Мен Навоий ролини ижро этар эканман, гарчи спектакль бошида ва охирида чиқсан ҳам шундай чарчайманки, ҳатто уйга етиб боришимга қувватим қолмагандек бўлади. Энди ўйлаб кўрсам, ўша вақтларда орзу қилган ролларимни ижро этишга ҳаракат қилсан бўлар экан.

Санъатимизда ўсиб келаётган ёшларга ҳавасим келади. Чунки улар ижро этадиган ажойиб образлар кўпайиб бормоқда. Энг муҳими, театр саҳнаси тўрига ҳалқимизнинг буюк сиймолари чиқмоқда. Биз тенги авлодлар Амир Темур саҳнага чиқади деб сира ҳам ўйламаган эдик. Энди ўйлаб кўрсак, бизда шунчалик буюклар кўпки, санаб улгурмайсан. Чет элларда биз билмаган буюкларимиз ҳақида сўрашганда уялиб қолган пайтларимиз ҳам бўлган. Шукурлар бўлсинки, мен ҳалқимизнинг Навоий, Беруний, Улуғбек, Ҳусайн Бойқаро, Фурқат каби улуғ сиймолари образларини саҳнада ижро этиб, санъатимиз хазинасига ҳиссамни кўша олдим. Кинода ҳам эллика яқин фильмларда образ яратганман. «Ўзбекфильм», «Тожикфильм», «Мосфильм» ва Украина киностудияларида ҳам суратга тушганман. Истиқлолимиз шарофати тўғрисида нима дейиш мумкин? Унинг қадрини эрксизлик жабрини озми-кўпми тортгандар билади... Эри, болаларидан айрилиб ҳазон бўлган Маъсума Қориевани ўиласам, мустақиллик қўксимдан дард каби сизиб чиқади...

Бугун катта йўлни босиб ўтиб, ортга қарап эканмиз, бу йўлда ёруғ юлдуз каби абадиятга нур сочиб турган Маннон Уйғур, Етим Бобоҷонов, Аброр Ҳидоятов, Шукур Бурҳонов, Обид Жалилов, Маъсума Қориева каби қадрдан устозларни кўрамиз, уларга талпинамиз. Киши улкан чўққиларга интилади. Чўққига чиқиб олгандан сўнг ортда қолган довонларга синчиклаб қарайди. Чўққига чиқсан Қуёш ҳам она ерга таъзим қилади. Мен ҳам санъаткор бўлганимдан фаҳрланиб, яна қайта дунёга келгудай бўлсанм, яна бир бор ҳалқимга хизмат қилиб, умр ўтказардим дейман. Ахир хизмат қилиш даври келди-ку! Шундай элга, шундай юртга, шундай буюкларга таъзим қилмай бўладими!



Ko'ngil ildizidagi nur...

Мени баъзан беадоқ хаёллар домига тортади. Айниқса, ёлғизлиқда бус-бутун хаёлга айланаман. Кўпинча инсон қандай жавҳардан яралганилиги, ҳаётнинг мазмун-моҳияти ёхуд ўзликни англашда восита бўлган илк шеърни ким ёзганлиги хусусида ўйлайман. Ва ўйларимнинг олис йўлларида адашмаслик учун кўнглимга хуш ёқадиган шеърий китобларни топиб ўқийман. Мана ҳозир ҳам истеъододли шоир Сирожиддин Рауфнинг китобларини варактаб ўтирибман. Шоирнинг баъзи шеърлари юрагимда ўчиб қолган чўғни қайта аланглатади.

**Минг битта ҳавотир жонимни чўқиб,
Кўнглимнинг бисоти – эзгу дардимни
Ахийри мен сенга инондим, гўзал.**

**Бир ўтинч кўйдирар энди дилимни:
«Сен мени ўзингдан ортиқроқ севма,
Ўзимдан ортиқроқ мени тушунгн!»**

Сирожиддин Рауф таниш фалсафа ичидаги янги фалсафага йўл очади. Яъни инсонни тушуниш, англаш, ҳар қандай қайноқ муҳаббатдан баланд туради, деган эътироф билан дилга яқинлашади. Тушуниш инсонни инсонга яқинлаширади, бир-бирига дўст қиласди. Чинакам дўст ҳар қандай шароитда ҳам кўнгилга юпанч, дилга маҳбуб бўлади. Муҳаббат эса жуда ширин туйғу. У шу қадар ширинки, кези келганда, баъзан меъдага тегади ҳам. Шунда беихтиёр... нордонроқ ниманидир тусаб қолади кўнгил.

Шоирнинг шеърларидаги равонлик замирида ниҳоятда чуқур, ўкувчини хушёр торттирадиган маънолар яширинки, ўкувчи таниш равонликка маҳлиё бўлиб гоҳида уларни сезмай қолади. Шу боис бундай шеърлар алоҳида тайёргарликни талаб қиласди. Хусусан, Сирожиддин Рауфнинг «Таржимаи ҳол» номли шеърини қайта-қайта ўқиб, ҳар гал ундан янгича маънолар топавердим. Ўша шеър: «Бу манзил-маконда мен-да бир дараҳт» деб бошланади. Ва мана шу «пойида турфа йўл, излар туташган» дараҳт – инсон қисматининг бор азоби, изтироби, қувончи, ширину бетаскин умид ва армонлари, беадоқ орзу-ниятлари мисралар қатида сокингина шовуллаб туради:

**...Саболар нафасин бўронлар тўсди,
Тинимсиз қувгандек фаслни фасл.
Кўклам оғушида мен секин ўсдим,
Қаҳратон қаҳридан синдим муттасил.**

**...Мен илкис сезаман танимда дардни,
Нафсим бироз қалтис ҳаволадими.
Шу билиб-билимасдан ортириган гардни
Шаррос ёмғирларим юволадими?**

Ҳа, шоирнинг шеърларидаги исмисиз дард – умид ва орзуга талпинишнинг ўзига хос йўлига ўхшаб кетади. Сирожиддиннинг кўнгли гўё осмонга банди қилинган қуш кўнглидай безовта. У лоқайд яшашдан нафратландади. Ҳаётнинг бағридаги ҳаётни излаб топгиси келади. Энг муҳими тирикликнинг баҳайбат армонларию азобларини ҳақиқат нурида ловуллаб турган кўнгил билан қарши олишдан суурланади:

**Кулранг осмон, ваҳки шу замон,
Юлдузларни туманга қорган.
Мен-чи бу дам недир ёзаман –
Қадам билан тўнглаган қорга...**

Барча асл шоирларнинг юрагидаги исён қайсири маънода бир-бирига ўхшаса-да, лекин уларнинг талқини аспо бир-бирини тақрорламайди. Бу жараён Сирожиддин Рауфда жуда дилбар, янги ифодалар билан ўзига хосдир:

**... Отини эгарлаб чиқса-да булут,
Осмон чехрасини ҳали бузмаган.
Титрар бармоқларим – қўрқоқ балиқлар
Сочинг денгизида қониб сузмаган.**

Бу шеърда ошиқлик ҳолатидаги юрак исёни ниҳоятда латиф жаранглайди. «Титрар бармоқларим – қўрқоқ балиқлар, Сочинг денгизида қониб сузмаган» ибораси ўкувчи кўнглида ишқ ғулгуласини жўширади. Нақадар тиниқ ва дилни яйратадиган ташбеҳ.

Шоирнинг қоғиясиз, аммо оҳангли бир кичик шеърининг зарбига боқинг:

**Қуршовдаги
Довюрак жангчи
Ўқдонида қолган
Энг сўнгги ўқдек
Менинг ҳаётимга кераксан,
Севги!**

Бу шеърда катта бир достоннинг юки бор. Севги бу фақатгина ошиқ-маъшуқлар ўртасидаги мониёна туйғу эмас, балки кенгроқ маъно касб этадиган тушунчадир. Бинобарин, жамики борлик, айтайлик, тушкун пайтда деразангиздан тушиб турган бир тола нур ҳам сизни

ҳаётни севишига чорлайди, яшашга умидлантиради. Шу маънода севги бу – умид, деган фалсафани шоир руҳимизга сингдиради.

Сирожиддин Рауф шеъриятига чуқурроқ кириб борганимиз сари унинг ўз айтар сўзи, жозибали туйгуси ва дилни жунбушга соглувчи маъно зарблари шунчалик кўпроқ завқлантиради.

Ҳали юқорида мени хаёллар ўз домига тортишини ёзib ўтдим, яъни биз қандай жавҳардан яралганимиз, деган хаёлнинг мудом таъқибини таъкидладим. Баъзан шундай ўйлар исканжасида «инсон балки майсалардан яралгандир», деган жавобга тўқнашаман. Шу ўринда Сирожиддин Рауфнинг атиги олти қаторли «Орзу» номли шеъри мени беҳад тўлқинлантириб юборди. Ва жумбоқ хаёлларимни равshan торттиреди:

**Ҳаёт ташвишларин иргитиб кўйиб,
Симиргум келади тўйиб ва тўйиб
Ёмғирдан кейинги тоза ҳавони.**

**Симиргум келади ютоқиб шошиб,
То унинг соғлиги ўпкамдан тошиб
Сўнгра вужудимга сингсин қон каби.**

Одамзод жуда пок, беғубор ҳолда дунёга келади. Ийллар ўтиб, инсон улғайиб бораркан, ҳаётнинг турфа кувончу ташвишларига елка тутганча, баъзан бойлик, амал васвасаси олдида ожиз қолади. Ана шу ожизлик уни тўғри йўлдан адаштиради. Яъни унинг қалб кўзгуси, тирикликка боқсан нигоҳи хиралашади. Инсоннинг аслияти туғилганидаги поклик, тозалик эмасми, у ботинан ўша аслията талпинади. Ана шу талпиниш завқини шоир орзу деб атайди. Жуда тиник, дилни энтиктитувчи руҳ бор бу шеърда.

Сирожиддин Рауфнинг севги мавзусидаги шеърларини ўқиб, аллақандай завқ туссан киши. Мұхаббат, ишқ туйгуси мукаррам қилган янги бир олам топгандек бўласан гўё. У фақат энг буюк айтимни ҳайқириб эмас, шивирлаб айтади. Ана шу сокин шивирлар руҳингга ишқ эпкинларини олиб киради:

**Ҳали тонг отмади ўқ бирор марта,
Аммо минглаб туннинг сочи оқарди.
Бугун кечак учун эртадир, эртади!
Умидвор ишқ шивирлаб бақирди.**

Сирожиддин Рауфнинг «Уч томчи» рукнидаги шеърлари ҳам ниҳоятда ўзига хосдир. Яъни ҳар бир мўъжаз шеърда тўлғоқли кўнгилнинг ҳислари инжаланади. Менга қолса, бу битикларни «Ҳаёт ҳикматлари» деб номалаган бўлардим. Ушбу жажжи шеърларда тириклик фалсафаси, таъбир жоиз бўлса, жиндак киноя, бошқачароқ айтсак, шууримизни ҳушёр тортирадиган мазмун ила очиб берилади:

**Фаол инсон – жамият гули
Гулдондан гулдонга
Кўчиб юради.**

Шоир оҳистагина айтган ёки битган бу шеърнинг ўткир тифи ҳар қандай жаҳолатни, сохталики парчалашга қодир. Ҳар куни юз кўришиб, салом-алик қиладиган,

танишларимиз орасида шахси номаълум одамлар кўп. Улар юз-кўзига ниқоб тортиб, ўзини фидойи, меҳрибон кўрсатгани билан асл мақсади авраб-алдаб бўлса-да, йўқ жойдан улуш топиш, ўзини кўз-кўз қилиб бирор амални эгаллашдан иборат. Бундай кишилар ҳамиша «фаоллик туғи» остида умргузаронлик қиласди.

Сирожиддиннинг яна бир шеърида шоир қалби шундай тасвиранади:

**Шоир қалби – биллур идиш
Чертилса
Жаранглар.**


Жуда топиб айтилган. Мен шоир тасвирига қўшилган ҳолда шеър – бу кўнгил илдизидаги нур, деган бўлардим. Шоирнинг кўнгил илдизидан таралиб турган нур Ватан васфида ўзгача товланади. Ватанни сўймоқ иймонга даҳлдордир, деймиз. Бу жуда тўғри талқин. Ватан севгисини не-не буюк ижодкорлар насру назмда кўйламаган дейсиз. Одамзодни туғилган жойи, макони ҳамиша ўзига тортиб туради, худди қўёш меҳри ер куррасини ўзига тортиб тургандай. Сирожиддин Рауф ҳам Ватан, унинг озодлиги, она ҳалқи ҳақида ёзар экан, унинг самимий сатрлари қаъридаги жўшқин ишқ, беки ёс меҳрни беихтиёр илғайсиз.

**Ватан суратини чизмоқ оғирдир,
Аммо шу суратни чизмоқ истайман.
Унга мос рангларни тинмай излайман,
Қайда бўёқ бўлса, кўраман бир-бир...**

**...Чизаман, фарзандман чизмай қўймайман,
Чизмай десам сўнгра қийнар армоним,
Балки бўёқ бўлар юрагим қони!...**

Одатда яқин одамлар бир-бирининг ички дунёсини яхши биламан, деб ўйлайди. Худди шундай мен ҳам Сирожиддин Рауф ижодини яхши биламан деб, ўйлардим. Гарчи шоирнинг «Йиғлаётган ой», «Кўк гумбаз», «Сиз менга кераксиз», «Ташриф» каби бир қатор шеърий тўпламлари, қанчадан-қанча долзарб мавзулардаги публицистик мақолалари чоп этилиб, ҳалқнинг тилига тушганидан хабарим бўлса-да, унинг ижодига чуқурроқ назар ташламаган эканман. Кечикиб бўлса-да, унинг шеърияти билан яқиндан танишгач, рости гап, унга бўлган эҳтиромим, ихлосим янада ортди. Унинг камтарлиги, ҳалқпарварлиги ёрдамга муҳтоҷ инсонларга ҳамиша қўлидан келганча кўмаклашишининг кўп бора гувоҳи бўлғанман. Бугун эса уни ўз овозига эга, ўзига хос шоир сифатида қайта кашф этдим. Сирожиддин кўнглининг илдизидаги нур бугун янада порлайдиган, яъни у айни қайноқ ижод палласида. Ҳали у юракларни ларзага соладиган, ҳайратга тўлдирадиган янги шеърлар, достонлар ёзади, деган умиддаман.

Абдуғани СУЛАЙМОН



ёрдамга муҳтож қалб? Балки бу тасаввуримдадир? Эҳтимол, менга шундай туялар?

Бу хонада ўн-ўн икки ёшлардаги, баъзида улардан ҳам кичикроқ ғалати юзли икки-уч бола яшар эди. Кечалари бемалол ухласин деб уларнинг кўл-оёқларини ечиб кўярдим. Ингичка ва қийшиқ кўл-оёқларига тикилиб ўтиарканман, уларнинг пешонасига ёзилган тақдирми ёки ота-оналарими — ўша сабабга лаънатлар ўқир эдим. Улар кунларини, эҳтимол, ийл бўйи вақтни ўз қафаслари — кичкина хонада ўтириб ёки ухлаб ўтказар эдилар. Таналари ҳаракатдан тўхтамас, тушунарсиз сўзларни мингирилашарди. Бир бўлак гўшт каби болалар ейиш ва ичишнигина биларди, холос. Улардан бири сизга кўзла-

эди. Ҳозир ҳам болалар хонасида уларнинг тўрт нафари вақт ўтказмоқда эди.

Ўз ётотимга қайтдим. Китобларимни очдим ва ухлашдан олдин бироз вақтимни мутолаага сарфладим. Аммо бу кеча эсфанд (форс шамсий йилининг 12-ойи, 20 февраль – 20 март)нинг сўнгги оқшомларидан бири эди. Ўша кечада тўсатдан баҳор келди. Новдаларнинг бўртиқ куртаклари кўз очди, кумуш ой ҳамма жойни кийинтириди. Мана шундай кечаларда ёнингда бир аёл бўлса, дараҳтлар орасида юрсанг, оёғинг остидаги заминни ҳис қилсанг ва шеър ўқисанг. Бундай тунда ухлашдан бошқа ҳар қандай ишни қилгинг келади.

Китобни ёпдим. Стаканга чой куйдим ва эски граммофонни созладим. Европадан янги симфония олиб келишганди, номи ёдимда йўқ, биринчи пардаларданоқ унга маҳлиё бўлдим. Овозини баландлатдим. Бу борлик ва йўқликнинг чегарасидан, коинотнинг номаълум чуқурликларидан тараалаётган куй эди.

Ҳайратда қолган эдим. Қўлимдаги чойга ҳатто тегмадим ҳам. Ҳеч қаҷон бу қадар таъсирли ва гўзал куйни тингламаган эдим. Ўша вақтда орқада шовқин эшитилди ва бошимни кўтардим. Ярим тундаги кутилмаган овоздан кўрқиб кетдим. Ўрнимдан сакраб туриб, эшикка ўгирилдим. Ва ақл бовар қилмас маназарани кўрдим: бир неча заиф бола йирик бошларини граммофон томонга бурганча эшик кесакисида ўтиради.

На менга ва на бошқа нарсага эътибор қилардилар. Куй таъсирни уларнинг юзида акс этар, ҳатто бирининг йиглаётганига гувоҳ бўлдим. Унинг юзига кўзларидан ёш қўйиларди. Идрокнинг бундай учкунни уларнинг қалбини мусиқадаги номаълум туйғу билан боғланган эди; сизу мендек, эҳтимол, биздан-да юксакроқ инсонга айланышганди. Бироздан сўнг юзимнинг нам эканлигини сездим. Барчамиз ийғлардик.

**Форс тилидан
Башорат ОТАЖОНОВА
таржимаси.**

Tung'i navbatchilik

Соат тунги ўн иккidan ўтди. Фаррош зиналарни ювиб бўлганидан сўнг узоқ кутилган тинчликка эришдим. У қисқа-қисқа, лекин давомли йўталиб, йўлак чирогини ў chirди-да, ўзининг кичик хонасига кетди. Шу пайт юқори қаватда девор соат занг урди, кейин дарахт шохлари орасидан майнин шабада эсади. Ниҳоят, сукунат чўқди. Китобларимни очдим, тошкўмирли печка устидаги чойнакнинг паст овозда хуштаги эшитиларди.

Ўша пайтларда тибиёт мактабининг талабаси эдим. Ҳар кеча болалар уйига навбатчиликка чақиришарди. У ерда ҳам врачлик, ҳам тунги назоратчиликни уddyлашшим керак эди. Соат бонгидан сўнг ўрнимдан туриб, биринчи ва иккинчи хоналарга бosh суқдим — болалар ухлаб ётишарди: баъзан қайсиdir бири алаҳисирав, тушунарсиз сўзларни гапиради. Мен йўлакнинг охирига кетдим. Бу ақлий ривожланишдан орқада қолган болалар хонаси эди. Хона чоғроқ, киришингиз билан димогингизга нохуш ҳид урилади. Узоқ йиллардан бери касалларни текширавериб, бу ҳид бурнимга шу қадар ўрнашиб қолгандики, ҳалигача чидай олмайман. У илвираган тана ҳидими ёки

рини тиккан айрим лаҳзаларда ўз дунёларининг дарчаларидан бошчиқарип, бир бўлак нон ёки қанд сўрайди, олиб келганингизда эса аллақачон ўз иши билан банд, эътибор ҳам бермасди — гўё дарча очилмагандек.

Баъзан улардан бири ўларди. Тана ҳаракатлари ҳуружлари тўхтаб, тинчиб қоларди. Ҳамширалар хабар келтирадилар: «Жаноб, доктор! Учинчи беморнинг аҳволи оғирлашди». Шошилардим. У бўйини эгган ҳолда чайқалишдан тўхтар, деворга термулганча тураверарди. Унинг туманли кўзлари юқорига қаради ва овқатланишни бас қиласди. Бир неча кун ўтгач кўзлари хира тортарди. Овқатлантириш учун кўрилган саъй-ҳаракатлар самарасиз эди. Бу бирдан кетишга қарор қабул қилган каби эди. Рад этиб бўлмайдиган ҳукм қаршисида инсон билими ва тажрибаси ҳеч қандай таъсирга эга эмас. Унинг каровати бошқа бир бола келмагунча бўш тураарди. Ишимнинг дастлабки кунлари айрим болалар билан гаплашиб, кўзлари тубида озгина бўлса-да идрокнинг изини илғашга ҳаракат қиласдим. Айтишим лозимки, муқим мулоқот қилиш имконисиз

«Guliston»ga maktub

Муҳтарам Президентимиз Шавкат Мирзиёевнинг «Китоб маҳсулотларини чоп этиш ва тарқатиш тизимини ривоҷлантириш ҳамда тарғибот қилиш бўйича комиссия тузиш тўғрисида»ги Фармойишининг ва ёшлар сиёсатига оид Қарорларнинг қабул қилиниши ўсиб келаётган ёш авлод манфаатлари, орзу-истакларини амалга ошириш борасидаги қатор исплоҳотларнинг такомиллашиб бораётгандигининг исботидир. Фармойишида ёшлар ўртасида китоб мутолааси ва маданиятини оширишга, адабиёт тўғараклари фаолиятини кучайтиришга алоҳида эътибор берилган. Бизнинг мактабимизда ҳам Ёшлар иттифоқининг ташабbusi билан мунтазам равишда янги китоблар тақдимотлари, китобхонлик кечалари, мушоиралар ўтказилади. Уларда она тили ва адабиёт фани ўқитувчиси Юлдуз Кўлдошева раҳбарлигидаги «Ёш қаламкаш» тўғарагининг аъзолари ҳамиша фаол иштирок этишади. Яқинда Конституциямиз қабул қилинганлигининг 25 йиллигига бағишилаб туман прокуратураси ва ички ишлар бўлими билан ҳамкорлиқда ўтказилган китобхонлик акциясида «Ватан ҳақида сўз» номинациясида ғолиб бўлган шеърлар ва бадиалардан намуналар юборяпмиз. Журналхонларга маъқул келади деган умиддамиз.

Севинч МАЖИДОВА,
Самарқанд вилояти, Каттақўргон туманидаги
17-умумтаълим мактаби Ёшлар иттифоқи етакчisi

ВАТАН

Сен – саждагоҳ,
Сен – отамсан, сен – онамсан.
Қадим тупроқ,
Энг муқаддас кошонамсан.
Олий мақсад –
Ҳар гардингни кўзга сурсам.
Сенга фахр келтиргувчи
Фарзанд бўлсан.

Феруза ОЧИЛОВА,
7-синф ўқувчisi.

ИСЛОМ БОБО

Истиқполнинг меъморисиз, Ислом бобо,
Сиз ҳалқимнинг шарафисиз, ифтихори.
Байроғини ҳилпиратган олам аро,
Мустақил ва эркин юртнинг бунёдкори.
Сўзларингиз бизлар учун буюк китоб,
Йўлчи юлдуз, самоларда порлаб турар.
Сиз бошлаган улуғ ишлар мисли офтоб,
Бизни мудом эзгулишка чорлаб турар.

Дилбар УБАЙДУЛЛАЕВА,
5-синф ўқувчisi.

ҚАСИДА

Саҳифаси нурга тўлик,
Қомусимиз – бахтимиздир.
Ҳар бир сўзи азиз, ўтлуғ,
Адолатли таҳтимиздир.
Куч – билимда, билим – кучда,
Тафакурда, адолатда.
Дўстим, бизнинг құдратимиз,
Она-юртга садоқатда.

Фотима САЙДАҲМАТОВА,
5-синф ўқувчisi.

ИЗОХ

Ватан сўзи волидамнинг алласидан,
Ажҳодларнинг ҳикматидан бошланади.
Тож деб билган она-юртнинг шарафини,
Авлодларнинг шуҳратидан бошланади,
Нондек улуғ ибратидан бошланади.

Сабина УМРЗОҚОВА,
5-синф ўқувчisi.

ҚАСИДА

Сенга фидо бўлсин бу жоним,
Ислом бобом суйган маконим,
Сенга мафтун бўлган ҳар оним,
Қадамлари қутлуғ, Ватаним,
Сенга қиласай куллук, Ватаним.
Кўз тегмасин шуҳрат, шонингга,
Ҳалоллиқда топган нонингга,
Жоним фидо, ёруғ тонгингга,
Келажаги буюк Ватаним,
Волидамдек суюк Ватаним.

Ўғилой ЭРГАШЕВА,
5-синф ўқувчisi.



Менинг қызил гулім

авр ойи ўрталари бўлса-да, тун хийла совуқ, осмондан рутубат, ёмғир ҳиди келарди. Очиқ дераза ёнида туриб, чироқлар жимир-жимири аро ороланаётган Бухорони томоша қилаётган Содикнинг кўнгли негадир ғаш, нафаси қисилиб, кўксининг чап томони жизилларди. У тунги шаҳар манзарасига тикилиб турган бўлса-да, кўз ўнгидаги барқ уриб очилган бир туп атиргул гавдаланаарди.

Ха, – чуқур «уф» тортди Содик, – табиат тарозисида посанги ўзгаргани ростга ўхшайди. Баҳорнинг иккинчи ойи тугаб боряпти-ю, ҳали атиргуллар очилмайди, ҳамон совуқ. Юрақдаги музларнинг эримагани шунданмасмикан?

Яна ўша алангадек товланган қизил атиргул нигоҳлари олдида қотиб қолди. Бу қишлоқдаги ҳовлиларида, ариқ бўйида ўсган, ёлғиз атиргул эди. Ҳовли тўзиб, иморатлар бузилиб кетган бўлса-да, ғарибина мунғайлан атиргул ҳар баҳорда гул очар, эгаларининг яхши кунларини кутарди. Бу – шафқатсиз вақтнинг шикастларига, ўткинчи дунё ситаларига қарши исён эди гўё.

Содик ҳар гал қадрдан қишлоғига йўли тушганда ҳароба ҳовли этағидаги атиргулдан хабар олар, ундан бир-икки дона узиб олиб, узоқ

вақт ҳидлаб юрар, димогига болалик нафаси урилар, беадад соғинч туйғуси юрак-бағрини ўртарди.

Эрта баҳорда Содик атиргулни кўчириб, шаҳардаги ҳовлисига олиб кетмоқчи бўлди. У кўлига белкурак олиб, энди ишга киришмоқчи ҳам эдики, қари тут тагидаги деворлари қийшайиб қолган ошхона томондан бир товуш эшитилгандек бўлди.

«Ҳой инсон, ўзинг-ку киндик қонинг томган ҳовлига шу гулчалик ҳам вафо қилолмадинг, нега энди табиатнинг бу мъжизасига азоб берасан? Қўй, унинг ҳар баҳорда гул очиши шу ҳовлида ўтганлар руҳини шод этгусидир!..»

Содик сесканиб кетди. Қўлидаги белкуракни иргитиб юборди, атрофга аланглади. Ҳеч ким кўринмади. Ким овоз берди экан? У танасига энди яшиллик югуриб, куртак отаётган атиргулга тикилганча анграйиб қолди. У ҳамон очиқ дераза ёнида тик турар, бўрондек кўзғалиб келаётган хотиралар, айқаш-уйқаш хаёллар, жиловсиз ҳислар уни ўз комига тортар, кўксидаги оғриқ тобора кучаяр эди.

– Менинг қизил гулим, танҳо гулим! Сен ёлғиз эсанг-да, мендан бахтироқ, тўкинроқсан. Сени кўргим келади, сенга интиламан, болалигимни эслатувчи атрингни қўмсайман ва дунёнинг нариги чеккасида бўлсан-да, ҳузурингга ошиқаман.

Менинг қизил гулим, ёлғиз гулим! Мана, мен ҳам сен каби

ёлғиз қолдим. Йўқ, мен жисман эмас, руҳан ёлғизман. Атрофимда одамлар, дўст-ёрлар жуда кўп. Лекин ҳеч ким қалбимдаги бўшлиқни тўлдиролмайди. Сен мендан баҳтироқсан. Боиси, сен ёлғиз эсангда, гулсан, гул! Ва сенга кимдир интилади, кўл узатди. Мен эса ҳатто чақиртикан ҳам эмасман. Менга талпинувчи, кўл узатгувчи бормикан бу дунёда? Билмадим. Бу йип баҳор кечикди. Менинг баҳорим эса аллақачон ўтиб кетди. Бугун кўнглим қишики боғ янглиг бўм-бўш, хувиллаган.

...Сўнгги учрашувимизда (йўқ, бу учрашув эмас, видолашув экан) ташқарида гупиллаб қор ёғар, хонада иккимиз эдик ва кўнглимда қувонч чечак очганди. У соchlаримни аста сийпалаб шундай деди: «Авваллари нукул соchlарингизни силаб, йиглагим келарди. Энди эса негадир йиғлаёлмаяпман...» У шу сўзларни айтар экан, кўзларига тикилдим. Ҳамма вақт чексиз садоқат, меҳр уфуриб турадиган кўзлар беларво, лоқайд боқар эдилар.

Ташқарида ҳамон қор гупиллаб ёғар, кўнглимдаги чечакларни эса аллақачон совуқ урган эди.

Менинг қизил гулим, ёлғиз гулим! Ҳар гал баҳорни кўнглимга сен олиб кирап эдинг, энди эса жуда кечикяпсан...»

Содик шуларни хаёлидан ўтказар экан, юрагидаги оғриқ кучайгандан-кучайди. У кўксини чангллаганича телефон гўшагини кўтариб, тез тиббий ёрдам рақамини терди. Ҳансираганча стулга чўқди. Оғриқ ҳамон қўйвормас, нафаси бўғзига тиқилиб, хонанинг томи, деворлари босиб тушмоқда эди гўё. Кулогига аллақандай ваҳимали товушлар эшитиларди. У энди хонада ёлғиз қололмаслигини сезиб, ҳовлига чиқишга қарор қилди, зиналардан секин-аста пайпасланиб туша бошлади.

Тун ярмидан оқкан бўлса-да, йўлак эшиги ёнидаги ўриндиқда қўшниси Ҳаким aka аллақайси кўшиқни минғирлаб хиргойи қилиб ўтиради. Содикни ёқавайрон, соchlари паришон бир аҳволда кўриб, капалаги учиб кетди.

– Иби, баҳайр, мулло Содикбой, сизга нима бўлди?

– Ҳеч нима, шу, юрагим сал безовта қиласпти, «Тез ёрдам» чақирдим, – деди Содик оғриқ зўридан инграниб. Ҳаким aka етмиш ёшлар чамаси, хуштабиат, ҳожатбарор қиши эди. Чакқон ҳаракат билан ўринидан туриб, Содикнинг елкасидан суюб ўринидикка ўтиргизди.

– Ҳай, ҳай, ҳеч нима эмиш, рангингизда ранг қолмабди-ку. Валидол-палидолингиз йўқмиди? – жонкуярлик билан сўради у. Содик бош чайқади.

– Эҳ, аксига олади-да, менини ҳам тугаганди, – афсусланди Ҳаким aka. – Ҳозир қайси қўшни эшиги-

ни тақиллатишни ҳам билмайсан киши.

Содик чуқур-чуқур нафас олар, оғриқ сал пасайган бўлса-да, боши гир-гир айланниб, ҳушини йўқотар даражага етган эди. «Ишқилиб, дўхтир мошини келгунча йиқилиб қолиб, Ҳаким акага ташвиш ортирасам бўлгани», ўйларди у. Худди шу аснода кўкиш чироқларини лопиллатиб, «тез ёрдам» етиб кепди. Машинадан оқ ҳалатли йигит ва ёш жувон тушди. Йигит дарров Содикнинг қон босимини ўлчай бошлади. Жувон эса жиҳозларини ҳозирлади. «Хайрият-э, – енгил тортиб ўйлади Содик. – Энди нима бўлса бўлар». Ҳамширанинг кўзларида аллақандай ҳадисираш, ҳайрат ва шу билан бирга чексиз меҳр-шафқат ёғилиб турарди. Бирдан ҳамма оғриқлар йўқолгандек бўлиб, Содикнинг вужуди жуда енгиллашиб қолди ва у сўнгана ўлдуздек парвоз этиб, қоронғу, тубсиз жарлик қаърига сингиб кетди.

Содик оппоқ бир бўшлиқ қўйнида кўзларини очди. Очди-ю, оқ шуълалардан кўзлари қамашиб, боши яна гир-гир айланди. Ҳаммаёқ – девор, шифт, эшик-дераза, чойшаблар оқ-оппоқ. Кўлларининг бир неча жойига ниналар санчилган, ялтироқ найчалардан аллақандай ҳаётбахш суюқлик майда зўлдирчалардек юргургилаб вужудига оқиб кирмоқда эди. Шундагина у касалхонада ётганини тушунди. Кўшниси Ҳаким акани, қон босимини ўлчаётган шифокор йигитни ва кўзлари меҳр-шафқатга тўла ҳамширани эслади, жилмайди, кўнглининг энг олис бурчакларигача ёришиб кетди.

Шу пайт хона эшиги оҳиста очилиб, оstonада елкасига оқ ҳалат ташлаб олган, атлас кўйлакли ёшигина кўхлик жувон пайдо бўлди. Унинг қўлида алангадек барқ урган бир даста атиргул бор эди.


Содик сесканиб кетди, кўзларини юмб-очди. У хонага ташриф буюрувчини таний олмас, боши яна чархпалак бўлиб айланар, нафаси бўғзига тикиларди. «Ким бу?! Наҳот, Нафиса бўлса?! Йўқ Нафиса келмайди, Нафиса келмас бўлиб кетган. Кўзлари... Кўзлари ўша ҳамширанинг кўзларига ўхшайдими? Йўғ-е, у ҳамшира бу ерда нима қиласди?!»

Содик гул кўтариб жилмайиб турган жувонга яна-да қаттиқроқ тикилган эди, боши айланниб, аёл кўзига 3-4 та бўлиб кўринди, кўз олди қоронгулашди, лекин баривир уни таниёлмади.

– Ассалом, Содик aka! Яхши бўлиб кетдингизми?
– деди жувон ёқимли товуш билан. Товуш Содикка ҳам таниш, ҳам бегона эди. Содик энди жувонга қарамади, унинг қўлидаги қийғос очилган гуллардан кўз узмай жавоб қилди:

– Салом, Қизил гулим! Ассалом, ёлғиз гулим!...

Жўра ФОЗИЛ



Бошқаларга қандай билмадиму, мен нотаниш жойға илк борганимда күрган ва эшиштіңнапарим хотирамда мұхрланиб қолади ва узоқ өткіп тарк эттәйди. Айниңса, бирор ноодатий воқеа-ходиса бўлса, бошқаларга ҳам айтиб бергим келаверади. Ушбу қораламаларни ҳам шу боис қофозга тушишдим. Чунки ҳамиша ҳам содир бўла-вермайдиган воқеалар кўп. Айниңса, янги борган жойингда шундай кўз кўриб, қулоқ эшиштмаган воқеалар ҳақида тинглассанг, ажабланар экансан.

Қўшработ тумани мамлакатимизнинг тоғлар, қирлар, адирлар орасида жойлашган кўркем маскани. Бу ерда одамлар улкан тоғ ва қишлоқлар қолиб, булоқлар, қоялар, қирлар, жарликлар, ҳатто адирларга ҳам ном кўйиб олишган. Толлисой, Қайнарбулоқ, Жонбулоқ, Равот, Жомонжар, Сарбозор, Давркўрғон... Шунингдек, ўз туғилиб ўsgан манзилларида шу ердан ўтган, халқ яхши таниган одамларнинг номлари билан аталадиган жойлар, қишлоқлар ҳам кўп. Бу ерда ҳам халқ жой номларига эъзоз билан «ота» номини қўшиб айтишида. Пангатота, Бешбармоқота...

Одамлари... Биз бирор жойнинг одамлари ҳақида гапирганда умумий хуласа чиқаришни яхши кўрамиз. Бу нисбийликка олиб келади. Аслида

ҳамма жойнинг одамлари орасида яхшилар, ёмонлар, содда, тўпорилар, феъли тезлар учраб туради. Бироқ қўшработликлар биздан икки нафар академик, бир неча ҳоким, олимлар, шоирлар, бахшилар етишиб чиқкан деб мақтаниб юришади.

Мен борган жой Кўшработнинг Очил Қодиров деган хўжалиги экан. Хўжаликка бир одамнинг номи эъзоз билан қўйилиши бежиз эмас. Буни ҳам шу ерликлардан сўраб билдим. Айтишларича, Очил Қодиров Иккинчи жаҳон урушигача оддий чўпон бўлган. Урушда қатнашиб, соғ-омон юртига қайтиб келиб, касбини давом эттириб юраверади. Йиллар ўтиб, Москвадан иккинчи жаҳон уруши қатнашчиси қаҳрамон Очил Қодировга навбатдаги мукофот билан тақдирланганларни ҳақидаги мактуб келгандан сўнггина унинг қаҳрамон эканлигини билган барча юртдошлири ҳайрон қолишини. Ҳар гал ундан урушда қилган хизматлари ҳақида сўралганда: «Эл қатори жанг қилдик-да», дер экан. Ўзи аслида одамларгина берадиган бу жавоб замирида элдан орттириб қилинган хизматлар самараси ётган бўлади.

Шу қишлоқда яшайдиган Раҳмон ота ҳам Иккинчи жаҳон урушида қатнашиб, бир оёғидан оғир жароҳат олиб, уйига қайтган эди. Уйли-жойли бўлиб, бирин-кетин туғилган беш фарзандини боқиши учун ўзи яшаб турган махалла дўконида қоровул вазифасида ишлайди. Раҳмон ота фарзандлари зиёли, ўқимишили ва ўз халқига посбон бўла оладиган мард йигитлар бўлиб етишиши ўзининг орзузи эканлигини қайта-қайта айтиб юради. Кенжа ўғли Шухрат мактабни тугатгач, пойтахтга ўқишга боради. Устозларининг маслаҳати билан Тошкент темир йўл мұхандислари институтига ўқишига киради. Ўқиши тугатиб, қишлоғига қайтади ва туман газ идорасида ишлай бошлайди. Бироқ отасининг истаклари унга тинчлик бермайди ва Ички ишлар тизимиға ишга ўтади.

Хуллас, мен борган куни ўзи шу қишлоқда туғилиб ўsgан, Пангат, Шова ва Навкат қишлоқларида профилактика инспектори бўлиб ишлайдиган майор Шухрат Қаршиевнинг кўрсатган жасорати ҳақида одамлар бири олиб, бири қўйиб гапирар, Шухратнинг ўзи эса бу ҳақда «Ха, эл



қатори, хизматчилик-да», деб қўярди.

...Ўша куни бутун Самарқанд вилояти ички ишлар тизими оёққа қалқди. Пангат қишлоғида жуда хунук воқеа юз берди. Эрталаб Сардор овчи уйидан чиқиб кетаётганда ўзидан баландроқда яшайдиган қайнукаси томорқасига сув тошириб юборганини кўриб, аччиғи чиқди. Сув шу даражада босганки, уйлар захлаб кетган эди. Хотинига «Укангга айт яна бир марта сув тошираса, итдай отиб ташлайман», деди. Хотини ҳам бир нима дегандек бўлди. Сардор эса шу куни кечгача қўрма-қир юрди. Бир-иккита улфатларини топиб, бироз ичиб олди. Уйига қош қорайганда қайтиб келди. Не кўз билан кўрсинки, қайнисининг ариғидан сув тошиб, бу гал ҳовлию томорқа қолиб, уйларини ҳам захлатиб юборган эди. Алам устида хотинига бақира кетди. Хотини ҳам укасидан қанча аччиқланмасин, унинг ёнини олишга ҳаракат қилди.

– Укам ваъда берди. Бошқа сув тоширмас экан. Ариқларни мустаҳкамлаб чиқар экан. Уям нима қилсан, кўли тегмаса...

«Шайтон суви»дан отиб олган овчига айнан шу керак эди. «Отаман укангни, итдай отиб ташлайман!» бақирди у. Хотини қанча юпатишга уринса, шунча ҳадидан ошди. Югуриб уйга кириб ов милтигини олиб чиқди. Хотини унинг феълинин билгани учун йўлени тўсди. Шаштидан қайтармоқчи бўлди. Бироқ ичидаги шайтон унинг кўзини кўр қилип кўйган эди. «Аввал сени отаман, кейин уруғ-аймоғингни отаман!» Хотинига қарата милтиқни ўқталди у. Шовқинни эшитиб ўғли келиб онасини ҳимоя қўлмоқчи бўлди. «Отманг, отаааа!» Варанглаб учган ўқ товуши узокларгача тарқалди. Бироқ сониялар ичida рўй берган бу ҳолатни айтишининг ҳам, ёзишнинг ҳам имкони йўқ... Ота ўз ўғлини отиб кўйган эди. Йиқилаётган ўғил «Она, қочинг, узокроқа...» дея олди холос. Онаизор нима бўлаётганини англай олмай қўшниларникуга югуриб чиқиб, уларни уйғотди. Қўшнилар участка нозири Шуҳратга, у туманга, тумандагилар вилоятга хабар беришиди. Сардорнинг кўзига қонга белангган ўғли ҳам кўринмади. Қасос ўти билан қайнисиникуга йўл оди. Ўқ овозидан уйғониб ҳовлига чиқсан қайнисига тикка милтиқ ўқталиб бораверди. Уни милтиқ тираб тоққа қараб олиб кетди. Хонумони куйиб турган одамга энди барибир эди.

Ўша куни Шуҳрат хужжатли ишларини битириб идорада кечгача қолиб кетди. Воқеадан хабар топиб тоққа югурди. Тумандагилар билан боғланиб турди. Ҳарбийлар машиналарда борсак, қотиллик тезлашиб кетади, деб отларга миниб олишиди. Ой ёруғида қайнисига милтиқ тираган Сардорни топишиди. Операцияга вилоят ички ишлар бўлими бошлиғи Ф. Қувондиқов бошчилик қилди. Шуҳрат Сардорга қаратади:

– Сардор, сен яхши боласан, ақлингни йиғ! – деб қичқирди. Сардор эса:

– Ҳамманг бу ердан кет! Мен фақат майор Қаршиев билан гаплашаман. У менга сув олиб чиқсан! – деб бақирди.

Шуҳрат сув олиб Сардор томонга чиқар экан, яна бир қотиллик бўлмаслиги учун ақл билан иш юритди.

– Сардор, қуролни ташласанг, ўзингга яхши бўлади.

– Шуҳрат, билиб қўй, орқандан одам эргаштириб

келсанг, кечирмайман. Мен ўз ўғлимни отиб қўйдим. Энди менга барибир!

– Мен сенга сув олиб келяпман. Атрофимда ҳеч ким йўқ. Ўзингни кўлга ол...

Майорга қарама-қарши томондан икки ҳарбий тоққа эмаклаб кўтарила бошлади. Шуҳрат назоратни ва чамани белгилаб сувни баланд кўтарганича овчи томонга юрди. Нихоят, йигитларнинг яқинлашганини чамалаб аниқлади ва Сардорнинг ёнига етиб келиб, сувни берди. Пистирмада етиб келган йигитлар унинг кўлларини ортга қайриб, куролсизлантириди.

Қишлоқ аҳли майор Қаршиев ҳақида гап кетса, олдин ҳам у уйма-уй юриб, ноқонуний сақланаётган элликтада милтиқни аҳолидан йиғиб олиб, керакли жойга топширгани ҳақида сўзлаб беришди. Энди оталари аввалдан овчи бўлиб келганлар, ўзлари овчи бўлганлар билан ҳам тушунтириш ишлари олиб бориб, куролларини давлатга топширтирмоқда экан.

Шуҳрат ўзини қаҳрамон дейишиларини унчаям хоҳламайди. «Менинг ўрнимда бошқа одам ҳам шундай қилиши мумкин эди», дейди у. Балки. Бироқ кўзи қонга тўлиб, ўз ўғлини отиб, бошқаларга ҳам пўписа қилаётган одамнинг олдига юзма-юз чиқиб бориши ҳақиқий жасорат.

Шуҳрат оиласда ҳам қаттиққўл, ҳам меҳрибон ота.



Бирин-кетин вояга етаётган фарзандларининг ўқиши, меҳнат қилиши учун шароит яратиб берган. Болаларни, аввало, меҳнат қилишга ўргатиш керак, меҳнатсевар инсон жамиятга зарар етказмайди, деб ҳисоблайди у.

Айни пайтда Шуҳратнинг шогирдлари – катта лейтенант М.Шониёзов, лейтенантлар О.Маматов, Х.Ўташев, М.Ўроловга касбнинг сир-асрорларини ўргатиб, ёнига олган. Ўзи эса захирадаги офицер сифатида пенсияга чиқди. Мақсади эса битта – ҳалқнинг тинчлиги ва фаровонлиги. У бунинг учун умрини беришга тайёр.

Ўша куни Қўшработдан бир олам таассурот билан қайтдим. Бу ерлик одамлар жуда кўп ўқиган, ўқиганларини ҳаётда ишлата оладиган одамлар экан. Ҳатто чўпоннинг ҳам қўлида бир боғлам газета, бир қулоқ китоб. Ҳа, одамлар ҳалқнинг яхши-ёмони бўлмайди, одамларнинг яхши-ёмони бўлади, деб бежиз айтмаган экан. Шунинг учун ҳам бирни кўриб фикр қилиб, бирни кўриб шуқр қилиб яшайверамиз.

ХОНИМОЙ



Юртимиизнинг ҳар бир гўшаси ўзига хос иқлими, одамларининг феъл-атвори, санъати билан ажralиб туради. Қадим Сурхон воҳаси ҳам алоҳида урф-одатлари, тўй-маросимлари, анъаналари билан машҳур. Санъатшунос Бинафша Нодир билан бу воҳа хотин-қизларининг тарихий ва анъанавий лиbosлари хусусида суҳбатлашдик.

– Сурхондарёниг ўзига хос миллий лиbosлари ҳақида гапириб берсангиз.

– Қадим Сурхон заминида кўпгина элатлар истиқомат қилгани боис, миллий лиbosлар умумий лиbosлар билан кўшилиб, ранг-баранглик касб этади. Ма-


Libosimda quyosh aksi bor

салан, Бойсун аёлларининг анъанавий лиbosи қуйидаги икки асосий турга бўлинади: ўтроқ аҳоли лиbosи, ярим кўчманчи ўзбеклар (қўнғирот, юз ва бошқа уруғлар) лиbosи. Бойсунлик аёлларининг лиbosлари бичими жиҳатидан ўшаш бўлса-да, улар бир-биридан лиbos деталларининг кенглиги ва узунлиги жиҳатидан ажralиб туради. Бу, аввало, ҳар бир этник гурухнинг ўзига хос маданияти ва анъаналари билан боғлиқдир. Кундалик ҳамда маросим лиbosлари орасидаги тафовут, асосан, мато турлари ва тақинчоқларида намоён бўлади. Бойсун аёлларининг кундалик лиbosлари маҳаллий хунармандлар тўқиган олача, жанда сингари пахта ва нимшойи матолардан тикилган. Тадқиқотчи С.Маҳкамованинг таъкидлашича, Бойсунда олачанинг норпўсти, момошойи, қирмизи, мозори ва амири сингари турлари тўқилган. Олачадан ташқари, Дашибодда тенглик деб номланадиган мато ҳам тайёрланган. Хотин-қизлар лиbosларини тикишда маҳаллий матолар билан бир қаторда, бошқа худуд – Бухоро, Қарши каби жойлардан келтирилган матолардан ҳам фойдаланилган. Амир амалдорлар учун Қаршида тайёрланган юқори сифатли газламалар Бойсун, Ҳисор, Ғузор ва Сариосиёга ҳам юборилган, ҳамда атрофдаги даштлардан келган чорвачилик билан шуғулланувчи аҳоли томонидан сотиб олинган. Лиbosларнинг рангларига катта эътибор берилган. Қизлар ва ёш аёллар қизил ҳамда унга яқин бўлган ёрқин рангли, кекса аёллар эса одмироқ рангли матолардан кенг фойдаланишган.

Бойсундаги ўтроқ аҳоли аёллари лиbosининг ранги ва тикилиши тоҷик аёлларининг лиbosiga ўхшайди. Бойсун аёллари лиbosida кашта безаги камроқ эканлиги унинг ўзига хос жиҳатидир. Кашта безаклари, асосан, ўсимликсимон нақшлардан иборат бўлиб, уларда лопа, гул буталари ва баргларининг асл нусхалари ва баъзан мавхум шакллар ҳам ифодаланган. Ҳозирги пайтда аёллар бундай лиbosларни асосан тантанали маросимларда кийишади. Лиbosлар бўйламасига туширилган ёки ўмизи нақшлар билан жијакланган. Кўйлак олдини безаш услубининг яна бир тури – ёقا бўйлаб этакка 20-30 сантиметр етмай тушадиган қора жун ёки ипдан тўқилган узун «сетора» бўлиб, унинг устига қаторасига (асосан кумушдан) бўртма, юмалоқ маъданлар тикиб чиқилган. Этнографларнинг аниқлашича, кўйлак олдини бундай безатиш Тоҷикистоннинг айрим туманлари, ғарбий Помир қишлоқлари, шунингдек, туркмандарнинг жанубий-ғарбий қисми ҳамда баъзи қозоқ уруғлари аҳолиси лиbosларида учрайди. Бу маълумотлар эса Сурхон аҳолисининг бошқа халқлар билан этник ва маданий алоқада бўлганидан далолат беради.

– **Бош кийимлардаги алоҳида жиҳатлар нималардан иборат?**

– Бош кийимлар миллий лиbosнинг энг қизиқарли бўлаги ҳисобланади. Ярим кўчманчи аҳоли аёлларининг



бош кийим турлари унчалик кўп эмас. Лекин бошўров улар ичида алоҳида ажралиб туради. Ўзбекистоннинг бошқа вилоятларида учрамайдиган салласимон кўринишдаги бу бош кийими тузилиши жиҳатидан мураккаб бўлиб, бир неча қисмлардан иборат. Сурхондарёда унинг бир қанча кўринишлари мавжуд. Улар бошўров эгасининг ёши, табақаси ва қайси уруғдан эканлигини билдириб турган. Бойсун-кўнғирот аёллари, асосан, юқори қисми кенгайиб кетадиган баланд цилиндр кўринишидаги «бош» деб номланадиган дўппи кийишади.

«Кийгич» деб аталадиган думалоқ қалпоқ «бош»нинг асоси ҳисобланади. Унинг олд қисми каштали чироз билан турли рангдаги илак илларда «ироқи» чоқда безатилган. Авваллари бу кашталарда ярим кўчманчи уруғларга хос бўлган тамғани кўриш мумкин бўлган. Уларга қараб «бош» кийган аёлнинг қайси уруқка мансублигини билишган. «Бош»нинг юқори қисми қалин асосдан ташкил топган. Унинг устига 3-5 метрли қизил мато ўралган. Сўнгра турли рангдаги бир неча рўмол (баъзан уларнинг сони 25-30 тага етган) энсиз лента шаклида ураб чиқилган. Унинг устидан катта рўмол ёки ёпинчиқ (курта) ташлаб олинган. «Бош»ни фақат турмушга чиқкан аёллар кийган. Афсуски, ҳозирги пайтга келиб, бундай бош кийимнинг кўлгина вазифалари унтутилган. Тожик аёлларининг бош кийими бирмунча соддароқ. Яъни у – орқасида сочни чиқариб кўйиш учун мўлжалланган енгисимон унсур (ёки оддий юмалоқ)ли қалпоқ ва рўмолдан иборат бўлган. Улар кейинчалик фақат дўппи кийишни одат қилишган. XX аср 50-йилларидан бошлаб, нозик, майда мунчоқлар қадалган «гириллок дўппи» деб номланган дўппи кенг тарқалган.

– Воҳанинг тақинчоқлари ҳам ўзига хослиги билан ажралиб туради...

– Заргарлик буюмлари ҳам либоснинг таркибий қисми ҳисобланади. Улар ҳам аёлларнинг этник мансублиги, ижтимоий ва оиласий аҳволини билдириб турган. Зебу-зийнат ҳисобланган тақинчоқларга ёмон назардан сақловчи буюм сифатида ҳам қарашган. Сурхон аёлларининг баъзи тақинчоқлари келиб чиқшига кўра туркман, қозоқ ва қорақалпоқ халқарининг айрим тақинчоқларига ўхшаб кетади. Бу эса мазкур халқарнинг барчаси кўчманчи бўлганлиги билан боғлиқ. Хусусан, «синсила» (силсила) катта ҳажмли ромб кўринишига эга бўлиб, ўртаси ақиқ ёки турли рангдаги шишалар билан безатилган. Ярим кўчманчи ўзбек уруғлари «синсила»си эса тошлар билан безатилган. Кўпчилик туркман уруғларида 9-12 ёшли ва ундан катта қизлар «синсиле» ёки «сунсуле» тақиб юришган. Қўнғиротларда эса «синсила»ни фақат келинлар ёки ёш аёллар тақсан. Аммо бу каби тафовутларга қарамай, ушбу тақинчоқлар ягона генезисга эгадир.

Қулоққа тақиладиган тақинчоқлар беш (тўқиз, ўн бир) поя сирға, ой балдок, қозиқ сирға, уй сирға, уч кўзача сирға, ҳалқаи мұхаммадия, содда ва мураккаб кўринишли сирғалар. Бурун тақинчоқлари – летува (летуба), турли шаклдаги маржон, хапамат, гулбанд, ҳайкал, пошшойи танга, жавак, томоқлов сингари бўйин ва кўкрак тақинчоқлари ҳам воҳа аёлларининг заргарлик буюмлари саналади. Улар, асосан, кумуш ва майда мунчоқлардан ясалган. Қўлга тақиладиган тақинчоқлар – билагузуклар ва турли шаклдаги узуклардан иборат бўлиб, улар

ҳам ўз ўрнида қизлар учун, келинлар учун, жувонлар ва кекса ёшлилар учун махсус ясалган.

– Ушбу тақинчоқларнинг тақиладиган ўрни, хусусиятлари ҳақида гапириб берсангиз?

– Сурхондарё аёлларининг севимли тақинчоқларидан бири томоқлов турфа хил оқ, қизил, кўк, сарик, қора рангли майда мунчоқлардан терилади. Томоқлов мунчоқлар терилган беш ёки етти қаторли ип тизимларидан ташкил топиб, учлари бояланган бўлади. Бўйиннинг фақат олд қисмини беркитиб турувчи мунчоқли тасма нақшлари композицияси кўпинча ромблардан ташкил топган. Кундалик ҳаётда қозиқ сирға ва уй сирғаларидан фойдаланишган. Гулбанд – «гул» (маҳаллий аҳоли қизилча касалини шундай дейди) ва «банд» сўзларидан иборат. Шунингдек, унинг ўзига хос унсур ўртасига ўрнатилган бобохур тошидир. Бобохурни маҳаллий аҳоли соғлик ва кувват учун тақишиган. Келинчаклар эса оила мустаҳкамлиги ва осойишталиги учун тақишиган. Худди ҳозирги давримизда никоҳ узуги тақилгани сингари келинларга гулбанд тақиш урф бўлган. Ҳалқ фольклорида гулбанднинг бобохур тошига нисбат берилиб шундай қўшиқ куйланган:

**Бобохурим бўлдирмас,
Устима хотин олдирмас.
Устима хотин олдирсаям,
Бир кун хотин қилдирмас.**

Юқорида санаб ўтилган зийнатлар орасида энг қизиқарлости ва энг кўп удумларга бояланадиган, ўзида маросими функцияларни мужассам этган тақинчоқ хаматидир. Хапамат тожикча «хафа» ва «банд» сўзларининг бирикмасидан келиб чиқсан бўлиб, «ғам-қайгуни қайтарсин, йўлни тўссин» маъноларини билдиради. Хапаматни фақатина аёллар тақсан, яъни у қизларнинг аёллик даврига ўтиши, фарзанд кўра олиши мумкинлигига ишорадир. Бундан ташқари, хапамат ҳимоя вазифасини ҳам бажариб, уни аёллар кўйлак олдининг очиқ қисмини беркитиш мақсадида, ёка ўмизининг устидан тақишиган. Чунки, илгари аҳоли орасида кўйлакнинг очиқ қисмлари – энг учи, ёқа, этак қисмидан турли хил бало-қазолар, инсу жинлар кириб либос эгасига зиён етказиши мумкин, деган тушунча мавжуд бўлган.

– Умуман, воҳанинг энг қадим кийимларидан ҳозиргача кийиладиган либослари, ҳалқ орасида севимли бўлганлари, авлоддан-авлодга ўтиб келганлари ҳақида ҳам сўзлаб берсангиз?

– Нафакат Сурхондарёда, балки ҳалқимиз орасида урф-одатлар ва улар билан боғлиқ тушунчалар, тақинчоқ ва либосларга маъно бериш ҳамон сақланиб қолган. Айни пайтда айланга каштали, кўёш акс этган, гулли либослар кенг тарқалган. Бунда иссиқ ранглар кўп ишлатилади. Сабаби – Сурхон заминининг кўёшли ва иссиқ иқлимида бўлса керак. Буни фольклор жамоаларининг кийимларида ҳам кўриш мумкин. Момоларимиз томонидан асрлар давомида асраб-авайлаб, авлоддан-авлодга ўтиб келган буюмлар орасида паранжи-чачвонлар, минисаклар, турли хил безаклар ишланган чимилдиқлар, тахмоннўшлар кўп.

– Суҳбатимиз давомида қисман бўлсада Сурхон воҳасига сайр қилгандек бўлдим. Мазмунли суҳбатингиз учун раҳмат.

Нигина ИСМОИЛОВА суҳбатлашди

Sahna ortidagi hangomalar

Сен ўзинг беркин

Фарфона томонларда лақаби бўлмаган одам йўқ. Ошқовоқдан тортиб ҳайвонларнинг ҳамма турлари лақаб қилиб қўйилади. Аскиячи, созандаларни-ку, асти қўяверинг.

Раҳматлик Юсуф қизиқнинг битта лақаби ит бўлган экан. Лақаб шундай нарсаки, отасининг лақаби «сичкон» бўлса, ўғлига ҳам албатта ёпишади. Бундан ташқари кимга шогирд тушса, унинг ҳам лақаби шогирдига ўтди деяверинг.

Юсуф ота чойхонада беш-олтита шогирдлари билан ўтиришса, (илгари бу одатий нарса эди) ит отадиганлар ўтиб қолишибди. Шогирдлардан шаддодроғи отага қараб:

– Уста, энгашинг, ит отадиганлар келишияпти, кўриб қолишмасин, – деса, у киши:

– Сан ўзинг беркин, бугун акиллайдиганини отишармиш, – дебди.

Қўшнай

Мулла Тўйчи ҳофизнинг уйига кўп санъаткорлар қатори Аҳмаджон қўшнайчи ҳам тез-тез келиб турарди. Бир сафар у киши Тўйчи ҳофизнинг ўғли Абулқосимга битта қўшнай бериб:

– Устазодасан, ўғлим, бирорта асбоб чалишни ўрганиб қўй, бир кунинга яраб қолар, – дебди.

Абулқосим ёш эмасми, ҳар нарсага қизиқувчан маҳали, уйнинг бир бурчагига борволиб, ҳеч қандай машқ чиқмаса ҳам найни пулфайвериби, пулфайвериби. Бир пайт чарчаб, бошини кўтариб қараса, рўпарада ўтирган онаси саккизта бўлиб кўринаётган эмиш.

Олдин ҳайрон бўлиб, кейин кўзларини кафти орқаси билан ишқаласа, энди олтита кўринибди. Шу тариқа кўзларини уч-тўрт қайта-қайта ишқалаб, онасини битта кўрадиган бўлибди. Бир-икки кундан кейин Аҳмаджон ака яна келганида унинг олдига қўшнайни ташлаб:

– Уста, менга бўлмади бунингиз. Пулфайвериб, кўзимга онам саккизта кўринадиган бўлиб қолди, зўрға битта кўрадиган бўлдим, –

Деса, уста:

– Эҳ, ўғлим-а, хомсан-да, яна жиндай пулфаганингда, дадангни ҳам саккизта қилворардинг, – дебди.

Қулоғинг қарсиллади

Мукаррама Турғунбоева ҳақида гап кетганда Абдулқосим ака шундай эслайди:

– Эй, полвон ука, менинг баҳтли санъаткорлигим шунда-ки, мен жуда кўп буюк санъаткорлар билан ишлаганман. Сафарларда бирга бўлдим. Мукаррама опанинг ўттиз йил кўйлакларини кўтариб юрганман. Кулманг, бўйи пастроқ одам кўтариб юрса, ерга тегиб қолади. Шунинг учун маҳсус қопга солиб, елкамдан ошириб олардим.

– Сен бирга юрсанг, ёнимда эр-как борлиги сезилиб туради, – дерди опа. Бир куни катта ўтиришга бирга олиб борди. Ичкарига кирсак, бутун казо-казолар, дастурхонда ноз-неъматлар тўлиб тошиб ётиби. Концертдан сўнг келганмиз, қоринлар оч. Аксига олиб ҳеч ким овқатга қарамайди, бир-бирлари билан сухбатга берилиб кетишган. Мен эса сўлагимни аранг ютиб улгуряпман. Ёнимда опа менга ёнбош қилиб, ким биландир гаплашияпти. Олдимда бир лаган қовурилган балиқ, ўзим балиқни ўлгудай яхши кўраман денг. Чидолмадим опанинг сухбати қизиб қолганидан фойдаланиб, санҷқини олдим. Бир бўлак балиқни санчиб оламан десам, товоқнинг у чеккасидан бири дастурхонга тушди. Санҷқига илинганини олдимдаги ликопчага қўйдиму, кўл билан суягидан ажратиб, еб кўрсам, ҳа энди, кўлинг дард кўрмагур ошпаз саримсоқ пиёз билан шунаقا пиширибди, гап йўқ. Қарасам, бирпасда ҳалиги бўлакни еб қўйибман. Ўзимга ўзим «бўлди» дедим, лекин дастурхонга тушиб кетган бўлакни кўриб, уни катта товоққа олиб қўяй деб ўзимни ликопчамга қўйиб қўйганимни билмай қолибман. Нима бўлса бўлди деб, уни ҳам ея бошладим. Опа менга қараса ҳам билиб турган экан, оёғимга бир туртди ва кулиб туриб:

– Бўлди, тўйдинг! – дедилар.

Мен ҳам бўш келмай:

– Йўқ опа, тўйсам қулоғим қирсиллади, – дедим.

Бир оз еганимдан кейин опа яна туртиб:

– Ҳой, мен эшитдим, қулоғинг уч марта қирсиллади, – деди.

Фақат шундагина ноилож ейишдан тўхтадим.

Кабоб

Мукаррама опа Самарқанднинг Каттақўргонига сафарга борганимизда бозор айлангани чиқиб, тушмаҳали расталар орасида пиширилаётган кабобнинг ҳидини сезиз:

– Абил, ке, бир кабобхўрлик қилмаймизми? – деб қолди.

Ўша пайтларда Самарқанд, Буҳоро томонларда кабобнинг бир порцияси беш сих бўларди ва ҳар бир сихга бир тишлам қийма тортиларди. Абулқосим ака икки тақсим кабоб олиб келса, Мукаррама опа сихларга қараб туриб:

– Абил, кабобпазга айт, шу сихларни ташлаб бир йўла нинага тизишсин, – деса, Абулқосим ака:

– Индамай еяверинг, опа, нарироқда сихнинг ўзини пиширишяпти, – дермиш.

Тузукроқлар

Мулла Тўйчи ҳофизни бир куни саҳар маҳали бирор ҷақириб келибди. Дарвозани очиб қараса, хароб кейинган бир одам турганмиш. Бошида бир қулоғи осилиб қолган телпак, эгнида кирлаганидан ярқираб кетган чопон, чопоннинг устидан фуфайка кейиб, арқон боғлаб олган.

– Ассалому алайкум, мулла ака, сизни тўйга айтгани келдим.

– Э, раҳмат, энди ҳаммасини ийифишириб қўйиб, сизнига борамизды, – дебди ҳофиз энсаси қотиб.

– Тўй менинида эмас...

– Унда кимнинида экан?

– Боқижон бойникида.

Тўйчи ҳофизнинг янада энсаси қотибди, чунки Боқижонбай Тошкентнинг катта бойларидан бири экан.

– Ука, Боқижонбай Тошкентнинг бир томонини сўраб турган бўлса, ўзи мени яхши таниса, ҳа, бошқа тузукроқ одам қуриб кетганмиди мени тўйга айтгани?

– Муллака, тузукроқлари тузукроқларни айтишга кетишди, мени эса сизга жўнатишиди, – дебди.

Турсун Али МУҲАММАД

**«МУАЛЛИФЛАР»
АЙЛАНМА КРОССВОРДИННИНГ ЖАВОБЛАРИ:**

Күйидаги асарлар муаллифларини топиб, шаклда белгиланган хонадан соат мили йўналишида рақам атрофига ёзиш билан топқырглигинизни синааб кўринг. 1. Гомер, 2. Айтматов. 3. Скотт. 4. Моруа. 5. Фучик. 6. Фолкнер. 7. Неруда. 8. Плутарх. 9. Хейзе. 10. Ойбек. 11. Симон. 12. Мицкевич. 13. Есенин. 14. Гунтекин. 15. Аттор. 16. Амаду. 17. Нушич. 18. Охундов. 19. Войнич. 20. Киплинг. 21. Гримм. 22. Руммий. 23. Жомий. 24. Гончаров.

МУАММОНОМА

Калит сўзлари:

1. Ёсуман. 2. Авлоний. 3. Дилдор. 4. Яго. 5. Мушоира. 6. Назира. 7. «Чўри». Ҳикматлар: Ёзувчи сўзлардан гўзал манзаралар ясади. Шоир – сўз уммонидан дур изловчидир.



«ЎЗБЕКИСТОН ТАСВИРИЙ САНЪАТИ» ЧАЙНВОРДИ

1. Рассомлика жонсиз предметларни тасвирлаш жанир. 2. Манзарачи рассом, рангтасвир устаси, Ўзбекистон халқ рассоми. 3. Дераза, эшикка рангли шиша парчаларини териб нақш, тасвир ишлаш санъати. 4. Сайқалланган сиртнинг товланиши. 5. Бир неча япроқли мойчечаксимон, тасаввурда баҳт-иқбол рамзи тариқасида қўлланиладиган нақш элементи. 6. Сайқал бериш ашёси. 7. Металл буюнга тасвир ишлаш санъати. 8. Иморат айланасига тишга ўхшатиб ишланган меъморий безак. 9. Мисгарликда офтоба каби идишларнинг қопқоги билан дастасини бирлаштирувчи бронзадан қўйилган афсонавий күш ёки жониворлар тасвири. 10. Тасвирий санъатда рангларнинг ўйғунлик касб этиши. 11. Нақшнинг маълум бир шаклда тақорланивчи қисми. 12. Рассомнинг асосий иш қуроли. 13. Қўлёзма китобларнинг муқова ва саҳифаларини олтин ёки кумуш суви билан ҳал берувчи уста. 14. «Иккинчи Моний» номини олган фахрий унвонга сазовор бўлган буюк миниатюрачи мусаввир, музаххислар етакчиси. 15. Қадимий тасвирий санъат намуналари топилган милоддан аввалги II аср охири, I аср бошларига мансуб, Чуст маданиятининг энг йирик ёдгорлиги, тураржой харобаси. 16. Рассомнинг ўз қўли билан ишлаган ўз тасвири. 17. Бирор нарсанинг чизма шакли. 18. Бинонинг олд томонидаги, пештоқ ва устунлар билан безатилган қисми. 19. Графитли, расм чизиш қуроли. 20. Рассомлик санъати тури. 21. Безак нақшни қўйма ҳолда ясаш мосламаси. 22. Девор, шифтнинг атрофи ҳошия билан ўралиб, бўртма суратлар билан безатилган қисми. 23. Геометрик шакллар билан ўз тасвири.

лар билан ўсимлик ёки жониворлар тасвиirlарини ритмик тартибида қўшиб, уйғулаштириб ишланган безак.

24. Тасвирий санъатда чайқалиб турган сувга ўхшаш чизма. 25. Энг мукаммаллашган етук нақш тасвири. 26. Нақшнинг намуна сифатида танлаб олинган тури донаси. 27. Алишер Навоий асарлари қаҳрамонларини мўйжаламда гавдалантирган Ўзбекистон ҳалқ рассоми.

«НОДИР АСАРЛАР» МУАММОНОМАСИ

Калит сўзлар:

1. «Алишер Навоий» портрети муаллифи, Ўзбекистон халқ рассоми. – 7, 8, 2, 3, 6, 14.

2. Абдулла Қодирий асарларига қаламтасвирда суратлар муаллифи, Ўзбекистон Давлат мукофоти лауреати, Ўзбекистон халқ рассоми – 5, 3, 10, 11, 8, 6, 14.

3. Мусаввирнинг асосий ифода ва тасвир воситаси – 10, 6, 7, 16.


4. Уста Ширин номи билан машхур ганч ўймакори, меъмор, Ўзбекистонда хизмат қўрсатган санъат арбоби – 5, 4, 10, 12, 15, 12, 14.

5. Бирор нарсанинг чизма шакли – 13, 8, 1, 14, 3, 10.

6. Бўйёқ модда – 5, 12, 9.

Шакл атрофидаги рақамларда ифодаланган муаммономани калит сўзлари жавоблари асосида ҳал этинг. Бунда улардан илк ўзбек аёл рассоми Шамсирий Ҳасанова ижодига масуб тўртта портрет асарлар номини билиб оласиз.

Фозилжон ОРИПОВ тузди




Rassom Asliddin Kalonov ijodidan namunalar



Республикамизнинг замонавий тасвирий санъатида етакчи рассомлардан бири Аслиддин Калоновнинг “Кўчаётган шаҳар”, “Шамолларда учеб кетган дардлар”, “Умид шамоли”, “Оқ ўйин” сингари рангтасвир ишларида гўзаллик оламига муносабатнинг мажозийлик, рамзийлик касб этган унсурларга боғлиқ ҳолда акс этганини кўрамиз. Рассом борлиқ ва табиат ходисаларини ўтаётган умр ўлчовида кўради, нарсалар моҳиятини ўзидан, қалбидан, қалби орқали эса Яратгандан излайди.


Ўзбекистон Бадиий Академияси Ижодкорлар уюшмаси аъзоси,




график, рангтасвирчи рассом Аслиддин Калонов айни дамда Камолиддин Беҳзод номидаги Миллий рассомлик ва дизайн институти “Миниатюра ва китоб графикаси” кафедраси доценти лавозимида ишлайди. Унинг шогирдлари бугун Республикаизнинг қатор таълим муассасалари ва ташкилотларида фаолият олиб боради.

Аслиддин Калонов 2016 йилда “Энг улуғ, энг азиз” республика танлови ғолиби бўлган.

**Рўзимурод ЭСОНОВ
тайёрлади**





Yanvar											
D	S	C	H	P	J	SH	YA				
1	2	3	4	5	6	7					
8	9	10	11	12	13	14					
15	16	17	18	19	20	21					
22	23	24	25	26	27	28					
29	30	31									

Fevral											
D	S	C	H	P	J	SH	YA				
1	2	3	4								
5	6	7	8	9	10	11					
12	13	14	15	16	17	18					
19	20	21	22	23	24	25					
26	27	28									

Mart											
D	S	C	H	P	J	SH	YA				
1	2	3	4					1			
5	6	7	8	9	10	11		2			
12	13	14	15	16	17	18		3			
19	20	21	22	23	24	25		4			
26	27	28	29	30	31			5			

Aprel											
D	S	C	H	P	J	SH	YA				
2	3	4	5	6	7	8	9	1			
8	10	11	12	13	14	15	16	2			
16	17	18	19	20	21	22	23	3			
23	24	25	26	27	28	29	30	4			
30								5			

May											
D	S	C	H	P	J	SH	YA				
1	2	3	4	5	6	7	8	1			
7	8	9	10	11	12	13	14	2			
14	15	16	17	18	19	20	21	3			
21	22	23	24	25	26	27	28	4			
28	29	30	31					5			

Iyun											
D	S	C	H	P	J	SH	YA				
1	2	3	4	5	6	7	8	1			
4	5	6	7	8	9	10	11	2			
11	12	13	14	15	16	17	18	3			
18	19	20	21	22	23	24	25	4			
25	26	27	28	29	30			5			

Iyul											
D	S	C	H	P	J	SH	YA				
1								1			
2	3	4	5	6	7	8	9	2			
9	10	11	12	13	14	15	16	3			
16	17	18	19	20	21	22	23	4			
23	24	25	26	27	28	29	30	5			
30	31							6			

Avgust											
D	S	C	H	P	J	SH	YA				
1	2	3	4	5	6	7	8	1			
6	7	8	9	10	11	12	13	2			
13	14	15	16	17	18	19	20	3			
20	21	22	23	24	25	26	27	4			
27	28	29	30	31				5			

Sentabr											
D	S	C	H	P	J	SH	YA				
1	2	3	4	5	6	7	8	1			
8	9	10	11	12	13	14	15	2			
15	16	17	18	19	20	21	22	3			
22	23	24	25	26	27	28	29	4			
29	30	31						5			

Oktabr											
D	S	C	H	P	J	SH	YA				
1	2	3	4	5	6	7	8	1			
8	9	10	11	12	13	14	15	2			
15	16	17	18	19	20	21	22	3			
22	23	24	25	26	27	28	29	4			
29	30	31						5			

Noyabr											
D	S	C	H	P	J	SH	YA				
1	2	3	4	5	6	7	8	1			
5	6	7	8	9	10	11	12	2			
12	13	14	15	16	17	18	19	3			
19	20	21	22	23	24	25	26	4			
26	27	28	29	30				5			

Dekabr											
D	S	C	H	P	J	SH	YA				
1	2	3	4	5	6	7	8	1			
3	4	5	6	7	8	9	10	2			
10	11	12	13	14	15	16	17	3			
17	18	19	20	21	22	23	24	4			
24	25	26	27	28	29	30		5			